



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

Ltn

2405

Ltn

✓ 1842

1999

ՄԻԻԹԱՐԱՅ ԱՆԵՑԻՈՅ

ՊԱՅՄՈՒԹԻՒՆ

Սկզբն, Վարկաբ Է՛

և

Յաւելուածք

Է լստ ած

Բ. Պ.

1879

Ս. ՊԵՅԵՐԱՌԻՐԳ

Օչանդամանաց կենաց Մխիթարայ Անեցւոյ չէ ինչ մեզ
 յայտնի, բայց այն միայն թէ՛ էր սա աւագերէց կաթուղիկէ եկե-
 ղեցւոյն Անոյ . և եկաց յեւլ երկոտասաներորդ դարու : Սա գրեաց
 զՊատմութիւն իւր ի խնդրոյ հաւր Հառիճայի վանաց, Պրիգո-
 ղոյ վարդապետի, և եթող յետնոցս զայլ և այլ երկասիրութիւնս,
 որք ոչ հասին ի ձեռս մեր, և զորոց ճառեն Վարդան և Ստե-
 փանոս մետրապաւլիտն Օրբէլեան : Վարդան կրկնակի յիշէ ըզ-
 Մխիթար յիւրում պատմութեան : Մի՛ բերելով զանցս ինչ ի
 պատմութենէ Վրաց և ի վերջն ասելով. « այս ըստ Մխիթարայ
 երիցու ասիցն (Վե՛ն. եր. 91) », և միւս՝ ի պատմեւն զսկզբնաւո-
 րութենէ Թուրքաց, յորժամ ասէ. « Այս ըստ Վահրամայ որդւոյ
 Տիգրանայ, վրպագրի : Իսկ պատուական երէցն Մխիթար Անե-
 ցին այսպէս ասէ » : Եւ զոր ասէն՝ առանձինն եղաք ի վերջ հա-
 տուածոյս : Ստեփանոս Օրբէլեան նոյնպէս յիշէ զսա և զգեղեցիկ
 Պատմութիւն սորա, յասելն. « այլ զի ժտեալ էր յիշատակ նախ-
 նական զրուցատրութեանց նոցա, նաև ամենայն արութիւնք և
 գործք երևելիք ի տանն Վրաց ազգին Օրբէլեանց ի նոցին ժա-
 մանակագրոցն, զոր Քարթլիս Տխորեբայ կոչեն, վասն այն մեք
 ոչ գիտացաք զորպէսն և զկարգ բանիցն, զի և ըստ կարգի շա-
 րայարեալ էաք ի մատենիս. բայց զոր ինչ գտաք ի հայալեզու գի-
 րքս սակաւ ինչ յիշատակ՝ դիցուք, ևս և զվախճան կատարածի
 նոցա, զոր հաւաստեաւ ծանոյց մեզ գեղեցիկ Պատմութիւն Մխի-
 թարայ Անեցւոյ » :

Մեզ չէ յայտ, եթէ պատմութիւնս այս Վրաց, յիշատա-
 կեալն ի Վարդանայ և ի Ստեփանոսէ, առանձին երկասիրութիւն



h 3562

2405-20 19

էր հեղանակիս, թէ մասն ինչ միայն « աշխարհագրումար զրու-
ցաց », Լ՛նեցւոյն : Ինքն այսքան միայն ասէ ի նախերգանս իւր,
թէ՛ « գումարեցի զայսոսիկ գումարումն յերիս պրակս... Լ՛ռաջին
Պրակն սկսանի ի Պարոյրայ Հայկազնոյ, առաջին թագաւորէ Հա-
ծոց մինչև ց՛Յովանէս վերջին. իսկ երկրորդն՝ ի Յովանիսէ մինչև
ի քահանայանալն Տեառն Բարսղի : Լա երրորդն՝ մինչև ի գե-
րելն զԱրուսաղէմ և ցերս աղգաց Փրանկաց » : Ի սոցանէ մասն
միայն առաջին Պրակին եհաս ի ձեռս մեր, զաւղեալ ի ստուար
գրչագրի միում ի մատենադարանի բարձր Սրբազան Սարգիս
Լ՛րքեպիսկոպոսին Հասան Զալալեանց, որոյ ի լուսաւոր թոյլ-
տուութենէ շահեցեալ տարաք ընդ մեզ ի Ս. Պետերբուրգ գեր-
կուս գրչագիր մատենս ի նոյն գրադարանէ վասն ընդաւրինակելոյ
ի նոցանէ զինչ ինչ բանս, և այժմ ի լոյս ընծայեմք զնշխարս Պա-
տմութեան Լ՛նեցւոյն, յուսալով զի և զմնացորդն հանդիպեսցի
գտանել ումեք յաջողագունի քան զմեզ :

Ի վերջ մատենիս եդաք՝ զՅաւելուածս, յորս գտանին տեղե-
կութիւնք և պէսպէս բանք մատենագրաց մերոց զմարդարէէն
Տաճկաց : Լալ և զքաղուածս ինչ ի պատմութենէ Համգայի Իսպա-
հանեցւոյ յաղագս յաջորդաց Սահմետի, որոց գրեթէ ամենևին
համահասար գտանին ամբ, ամիսք և աւուրք իշխանութեան
ասացելոցն ի Մխիթարայ, այնպէս զի երկոքեան մատենագիրքս ի
միջէ աղբերէ հանեալ երևին զնիւթն հատուածոյս :

ՄԻՄԻԹԵՐԱՅ ԱՆԵՑԻՈՅ

ՊԱՏՄՈՒԹԻՒՆ

Հանդէսք բանից աշխարհագրումար զրուցաց, տիեզերապատում անցից. վիպասանեալ
ի քաջ գիտնականէն Մխիթարայ, աւագերիցու մեծ կաթուղիկէին Մնայ, հոյակապ
բաղաբի ի խնորոյ հաւր Հառիճայի Գրիգորոյ վարդապետի

Խ. Մխեալք աստուծով ի սկիզբն մատենիս աշխարհավէպ
հանդիսարանացս, ոյժ առեալ սատար և նեցուկ զաղաւթս սրբոցդ,
ևս և զպատճառի բանիս, անսայթաք հաւատով կառուցուր
զգարշապար մտացս ի յոյսն անկարծելի և ի սէրն անկեղծաւոր :
Լա այնպէս զաւրացեալք ՚ի Բանէն, որ բանիւ գոյացոյց զեղեալ-
քըս ամենայն, ուղղեսցուք զմակոյկ բանիս ի վերայ մկանաց անդն-
զահայեաց ծովուս խորութեան : Ի ձեռն առեալ զայս մոյթ սրտի և
. . . զաթ պարանոցի, որում աւարտն և նաւահանգիստն յանձն է
քաջ և անմոլար նաւապետին : Լա արդ՝ ըստ կատարելոցն հրա-
հանդից ի սփեստական յեղանակսն, պարտ է յամենայնում յա-
ռաջարկութեանցն նախ քան զամենայն հարկաւորապէս ցուցա-
նել, թէ՛ յաղագս նյր է բանս. յորում և զբովանդակ մթերս շա-
հիցն և զհոյլս աւգտութեանցն յայտ ածել և առաջի դնել : Լա
այս՝ զի զմիտս ընթերցողացն և լողացն առաւել յաւժարագոյնս
արասցէ, և ի վարժումն մատենիս փութագոյնս և անյապաղս

մղեսցէ : Եւ արդ՝ է բանս սակս բացայայտութեան անցելոց իրաց, լաւաց և վատաց, արեաց և անարեաց, խաղմից, հինից և խաղաղութեանց, պէս պէս և զանազան զրուցատրութեանց, որ ըստ ներդոյս սղամանակ տեղեկութեամբ թեւացեալ Միգամայ հետէ մինչ ի բնաւին վերջի ամանակս : յաւուրս Յովանիսի թագաւորի : Եւ անտի լայն և տարած բանիւք յընդարձակեալ մինչ ի ո՛րք թուականս : Իսկ մթերք շահիցն ի սմա ամբարելոց, նախ՝ լուսաւորութիւն ոգւոյ ի զանազան բանս և ի գիտութիւնս. նա և ի բարեացն զլաւն շտեմարանել և ի վատթարացն զհնարս զգուշանացն հայթայթել, յորմէ և ճողոպրեալ լինին բազում ոգիք ի չար սադրողաց : Եւ երկրորդ՝ զկենցաղոյս ուսանել զզանազան քաղաքավարութիւնս. ի թագաւորացն՝ զթագաւորականն ընդոստութիւն, յիշխանաց՝ զիշխանականն ընթացս, ի զինուորաց՝ զմարզ մրցական հանդիսիցն : Նմանապէս և յայլոցն՝ զայլն. ըստ հոգևորին՝ զհոգևորն, ըստ կենցաղոյս՝ զմարմնաւորն : Քանզի յայսպիսի պատմութեանց ուսաք, թէ՛ յարարչէն ստեղծեալ մեք միայն եմք անձնիշխան ի սեռս կենդանեաց, որ յարարչապատում մատենի անդ : Նա և զբարձրագոյնն ասելի է, քանզի սովաւ ծանեաք զբնութիւն արարածոցս եղական դոյ, յոչէից ածեալ ի դոյութիւն արարչին : Ի սմանէ՛ թէ լքաք թողաք զվայրն վայելչական, և թէ մերկայաք ի փառաց և կողոպտեցաք յանմահութենէ : Սա ուսոյց մեզ, թէ բանսարկուն պատառեաց զզարդն մեր ցանկալի, և զխայտառականս մեր տերևոյն կարաւտացոյց. զամբարտակին սկայից կործանումն. զՆոյի յայտնի պատիւն, թէ արդարք այսպէս պատուով պատուին. զՍելքիսեղեքին. զԱբրահամոյն, զՂովտայն և զԿնոջն. զերկնատեղաց հրացանութիւնն. զբովանդակ Ագիպտոսին. զՍոլոմոնսին և զանապատին. զերկրին աւետեաց, և զայլն ամենայն մինչև ց՛րիստոս : Օ՛ր ամենատենջ լուսոյ դալստեանն առ մարդիկ և զանապաման ցնծութեան դործս, և զբանս, և զարդիւնս, որ ինչ յաւրէնս և ի մարգարէս և յաւետարանս, պատմութեամբ ուսաք և իմաստնացաք : Եւ եթէ ժամանակադրութիւն ոչ էր, առասպելաւք և այլանդակ զրուցաւք և անդէպ հերձուածովք լի էր եկեղեցի : Այս թէ զարդարն ասել, դոյին ոչ իսկ հետք հաւատոյ և ճշմարտութեան : Եթէ ոչ էին

քանոն և տիպք պատմութեան, որ տուան մեզ ի սրբոց աւանդողացն՝ գալուստ Ռանին և կամ Պործք առաքելոցն, կամ այլք սուրբին նման, որ ուսուցին մեզ զվիճաբանութիւն ուղղացն ընդ թիւրան : Եւ եթէ ոչ ի պատմագրութենէ առնուաք ուսանէաք զճանապարհ առաքինութեան և զզնացս որ ուղիղն է, ամենայն որ կործանէր, անկանէր ի խորխորատս կորստեան : Ոչ որ ծանաւթ հաւաստի զրուցաց և ոչ տեղեակ կարգաց առաջնորդաց և թագաւորաց. ոչ գիտութիւն, թէ՛ լաւքն այսու առաքինացան. և ոչ զղջումն, թէ՛ վասն այսպիսի կենաց վատքն պատժապարտեցան : Օ՛ր թէ որ այսչափ մանրապատում եղէն հնոցն և նորոյս կարգք և կրաւնք և դործք և բանք և ցանկապատեցաւ այդիս քրիստոսատունկ. դեռ ևս մտանեն սպականեն աղուէսք ժանտագործք և խառնամիզորեն զո՞ճ ճշմարտութեան. զի՛նչ ինչ արդեւք էր ի չարաց որ ոչ դործէր ի մէջ տգիտաց և անծանաւթից գիտութեան : Երդ՝ որպէս յայտնի է գիտնոց յոյժ աւգտութիւն սորա, ձեռն ի դործ արասցուք յուսով, տալ զանձինս յաշխատութիւն հոգևոր, ապաւինելով ի սուրբ շնորհս Հոգոյն : Երդ՝ ո՛ր պատուական հայր Պրիգորիէ, զրեթէ՛ զհարիւր և ին ամաց մեծամեծ դործս խնդրէ քո պատուականութիւնդ, ի ժամանակաց անտի Յովանիսի, յետին և վերջնոյն Ռազրատունեաց մինչև ի ներկայս յայս, յորում մեմ դեռ ևս : Իսկ ի վերայ այսոցիկ էր խնդիրն ի գրի աստ. նախ սկսանել զառաջին գերելն Արուսաղեմէ, յոստոյ և յարմատոյ Ղաւթի մարգարէի. զոր գերեալ Նաբուգոդոնոսոր և խնդրեալ Հրաչեայ պարզև զՇամբատ յարքայէ : Երդ՝ հիմն բանիս պարտ է անդր ի վեր ընթանալ և անտի կարգաւ աստ առ մեզ կացուցանել : Եւ այս ի յորովս արտաբերի և կազմէ աշխատութիւն. ընդ որ յոյժ համառաւտիւ կամիմք անցանել, տալով միայն պատճառ իմաստութեան քո, Եւ արդ՝ զումարեցի զայսոցիկ զումարումն յերիս պրակս, զի խոստովանութիւն մեր և հաւատ է ի սուրբ Արորդութիւնն. որպէս Պաւղոս ասէ՛ զամենայն զոր ինչ առնէք, յանուն Տեառն և Աստուծոյ արասջիք : Առաջին պրակն սկսանի ի Պարոյրայ հայկազնոյ, առաջին թաղաւորէ Հայոց, մինչև ց՛Յովանէս վերջին : Իսկ երկրորդն՝ ի Յովանիսէ մինչև ի քահանայանալն տեառն Ռարսղի : Եւ երրորդն՝

մինչև ի գերելն Ղևրուսաղէմ և յելս ազգաց Ֆրանգաց: Յայս երիս հատածս բազմատարազ ճառիւք ոչ դանդաղեցից գրել, քաղելով ի սրբոց և ի պիտանեաց պատմութեանց: Օ՛ր և աղքատք և մուրացիկք սովոր են ի վաճառաց և ի դրացեաց առնուլ փոխ, և կերակրել զեկեալ հիւրս մեծատունս, թէպէտ և այնպէս ոչ իցեն զի հանցեն յամբարաց և ի գանձուց զնորն և զհինն: Եւ որ բարեմիտ բազմեալք իցեն, զսակաւն լուրջ երեսաւք և զոհութեամբ ընդունին, պայծառացուցեն զամաւթալի դէմն մուրողին և առնուն վարձս ի Տեառնէ. նմանին խոնարհութեան և անարգամեծար փրկչին, որ զամենայն զգործս և զզնացս հակառակ փբացեալ վարդապետութեան մարդասպանին աւրինադրեաց: Օ՛սէր՝ նոր աւանդ ասաց. զխոնարհութիւն երկնաստեղծ գլխոյն յոտս Յուդայի՝ նոր պատուիրան ետ. հաւասար հողեղինաց իբրև զընկերակից նոցին ի վերնատունն՝ նոր ուսոյց. ի մարմնոյ և յարենէ անտի իւրմէ՝ նախ ինքն եկեր: Եւ այլն ամենայն ի սկզբանէ անտի տնաւրինականացն. մայրն, խանձարուրքն, լոկ Քրիստոսիւ այրն, աշխարհագրիւն, տատրակ չքաւորի և աղաւնի աղքատի, չքաւորի գառին նուիրել ինքն գառն, պանդխտիւն, յԱզիպտոս փախուստն իբրև զանկար, անտուն ի յարկէ, վաստակեալ, քաղցեալ, ի պոռնկէ ջուր հայցեալ, առ մաքսաւորս ի ճաշ չըբեալ, ընդ մանկունս յաթոռ նստեալ, զտղայսն ի գիրկս ընկալեալ, առ տկարս և հիւանդս հետիոտս անդանդաղ խոնարհեալ, վասն մեր ընդ բանասարկուին առ փորձողին եղեալ, և որ նախ քան զայն ի հողեղէն աջոյ մկրտեալ ընդ աթխոյժսն. մերկ և բոկ և հետիոտ առ ամենայն ճանապարհ ի յերկրի, ի մանկանց պաշտպանեալ, և իշով տրմղով ընթացեալ. զսարսափելի համբերութիւն առ խորհուրդ խաչին, զանարգանսն, զզրպարտանսն, զգանն, զպատակն, զթուրքն, զկուրսին, ըզպսակն փշեղէն, զեղէգն, զծիրանիսն. զաւարտն ամենայնի զմահն և զխաչիւ մահն: Եւ յոռ ամենայնիւ և զորս թողաք ի խոնարհութենէն, զայն որ ամբարտաւան և վէս փքութեամբ անկաւ ի փառաց, քակեաց Տէրն մեր ամենասուրբ խոնարհութեամբն զբարձրութիւն նորա, և ուսոյց այսու զսպանումն նորա, որպէս ինքն արար: Օ՛տխմարս և զտգէտս կացոյց քարոզս և աւետա-

րանիչս, զի ի տկարս հզաւր զաւրութիւն կատարէ Հոգին աստուծոյ, և փառքն մի՛ տացին մարդկային իմաստութեան, այլ զաւրութեանն աստուծոյ: Եւ արդ՛նոյն ինքն որ այսպէս բարեմտէ և խոնարհի առ յոյժ անարգս, մի՛ փախիցէ, Լքցէ զիս և ունայնացուցէ ի սուրբ Հոգւոյն գործակցութենէ, այն որ ճանաչէ զսիրտ մաղթողին, ամէն: Եւ տացէ դիցէ բան ի բերան իմ, որ զնայն պաշտեմ և խոստովանիմ, անթերի և աներկբայ հաւատով և յամենայն ժամ աւրհնութիւն նորա ի սմա. և ի նա պարծեսցի անձն իմ ուղիղ դաւանութեամբ, և ի սոյն անբիծ խոստովանութեան արժանի արասցէ զտառապեալ շունչ իմ աւանդել ի գանձս իւր, զի թերևս յաշխատութենէ աստի իմմէ աւգուտ լինիցի և շահ եկեղեցոյ մանկանց: Եւ թէպէտ սակաւ է տաղանդս, հաւատացեալ ինձ ի Տեառնէ, ի սեղանս պատրաստեսցի և մի՛ ընդ իս թաղեսցի. և ես ի Տեառնէ զովեցայց և մի կտրեցայց:

բ. ճառ երկրորդ համառատ յԱղամայ, նահապետաց և թագաւորաց, որ ի նոցանէ ծնան, ըստ կարգի:

Խընդամտաբար և խնկեալ յաւժարութեամբ պարտ և վայելուէ է առնել զհիմն բանիս ի նախաստեղծէն մերմէ Աղամայ, համառատիւ հասուցանել մինչև ուր խնդիրն է մեզ, լայն և ընդարձակ գրել: Եւ որ հիմն և սկիզբն է բնութեան ազգի մարդկութեանս Աղամ, առաջին մարդն, զնա դիցուք առաջին վէմ ի հիմունս աստ, և ի նմանէ ըստ կարգի զմերոյս ազգաց և թագաւորաց, ածեալ հասուցուք մինչև առ մեզ, աստուծով:

iii. Աղաւրոս, շարս Ժ¹

Աղամ, յետ ելանելոյն ի դրախտէն, լեալ ամաց ԹԼ ծնանի զԱթ յԱւայէ կնոջէ իւրմէ և եկաց այլ ևս ամս չ, մինչ ի ճլեամն Մաղաղիէլի. ծնանի այլ ևս ուստերս և զստերս. մեռանի ջլեամաց:

iv. Աղապարոս, շարս Գ

Աթ լեալ ամաց մե՛ ծնանի զԼնովս յԱղովրայ կնոջէ իւրմէ.

1 Տես Եւսեբի ժամանակագր. վեհ. 1818. եր. 8, 58. Սամուէլ Ենեցի, ձեռագիր:

և եկաց այլ ևս ամս չէ մինչև ի ի ամս Անուվբայ. ծնանի ուստերս
և դստերս, և մեռանի ջժք ամաց:

դ. Աղմեղոն, շարս Ժգ

Անուվս լեալ ամաց ճի ծնանի զկայինան ի Նոյենայ կնոջ
իւրմէ. և եկաց այլ ևս ամս չի մինչև ցժի ամս Մաթուսաղայի.
ծնանի ուստերս և դստերս, և մեռանի ջէ ամաց:

դ. Ամէնոն, շարս Ժբ

կայինան լեալ ամաց ճճ ծնանի զՄաղաղիէլ ի Մաղաղեղայ
կնոջ իւրմէ. և եկաց այլ ևս ամս չի մինչև ի ճի ամս Ղամբայ.
ծնաւ ուստերս և դստերս, մեռաւ ջժ ամաց:

ե. Ամեգաղարոս, շարս Ժը

Մաղաղիէլ լեալ ամաց ճկե ծնանի զՅարեղ ի Ղինայ կնոջ
իւրմէ. և եկաց այլ ևս ամս չի մինչև ի խը ամս Նոյի. ծնաւ ուս-
տերս և դստերս, մեռաւ պղէ ամաց:

դ. Ղաւոնոս, շարս Ժ

Յարեղ լեալ ամաց ճկք ծնանի զԱնուվբ ի Նաուբայ կնոջ
իւրմէ. և եկաց այլ ևս ամս նի, մինչև մճ ամս Նոյի. ծնանի ուս-
տերս և դստերս, մեռանի ջկք ամաց:

ե. Աղուրանքոս, շարս Ժը

Անուվբ լեալ ամաց ճկե ծնանի զՄաթուսաղայ ի Յաղներայ
կնոջ իւրմէ. և եկաց այլ ևս ամս մ. հաճոյ եղեալ աստուծոյ,
փոխեցաւ յամի լի Ղամբայ. ծնանի ուստերս և դստերս. փո-
խեցաւ յկէ ամաց: Քողովին Ղաւոնայ մինչև ի փոխելն Անուվբայ
ազգ է, ամբ ունձէ:

ը. Ամեմիսինոս, շարս Ժ

Մաթուսաղայ լեալ ամաց ճկէ ծնանի զՂամբայ ի Յեղնայ
կնոջ իւրմէ. և եկաց այլ ևս ամս պի: Օսովաւ անցանել ջրհե-

ղեղին ամաւբ իբ, որ զկենաց նորա թիւ յայտ առնէ: Իսկ եթէ
նրպէս, յայլ օրինակս կայ. եկաց, ասէ, այլ ևս ամս չձք, ծնաւ
ուստերս և դստերս. մեռաւ ջկթ ամանց:

թ. Ոտիարտէս, շարս ը

Ղամբայ լեալ ամաց ճձք ծնանի զՆոյ ի Նեղնայ կնոջ իւրմէ
և եկաց այլ ևս ամս շլէ. յառաջագոյն քան զհայր իւր Մաթու-
սաղայ վախճանէր Ղամբայ, և եկաց այլ ևս ամս, ցամս Նոյի շլէ.
ծնանի ուստերս և դստերս. մեռաւ չիի ամաց:

ժ. Քսիսուծրոս, շարս Ժը

Նոյ լեալ ամաց շ ծնանի զՍեմ, զՔամ, զՅարեթ ի Նոյմ
զարայ կնոջ իւրմէ. և եկաց այլ ևս ամս ճ մինչև ցջրհեղեղն, և
յետ ջրհեղեղին ամս յժ. մեռաւ ջժ ամաց:

Քողովին ի փոխմանէն Անուվբայ մինչև ի ջրհեղեղ ազգ դ,
ամբ չժէ: Իսկ Ղաւոնայ՝ ազգ ժ, ամբ ումիք: Միանգամայն ժ
նահապետացս ասեն շարս ճի, որք առնեն սիգ բիւր ամաց:
Քաղզական է այս վէպ բանից և աւտար ի ճշմարտութենէ, որք
մեկնեն զմին շարն վն ամ:

Արդ՝ պարտ է մեզ յերկոց որդւոց Նոյի, զՅարեթայն ազգ
ի կարգ արկանել մինչև ցսպառուած Հայկազանցն, զոր եբարձ
Աղեքսանդր մակեղոնացի: Եւ զկնի այնորիկ զԱրշակունեացն
կարգ թագաւորելոցն ի վերայ մեր, մինչև ի նոցին սպառուածն
կարգաւ հասուցից:

դ. Դասակարգութիւն Յարեթի նախնոյն ևւ արմատոյն Հայոց:

ն Յարեթ, ը. Գամբր, դ. Թիրաս, դ. Թորգոմ, Ասբա-
նազ եղբայր, ե. Հայկն. վասն սորա անուանեցաք Հայք՝ դ. Ա-
րամանեակ, է. Արմայիս, ը. Ամասիայ, թ. Գեղամ, ժ. Հար-
մայ, ժն. Արամ: Ի սորա անուն կոչեն զմեզ ամենայն ազգք՝ ար-
մանիք: Սա ետ շինել գործավարի իւրոյ Մշակայ զկեսարիա

քաղաք, որ և անուամբ նորա կոչեցաւ Մաժակ, զոր անուանեն Յոյնք՝ պոռոտն արմանիան, այսինքն՝ առաջին Հայք: ԺԹ. Արայն գեղեցիկ, ԺՊ. Կարդոս՝ որդի նորին, որ անուանեցաւ ի Շամիրամայ՝ Արայեանն Արայ: Յարեթայ մինչև յԱրայ ըստ կարգի, և աստի յառաջ ըստ յառաջադիմութեան: ԺՊ. Պարէտ, ԺԵ. Արբոկ, ԺԿ. Օւաւան, ԺԶ. Սուր, ԺԷ. Հաւանակ, ԺԸ. Վաշտակ, ի. Հայկակ, իա. Ամբակ, իբ. Աւնակ, իգ. Շաւարշ, իդ. Նորայր, իե. Վստամ, իզ. Կար, իէ. Գոակ, իը. Հրանտ, իթ. Բնծակ, լ. Գղակ, լա. Հորայ, լբ. Օարմայր, լգ. Պերծ: Սա յաւուրս Գաւթի մարգարէին: լդ. Արբուն, լե. Բագուկ, լզ. Հոյ, լէ. Յուսակ, լը. Կայպակ, լթ. Սկայորդի, լա. Պարոյր: Սա առաջին պսակեցաւ Թագաւոր ի Վարբակէ՝ Մարաց Թագաւորէ: իա. Հրաչէ: Սա յաւուրս Նաբուգոդոնոսորայ խնդրեալ ի նմանէ զմի ի գերեւոյն յԱրուսաղեմէ, զՇամբատ, զնախնին Բագրատունեացն: իբ. Փառնաւազ, իգ. Պաճոյճ, իդ. Կոռնակ, իե. Փաւոս, իզ. Հայկակ, իէ. Արուանդ, իը. Տիգրան: Աստվաւ եկին որդիքն Սենեքարիմայ ի Հայս՝ Սանասար և Ադրամելէք: իթ. Բար, Տիրան, Վաչագն, ժ. Առաւան, ժա. Ներսէհ, ժբ. Օարէհ, ժգ. Արմոգ, ժդ. Բագամ, ժե. Վան, ժզ. Վահէ: Այս վերջին Թագաւոր Հայկազնեաց. զսա սպանեալ Աղեքսանդր մակեդոնացի:

Ի նախնոյն մերմէ Հայկայ մինչև ցՎաչէ իշխանք լե և Թագաւորք ժէ ի Պարոյրայ սկսեալ, և ամբ ոջժ:

Եւ արդ՝ կարգեսցուք զինի Հայկազանցն ի Պարթևաց զԹագաւորեալն Հայոց: Սելևկիոս զինի Աղեքսանդրի՝ լա ամ: Անտիոքոս, որդի նորա՝ ժթ ամ: Անտիոքոս Թէոս՝ ժե ամ: Ի սորա ժա ամին ապստամբեցին Պարթևք ի Մակեդոնացւոցն և Թագաւորեաց նախ՝ Արշակ քաջ Պարթևաց՝ լա ամ: Սա ինքն Արշակն՝ լա ամ: Արտաշէս՝ ին լա ամ: Արշակ մեծ՝ ժգ ամ: Սա զեղբայր իւր զՎաղարշակ առաքէ ի Հայս, առաջին Թագաւոր Պարթև զինի սպառելոյ Հայկազանցն ի ճկե ողոմպիտիին: Վաղարշակ Հայոց առաջին Թագաւորէ, ամն իբ և մեռանի ի Մծբին քաղաքի: Արշակ, որդի նորա՝ ամն ժգ: Արտաշէս, որդի նորա՝ ամն իե: Սա վեհ գտաւ քան զԱղեքսանդր մակեդոնացի. զի նա երրորդ մա-

սին միայն տիրեաց աշխարհիս, իսկ սա զի մասն աշխարհիս միապետեաց: Տիգրան, որդի սորա՝ լգ ամ: Արտաւազդ, որդի նորա՝ լե ամ: Արշամ, եղբայր Տիգրանայ, հայր Աբգարու՝ ի ամ: Աբգար՝ ամն լը: Սանատրուկ՝ ամն լ: Արուանդ՝ ամն ի: Արտաշէս՝ ամն իա: Արտաւազ՝ ամն լբ: Տիրան՝ ամն իա: Տիգրան՝ ամն իգ: Վաղարշ՝ ամն իա: Խոսրով՝ ամն իը: Անիշխան՝ իէ ամբ: Տրգատ՝ ամն ժգ: Խոսրով՝ ամն լթ: Տիրան՝ ամն ժգ: Արշակ՝ լ: Պապ՝ է: Վարազդատ՝ դ: Արշակ և Վաղարշակ՝ ե: Խոսրով՝ ե: Վամշապուհ՝ իա: Խոսրով դարձեալ՝ ա: Շապուհ՝ դ: Անիշխան ամն՝ ժա: Արտաշէս՝ դ: Անիշխան՝ ամն ժգ: Սա վերջին Թագաւոր Արշակունեաց:

Օղնի Թագաւորացն կացին մարգպանք Հայոց յիշխանացն: Առաջին Մեծն Վարդան՝ մարծպան ժթ: Անիշխան՝ ամն ժա: Մանգնոս՝ ամն ի: Վահան՝ ամն լ: Վարդ՝ ամն դ: Պարսիկք՝ ամն ժթ: Մեծէժ Գնունի՝ ամն լ: Պարսիկք, ամն լգ: Գաւթի Սահառունի՝ ամն լ: Թէոդորոս Ռշտունի՝ ամն իե: Ի սորա ժ ամին և ի զե Թուին երևեցաւ Մահմետ սուտ մարգարէն: Համազասպ է: Գրիգոր՝ ժ: Սա շինէ զկաթուղի կէն յԱրուս: Ներսէս՝ ամն դ: Աշոտ՝ դ: Ներսէհ Կամարական՝ դ: Սմբատ Բագրատունի՝ ամն ի: Աստայրեցին զիշխանսն Հայոց ի Նախջաւանի, և բազում ամբ յանիշխանութեան էր: Աշոտ Բագրատունի՝ ժե: Սմբատ՝ իբ: Աշոտ Մսակերն՝ ի: Սմբատ Աբլարանն՝ լբ: Աշոտ՝ լգ: Սա լա ամի իշխանութեան իւրոյ Թագաւորեաց Հայոց ի Բագրատունեաց. և բովանդակին ի բառնալոյ Արշակունեացն մինչ ի Թագաւորել Բագրատունեաց ամբ նլի: Սմբատ որդի Աշոտի՝ իգ: Սա ի Գվին նահատակի ի Յուսիպ: Անիշխան՝ ամն է: Աշոտ, որդի Սմբատայ՝ լ, որ և Արկաթ կոչեցաւ: Աբաս, որդի Սմբատայ և եղբայր սորա՝ իգ: Սա շինէ զկաթուղիկէն Կարուց: Աշոտ Ողորմածն, որդի Աբասայ, Թագաւորէ յԱնի՝ ամն իե, և շինէ զփոքր քաղաքն: Եւ Խոսրովանոյ թագուհին շինեաց զՀաղատ նժէ թվին: Սմբատ որդի Աշոտոյ՝ ժգ: Սա պարսպէ զքաղաքն Անի և հիմն հարկ կաթողիկէին: Գագիկ, եղբայր Սմբատայ՝ իթ: Յովանէս, որդի Գագիկայ՝ ժթ:

Սա վերջին թագաւոր ի Տագրատունեաց: Աստանաւր սպառեցան թագաւորք ի տանէն Տագրատունեաց:

Արդ՝ սկսցուք զկաթողիկոսքս Հայոց, որ ի սրբոյն Գրիգորոյ մինչև ցայսր առ մեզ:

Դ. Կարգ կաթողիկոսաց:

- ա. Սուրբն Գրիգոր Լուսաւորիչ՝ ամս Ը
- բ. Արիստակէս՝ ամս Կ
- գ. Վրթանէս՝ Ժ
- դ. Յուսիկ՝ Դ
- ե. Փառնեբոսէ՝ Ե
- զ. Սուրբն Ներսէս՝ ԼԻ
- է. Շահակ՝ Դ
- ը. Օւաւէն, եղբայր Շահակայ՝ Դ
- թ. Ասպուրակէս, եղբայր սոցա՝ Ե
- Ճ. Սուրբն Սահակ՝ Ծա
- Ժա. Յովսէփ՝ Բ
- Ժբ. Գիւտ՝ Ժ
- Ժգ. Յոհան Մանդակունի՝ Ժբ
- Ժդ. Տառնէն՝ Ե
- Ժե. Սամուէլ՝ Ե
- Ժզ. Սուշէ՝ Ը
- Ժէ. Սահակ՝ Ե
- Ժը. Քրիստափոր՝ Ե
- Ժթ. Գևորգ՝ Բ
- Ի. Ներսէս՝ Թ
- Իա. Յոհաննէս՝ Ժ
- Իբ. Սովսէս՝ Ը
- Իգ. Սրբոյն Գրիգորէ մինջև
- Իդ. Ինչ ամս Սովսէսի, ուր եղաւ թուականն Հայոց, ամբ՝ միթ:
- Իե. Եւ յԹ թվականին եղաւ շեակն. ՚ի Քրիստոսէ ամբ շժգ:
- Իզ. Աբրահամ՝ Իգ
- Իէ. Յոհան՝ Իգ
- Իը. Կոմիտաս՝ Ը
- Իթ. Քրիստափոր՝ Բ
- ԻԿ. Եղբ՝ Ժ
- Իլ. Ներսէս՝ Ի
- Իմ. Անաստաս՝ Դ
- Ին. Իսրայէլ՝ Դ
- Իո. Սահակ՝ Իգ
- Իբ. Եղիա՝ Ժգ
- Իգ. Յոհան Ուննեցի՝ Ժա
- Իդ. Գաւիթ՝ Ժգ
- Իե. Տրդատ՝ Իգ
- Իզ. Տրդատ՝ Դ
- Իէ. Սիոն՝ Ը
- Իը. Եսայի՝ Ժգ
- Իթ. Ստեփանոս՝ ա
- ԻԿ. Յովաբ՝ ա
- Իլ. Սողովմոն՝ ա
- Իմ. Գէորգ՝ Դ
- Ին. Յովսէփ՝ Ժա
- Իո. Գաւիթ՝ Իէ

- Իբ. Յոհանէս Կոտայից՝ Իբ
- Իգ. Օւարարիայ ի Չագայ՝ Իբ
- Իդ. Գէորգ ի Գառնոյ՝ Իբ
- Իը. Սաշտոց Սևանայ՝ ա
- Իթ. Յովանէս Պատմագիրն՝ Իբ
- ԻԿ. Ստեփանոս՝ ա
- Իլ. Թէոդորոս՝ Ժա
- Իմ. Եղիսէ՝ Կ
- Ին. Անանիայ՝ Իբ
- Իո. Վահան՝ ա
- Իբ. Ստեփանոս՝ Բ
- Իգ. Լուսինի՝ Իա
- Իդ. Սարգիս՝ Իգ
- Իը. Պետրոս՝ ԼԹ
- Իթ. Լուսինի՝ Բ
- ԻԿ. Գրիգորէս, որ և Վարչամ, որդի Գրիգորոյ Սաղիստրոսի՝ Ժէ
- Իլ. Տարսեղ՝ Լա
- Իմ. Գրիգորէս՝ Ծգ
- Ին. Ներսէս՝ Կ
- Իո. Գրիգոր՝ Ի, եղբաւ որդի սոցին
- Իբ. Գրիգորէս Տղայն՝ ա: Սարգեւելալ ի բերդն Կոպիտառայ, ՚ի գիշերի կախեալ ընդ պարիսպն անկաւ և մեռաւ:
- Իգ. Գրիգորէս Ապիրատն՝ Կ
- Իդ. Յոհաննէս Մեծաբարոյ՝ Ժբ
- Իը. Կոստանդին՝ Իա
- Իթ. Յակոբ՝ ԺԹ
- ԻԿ. Կոստանդին, միւս, ՚ի ամ կեցեալ՝ արսորեցաւ:
- Իլ. Ստեփանոս Հռովմայեցի, Բ ամ կեցեալ՝ գերեցաւ ի Սոր:
- Իմ. Եւ այժմ է Տէր Գրիգոր, Անավարդայ եպիսկոպոսն:

և. Թէ զինչ է Պատմութիւն, եւ կամ քանիք են որ յայտնի են առ մեզ:

Իմաստութեամբն աստուծոյ գրեցան գիրք և զրոշմեալ եղան ի բարտեզս վասն պէսպէս աւգտի և պիտոյից, լրութեան թերութեան յարկի և տան աստուծոյ և մանկանցն, որ գնան յաւրէնս աստուծոյ: Սովաւ լուսաւորեալք յոգիս, որպէս և ասացին իսկ ներհոնքն և առաջինքն և ետուն ապացոյց, եթէ պարտ և պատշաճ է, որք կամին ծայրիւ միայն մատին զճաշակ առնուլ իմաստութեանն որ յաստուծոյ, ամենայն կենցաղական հեշտութեանց՝ բարեաւ մնալ թողուլ, և ծայրագոյն ողջխոս հնչութեամբ մոլիլ զկնի իմաստութեանն երկնաւորի, զի իմաստասիրութիւն, ասէ, նմանութիւն է աստուծոյ ըստ կարողութեան մարդոյ, և իմաստասիրութիւն խոկունքն մահու է, և իմաստութիւն մարդոյ լուսաւոր

առնէ զերեսս իւր. վասն զի եղաւ հիմն սկզբանն, որ յերկիր Տեառն և զողորմիչս իւր փրկէ ի ցաւոց: Առաջապէս և անթառամ է իմաստութիւն և զիւրաւ երևի սիրողաց իւրոց, գտանի խնդրողացն զնա և հասանէ վաղվաղակի առ ցանկացողս իւր: Ար կանխեաց առ նա, ոչ վաստակեսցի, զի գեգերեալ գտցէ զնա առ դուրս իւր: Քանզի զմտաւ ածել զնմանէ, կատարեալ իմաստութիւն է, և որ տքնի վասն նորա՝ վաղվաղակի անհոգ լինի, զի ինքն շրջի խնդրել՝ զարժանաւորս իւր. և ցանկութիւն իմաստութեան տանի յարբայութիւն: Իսկ եթէ զի՛նչ է իմաստութիւն, պատմեցից և ոչ թաքուցից ի ձէնջ զխորհուրդս, և ածից յայտ զգիտութիւն նորա: Եւ ոչ ստերիւրեցայց ի ճշմարտութենէն, և ոչ նախանձու մտչեալ զնացից ընդ նա, զի այն ոչ հաղորդի ընդ իմաստութեան: Առանց նենգութեան, ասէ, ուսայ և առանց նախանձու բաշխեցի, զմեծութիւն նորա ոչ թաքուցից, զի անպակաս դանձ է նա մարդկան: Բայց ինձ տացէ ասել ըստ միտս Տէր և խորհել արժանաւոր ըստ բանիցս ասացելոց, զի նա իսկ է իմաստութեան առաջնորդ և իմաստնոց ուղղիչ: Օ՛ր ի ձեռն նորա եմք մեք և բանք մեր և ամենայն հանձար և գործոց խելամտութիւն: Եւ նա տայ զանվրէպ գիտութիւն զեղելոց և որ լինելոց են: Օ՛ր նա է ամենեցուն ճարտարապետ և ուսուցանէ զգիտութիւն, զի մտաւոր հոգի է, սուրբ, միածին, բազմաբաշխ, զիւրաշարժ, պարզ, անարատ, յայտնի, անվրէպ, բարեսէր, արագ, անարգել, բարերար, մարդասէր, հաստատուն, զգուշաւոր, անհոգ, ամենազաւր, ամենահայեաց, և ամենայն ոգւոց իրաց բաւական, մտաւորաց, նրբից, սրբոց: Քան զամենայն շարժուն շարժնագոյն է իմաստութիւն, դարմանէ և ընդմտանէ ընդ ամենայն վասն յստակութեան: Քանզի ճաճանչ է աստուծոյ զաւրութեանն և ծագումն ճշմարիտ փառաց ամենակալին: Այսն այսորիկ և ոչ մի ինչ պիղծ խառնակի ի նա. քանզի նշոյլ է մշտնջենաւոր լուսոյն և հայելի անարատ աստուծոյ ազդեցութեանն և պատկեր առատութեան նորա. մի է և ամենայնի կարող. կայ յինքեան և զամենայն նորոգէ և ըստ ազգաց յոգիս սուրբս փոփոխի: Բարեկամս աստուծոյ և մարգարէս յարդարէ: Աչ զոք սիրէ աստուած բայց զայն որ ընդ իմաստութեամբն կեցցէ. զի գեղեցկագոյն է նա քան զարեգակն և

քան զամենայն դիրս աստեղաց: Բնդ լուսոյ համեմատեալ՝ առաւել գտանի, զի զնա զիշեր փոխանակէ. բայց իմաստութեան ոչ յաղթէ չարութիւն ինչ: Չգի ի ծագաց մինչև ի ծագս, աւգտակար առողջութեամբ և դարմանէ զամենայն քաղցրութեամբ: Օ՛նա սիրեցի և քննեցի ի մանկութենէ իմմէ և խնդրեցի ածել ի հարսնութեան, և եղէ ցանկացող գեղոյ նորա. զազնուականութիւն փառաւոր է, զի կենաց հաղորդութիւն ունի ընդ աստուծոյ. և ամենեցուն Տէրն սիրեաց զնա, զի խորհրդակից է աստուծոյ իմաստութեանն և ցանկացող գործոց նորա: Եւ զի՛նչ է մեծագոյն քան զիմաստութիւն որ զամենայն ունի. և ո՞րք քան զնա յեղելոց՝ իցէ առաւել պիտանի և աւգտակարագոյն: Օ՛այս սոսիկ զամենայն հոգին իմաստութեան դրոշմեալ ետ մեզ, այն որ զգիտութիւն և զհանձար ուսուցանէ և զզաւրութիւն և զարդարութիւն. քան զորս պիտանագոյն չիք ինչ ի կեանս մարդկան: Եւ եթէ բազմահմուտ որ լինել ցանկանայցէ, սովաւ գիտացէ զառաջինս և զհանդերձեալսն նկատել, ճանաչել զդարձուածս բանից և զմեկնութիւնս առական: Օ՛նշանս և զարուեստս յառաջագոյն գիտէ, և զելս ժամուց և ժամանակաց: Արդ՝ եզի ի մտի զսա ածել ինձ կենաց կցորդ, ծանուցեալ զսա խորհրդակից բարեաց և մխիթար հոգոց և տրտմութեանց: Օ՛այս սոսիկ հոգին ծանուցանէ և յորդորէ ի սէր սիրելութեան իմաստութեան: Եւ ի ձեռն այլոց այլով աւրինակաւ վարդապետէ և որ պիտանացուն է և կարևոր բանիս պատմութեան, մեկնէ և սահմանէ: Պատմութիւն, ասէ, է բան արտագրեալ իրաց եղելոց կամ իբր եղելոց: Եւ տառք պատմութեան են զ. դէմ, իր, տեղի, ժամանակ, եղանակ, պատճառ: Եւ երիւք կարգաւորի՝ հաւասարութեամբ, հաւանութեամբ, համառաւտութեամբ: Ար և այլ ոմն վասն սուրին ևս բնութեան վեցիւք սահմանէ մասամբք առնել զպատմութիւնս: Եթի, ասէ, վերձանութեամբ, այսէ՝ հնոց և նորոց պատմագրութեանց: Երկուռ, այս ինքն, բազում անգամ, որպէս զճանապարհ հանապաղակիս, ունել ի սիրտս զմիտս և զիմաստս գրոց: Առգանութեամբ, ըստ թ յեղանակի՝ ըստ շեշտի, ըստ պարուկի, ըստ բութի, ըստ ապաթարցի, ըստ ենթամայի, և ըստ այլոցն, զի ի սոցանէ միտք բանին արտայայտին,

և թարց սոցին աղաւաղին ոյնք ասացուածին: Արկիր՝ զրուցաւորութիւն, բայց քերթողականաւ հանգամանաւք և մի՛ աշխարհաբառ բառով: Արկիր՝ զի այլ լեզուաց և հին պատմութեանց տեղեակ իցէ և առձեռն ունիցի: Չորիր՝ ասէ, ստուգաբանութեան գիւտ, զի գիտէ ի միտս զստոյգն զատել ի ստոյն: Հինգեր՝ համեմատութեան տեղեկութիւն, այն է՝ ճանաչել զնմանութիւն բանից առ բանս, արդեւք Սողոմոնի՛ է բանս, արդեւք՝ Սովսէսի՛. նորոյս եթէ հնոյն, մերոյս եթէ արտաքնոց, ճշմարտութե՛անն եթէ առասպելին:

Նախնին մարգարէից Սովսէս զնախն քան զինքն գործս երկնաւոր և երկրային բնութեան, յամենարուեստ հոգւոյն աստուծոյ վարդապետեալ և ուսեալ, որ գերագոյն գիտութիւն է քան զբնութիւն մարմնականաց, զգործս աստուածագործս, զոր ի կանուխ գիտութեան իւրում ստեղծ, ի սկզբանէ առնելով, աներևոյթ ունելով զերևելին տիպ. բնդ որում ոչ ոք էր ի գործ և ոչ խորհրդակից անկարաւտին հաստչի, բայց միայն հոգին արարչակից, տայ ի ձեռն մարգարէին պատմութեամբ մեզ զարարչութեանն պայմանաւոր կարգս երկնի և երկրի և որ ի նոսա արարածք, և զոր ինչ ի սկզբանց անտի մինչև ի ներկայն ժամանակ. և ապա զբալոցն որ ինչ յապառնիսն լինելոցն էին, զորս ստուեր հանդերձելոցն փրկութեանց ասեն գիրք. թէպէտ և առ ժամայն գործէին աւրինաւքն. ի հինգ գլուխս աւանդելով, տայր առ յապահանրական գիտութիւն, լոյս ոգւոց որոց ի վերայ երկրի, զմեծ և զանպատում պարգևացն աստուծոյ նախաստեղծ իմաստութիւն: Իսկ յետ այնորիկ՝ գիրք Յեսուայ որդւոյ Նաւեայ և գիրք մարգարէիցն յանցիւր ժամանակի զներկայն և զբալոցն մարգարէացան: Որպէս Սամուէլ և Նաթան մարգարէքն գրեցին զմասն ինչ Քատաւորացն և զառաջին գլուխ Թագաւորութեանն: Իսկ զերկրորդ գլուխն և զերրորդն գրեցին Յէու, որդի Անանիայ և Ազարեայ որդի Յովսեփիկեայ քահանայի, զոր սպան Յովաս արքայ Յուդայ: Իսկ զչորրորդ Թագաւորութիւնն գրեաց Արեմիայ և կարիցէ զբանս իւր նման նմին և համեմատս խաւսել, զոյր արդեւք և սիրիցէ: Այլ և է համեմատութիւն, զբայս և զբանս և զառոգանութիւնս համեմատաբար զնել առ միմեանս: Աւ վեց-

երրորդն ևս, որ ասէ՛ դատումն Քերթածաց, կարի պիտանեգոյն է պատմութեան, զի սեփականագոյն է և յարմար, որ գրենն՝ գրեն և ընթերցողացն դիւրաւ դիպիցի վերծանելն ըստ տասանց առոգանութեանց:

Արդ՝ նախ ասացին թէ՛ ոյք պատմագիրք ծանաւթք մեզ և գրացիք: Աւ ի Բաբելոնէ զելսն մինչև ցՄակարայեցիսն գրեաց Ազր: Աւ զՄակարայեցիսն գրեաց Յովսէպոս: Իսկ ի նորոյ աստի փրկութեան զմեզ աստուծոյ բանին գրեցաւ աւետարանն սուրբ ի Մատթէոսէ և այլն, ծանաւթս արարին զկնի եկեալսն. թէ աստուած մարմնատիպ կերպարանաւք զխոստացեալ պարգևսն կատարեաց ի մեզ, ընդ մեզ լինելով բազմաժամանակեայ ժամանակաւք, զնեաց զմեզ ազատարար արեամբն, ի կեանս ածեալ վերստին, աւերելով զմահ: Որպէս Աստուծի ժամանակագիր՝ զպատմութիւնն եկեղեցւոյ և զգիրս Քրոնիկոնին. և Ափրիկանոս, և Անդրէաս, Ապիփան, Սոկրատ, Տատիանոս: Իսկ ի նորոց աստի մերոց, նախ և առաջին պատմող Ղեբուբնա, որդի Ափշագարայ զպրի, գրէ զգործս Աբգարու և Սանատրկոյ: Աւ հզաւրն բանիւ Աբթամանգեղոս: Աւ Բիւզանտացին Փաւստոս: Աւ զկնի նոցա պատմութիւն Ներսէսի, զոր Ղազարիկ Հայոց անուանէ: Կորեան պատմութիւն: Աւ պատմութիւն Հայոց ի Սովսիսէ շարագրեալ: Աւ Ղազարիկ Փարպեցի: Աւ Աղիշէ: Շապուհ: Աւ Սերիոս որ Հերակլին է: Աւ պատմութիւն Աղուանից: Աւ Ղևոնտ երիցոյն: Տէր Յովաննէս: Աւ Ասողնիկ: Աւ Աստիվերտցին: Աւ Կողուանն: Աւ Սամուէլ երիցու: Հուսկ ամենայնի վերջինն՝ այս որ ի մէջս գրեալ, բայց բանիւք կարևորաւք և զարմանազան իրաւք, հարուստ և ընդանեգոյն, նոր և ծանաւթ զրուցաւք: Աւ արդ՝ բուռն հարեալ զազգէն Բագրատունեաց և զնախնոյն մերմէ Աբգարու, զայն դիցուք սկիզբն, և քաղեսցուք ի պատմագրաց աստի համառաւտ և հակիրճ բանիւ:

զ. Կախինի Թագաւոր Հայոց Պարոյրի և Հայկազանցն¹

Թագ եղեալ առաջին Թագաւորական պատուեալ ասի Պարոյր, քառասներորդն ի Յարեթայ, ի զարմէ Հայկայ: Սա աջակցեալ Վարբակայ Մարաց Թագաւորի, պսակի ի նմանէ վասն բառնալոյ զԹագաւորութիւնն ի Սարգանապալայ, որպէս և ասէ քաջն պատմող Մովսէս, և ասէ այսպէս. զմերս ասեմ Պարոյր առ Սարգանապալաւ: Սա ոչ փոքր ինչ աւզնականութիւն տուեալ գտանի Վարբակայ Մարի, բառնալով զԹագաւորութիւնն ի Սարգանապալայ: Լա արդ՝ ահա զուարճացոյց, ոչ փոքր ինչ կրելով խնդութիւն, հասանելով ի տեղիս, յորում մերոյ իսկ բնիկ նախնոյն սերունդք ի Թագաւորութեան հասանէն յաշտիճան: . . . Քանզի Վարբակիս մեծաւ հաստատութեամբ . . . յինքն և զքաջն մեր յանկուցանէ զՊարոյր, Թագաւորութեան ձև նմա խոստանալով: Լա բազում ամբոխ արի արանց, որք ի տէգ նիզակի և յաղեղն և ի սուսեր աջողաձեռնագոյնք՝ զումարէ: Լա այսպէս զԹագաւորութիւնն ի Սարգանապալայ յինքն առեալ տիրէ ասորեստանի և Նինուէի: . . . Իսկ մեր առաջին ի Վարբակայ պսակեալ Պարոյր, և նորին որդի Հրաչեայ: Լա Հրաչեայ կոչի վասն առաւել պայծառերես և բոցակնագոյն լինելոյ: Եւ սովաւ ասեն կացեալ զՆաբուգոդոնոսոր Բաբելացոց արքայ: Լա սորա, ասեն, զմի ի գերերոց գլխաւորաց Եբրայեցոց խնդրեալ ի Նաբուգոդոնոսորայ, զՇամբաթ՝ յազգէ Քաւթի մարգարէի, և ածեալ զնա բնակեցոյց յերկրիս Հայոց մեծաւ պատուով. յորմէ սերեալ ազգն անուանեցան Բագրատունիք: Ի Բագարատայ առեալ սկիզբն անուանել Բագրատունիք: Վասն զի զկնի ժամանակաց յորովից ի զարմէ սորին Սմբատայ, զԲագարատ թոռն սորին Թագադիր և ասպետ անուանեաց առաջինն ի Պարթևաց՝ Վաղարշակ: Լա յայնմ աւրէ հետէ անուանեցան յանուն Բագարատայն՝ Բագրատունիք: Բայց ծանիր զի Սմբատ անուն, զոր յաճախ Բագրատունիք ի վերայ պատանեաց կոչեն, ճշմարտութեամբ է Շամբաթն, որ խնդրեցաւ ի Նաբուգոդոնոսորայ, որպէս և գրեցաք վերագոյն:

¹ Պատմ. խորհն. Ա. Իա, Իբ:

Ե. Թե որպէս Վաղարշակ զնախնին Բագրատունեաց զԲագարատ, Թագադիր և ասպետ անուանեաց:

Եւրդ՝ զկնի անցելոյ ազգին Հայկազանց իբրև անկանէր Թագաւորութիւնն Հայոց՝ ի Պարթևս, Վաղարշակ, եղբայր Եւրշակայ, յաւրինէ, աւրինադրէ զինքն և զտուն իւր, սկիզբն առնելով ի գլխոյ իւրմէ և ի Թագէ: Կոչէ առ ինքն զԲագարատ որ ի Հրէից շնորհակալութիւն նմա մատուցեալ վասն յառաջագոյն անձնատուութեանն առ Թագաւորն, միամտութեանն և քաջութեանն, Եսպետ եղեալ անուն ազգին, և իշխել նմա միայն Թագ ի գլուխ Թագաւորին զնել, և կոչիլ Թագադիր, այլ և ասպետ: Լա առանց ոսկոյ և ականց զկրսեր մարգարիտն երեք տակեան՝ վարսակալ ածել, յորժամ յարբունիսն և ի տան Թագաւորին շրջիցի:²

Ը. Վասն Ենանոսի Բագրատունոյ:

Բաբունն իմաստուն Մովսէս այսպէս պատմէ վասն Ենանոսի Բագրատունոյ: Եթէ Ենանոս՝ ասպետ և Թագադիր էր Եւրջամայ, որդոյ Երտաշէսի, եղբաւր Տիգրանայ, հաւր Երգարու, որում Եսորէք զԵւրջամ՝ Մանուկ կոչէին: Եւս Եւրջամ, ասէ, ցասումն զեղեալ ի վերայ Ենանոսի, վասն արձակելոյն զՀիւրկանոս, Հրէից քահանայապետ, որ էր գերեալ: Լա Ենանոս պատճառէ ասելով, եթէ՝ փրկանս խոստացաւ ճ քանքար: Իսկ Ենանոս առաքէ առ Հիւրկանոս, զի տացէ զխոստացեալն: Լա երթեալ եղբայր նորա Սենեքիա, եզիտ սպանեալ զՀիւրկանոս ի Հերովդէէ, և ոչ տուաւ ճ քանքարն: Յայնժամ բարկացեալ Եւրջամ հրամայեաց տանջել զԵնանոս, կամ թողուլ զաւրէնս հրէութեան և երկիրպագանել արեգական, կամ բնաջինջ լինիլ ազգի նորա: Լա անդէն զորդիսն Ենանոսի մատուցեալ ի սպանումն: Յայնժամ Ենանոս յերկիւղէ սպանմանն կատարէ զկամս արքայի: Սակայն ոչ վստահացաւ ի նա Եւրջամ, այլ առաքէ ի Հայս տալով նմա զաշխարհն:³

¹ Ի ձեռ. էր՝ հարց. մեք այսպէս ուղղեցաք:
² Տես Պատմ. խոր. Բ. 7.
³ Պատմ. խոր. Բ. 24.

(3)



2405-2099

Թ. Ջրոյցք Արգարու, որոյ Նրջամայ

Ստուգութեամբ և ըստ կարգի տիրեալ Արգար իշխանական
 աթոռոյ թագաւորութեան Հայոց, զինի Արջամայ հաւր իւրոյ:
 Սա նախ քան զամենայն թագաւորս ազգաց կանուխ հաւատաց ի
 կենարար Բանն Հաւր, յաստուածն իմ Յիսուս, ի ծագմանէ
 հաւրն բոլորից, և եդ զսա նախ ի հիմունս եկեղեցւոյ Հայաստա-
 նեաց: Վասն զի նախապտուղ մատուցաւ ի սեղան արքայական ի
 տնկոյն զոր հայր մշակեաց, և առ զնախագահ աշտիճան, ուր
 թագաւորացն պատրաստեալ աւթեան: Օ՛ի ընդ նմին նախնին
 Բագրատունեաց, Տուբիա, սքանչելին ի պնդութիւն հաւատոյ,
 որ ոչ ընդ այլ ազգականս իւր թուլացաւ, այլ խոյս տուեալ յԱր-
 ջամայ՝ պահեցաւ ի հաւատս մինչ ի դալ թաթէոսի: Ի միասին
 հաւատացին ի Յիսուս նախնին Բագրատունեաց, Տուբիա, և
 թագաւորն Արգար: Օ՛ի երկոքեան սոքա ըստ մարմնոյ ազգք և
 զարմք և սերեալք յԱբրահամէ. զԱրգար, ասեմ, ի Քետու-
 րական ծննդոցն՝ յԱրջակայ և ի Վաղարշակայ, և զՏուբիա՝ ի
 Դաւթայ սերեալ և ելեալ, որոց նախնի Իսահակ և Աբրահամ:
 Օ՛ի որ լուսաւորութեան և փրկութեան պատրաստեալ էր պատ-
 ճառ ազգիս Հայոց, զլուսաւորիչն, ասեմ, և զՏրդատ պահլա-
 ւունիք, և սոքա էին յարմատոյ Աբրահամու, ի Քետուրական
 ազանց թոռունք Վաղարշակայ: Որոյ և Արգար եւթներորդն
 ի Վաղարշակայ, նախահաւ Տրդատայ, որ թէպէտ և անցին
 ժամանակք յորովք ընդ մէջ և թագաւորք ընդ Արգարու մինչև
 ցՏրդատ՝ Թ. Սանատրուկ, ք. Երուանդ, ք. Արտաշէս, ք. Ար-
 տաւազ, ք. Տիրան, ք. Տիրան փոքր, ք. Վաղարշակ, ք.
 Խոսրով, ապա Տրդատ: Որք ի կոչմանն կանխեցին ժամանեցին:
 Սոսկալի և նորալուր սիրոյ զեղմունք, ևս առաւել քան զամենայն
 ազգաց ի մեզ ի մետասեան (sic) ժամեայ գործաւնեայսս աստուա-
 ծակերտ այգւոյն: Որոց զյաւժարութիւնն զտասն ժամեայ հեղա-
 դործ դանդաղանսն և զերկարութիւնն կոխեալ, զսակ վարձուն
 ինքն նախ յափշտակեաց. թէպէտ և ակն այլոց ազգաց չար է:
 Իսկ իմն Տէր առատ է ամենեւին, և զյոյժ յետինն եկն առնել
 նախ և բարձր և առաջին:

Ժ. Թե որպէս չողաւ յԱրեւելս Արգար վասն իւրոյն ազգաց¹:

Պարտ և պատշաճ վարկանիմ աստանաւր սակաւուք առնուլ
 զասացեալն ի Սովսէսէ. թէ՛ յորժամ չողաւ Արգար յԱրեւելս,
 որպէս յարդարեաց զորդիս Արջաւրի: Վասն զի ի մեռանելն
 Արջաւրի ի քաղաքին իւրում Բալխ, երէց որդին նորին՝ Ար-
 տաշէս, յարուցեալ ի վերայ այլ եղբարցն և քեռն, յափշտակել
 զիշխանութիւն հաւրն, դնէ զնոսա ի բանտ մահու: Վասն այս-
 պիսի դուժի երթեալ Արգար յԱրեւելս, համոզէ զեղբարսն ի
 խաղաղութիւն, և կացուցանէ զանդրանիկն գլուխ և առաջին ի
 վերայ եղբարցն՝ զԱրտաշէս: Իսկ զկրսեր եղբարսն՝ զՎարէն և
 զՍուրէն և զբոյրն՝ զԿոմշ ի հնազանդութիւն նմա: Եւ դնէ աւ-
 րէնս և ուխտադրութիւնս ի մէջ նոցա: զի եթէ հասցէ ի պակա-
 սումն և ի սպառումն թագաւորութիւնն ի տանէ և յորոց Ար-
 տաշէսի, մի՛ տալ աւտարազոյ ումեք պայազատել, և անկանել
 ի ժառանգութենէ հայրենի. այլ յորոց եղբարցն առնուլ զիշ-
 խանութիւն և զանուն: Դնէ և անուանս նոցա յանուն քաղաքին
 իւրեանց (Բալխայ)՝ Պահլաւ: Եւ ցեղս որոշէ զնոսա անուամբ
 այսպիսեալ՝ Վարէնի Պահլաւ, Սուրէնի Պահլաւ, և զազգ քեռն՝
 Ասպահապետի Պահլաւ, յանուն առնն կոմշայ անուանեալ,
 որ էր ասպետ, յԱրջաւրէ հաւրէն կոմշայ կարգեալ ասպետ
 ամենայն արեաց աշխարհին: Իսկ մերն Լուսաւորիչ ի Սուրէ-
 նեանն Պահլաւէ էր, և ազգ Վամսարական ի Սուրէնեանն² Պահ-
 լաւէ: Եւ արդ՝ զի ոչ իբր աւելաբանութիւն թուեսցին յիշատակ
 կարգելոց բանիցս, ի սոցանէ ցուցից զազգականութիւնս երկուց
 թագաւորացն, Տրդատայ, ասեմ, և Արգարու: Որպէս կամք նա-
 խատեսակ կամացն յարդարեցին, նախ քան զգոլն արարածոց, և
 որպէս վասն Արգարու և նախնեացն Բագրատունեաց ծանուցաւ
 ի միւրում ժամանակի ծագումն ողորմութեանն աստուծոյ, հաւա-
 տալ ի բանն աստուծոյ, սոյնպէս և ի նոյն զթութիւն պատրաստե-
 ցան երկուց թագաւորացն ծնունդք, Արջակայ և Վաղարշակայ,
 մարմնական իշխանութեամբ և հոգևորական թագաւորութեամբ,

¹ Պատմ. Խոր. բ. 28.
² Ի ձեռ. էր՝ Սուրբանն:

մեծացուցանել զազգս Հայոց . այն որ սովորն է յարհամարհս և յոչինչս մեծ ցուցանել մեծութիւն , զի զաւրուծիւն նորա ի տկարութեան կատարի , և փառքն մի՛ կարծիցին ամբարձեալ ինչսնոտի կամաց մարդկայնոց . այլ ճշմարիտ իշխողի և կառավարի , կարողին աստուծոյ : Եւ որպէս ասացաք վերագոյն , ի հաւատոց Աբրահամու ծնեալք և սերեալք , ի խոստացեալ ճշմարիտ աւրհնութիւն ժամանեցին և հաւատացին ծնունդք նոցին : Եւ որպէս եղաք որդիք հաւատոցն Աբրահամու , և ի մարմնասեր նորայն մի՛ զրկեսցուք ազգականութենէ : Այսպէս հաւատարիմ է բանս : Արշակ Քաջ , թագաւորեալ ի զաւակէ Աբրահամու ի Քետուրական ծննդոց : Օ , այս ձայն աւետեալ առ Աբրահամ , թէ՛ թագաւորք ի քէն ելցեն : Որք թագաւորեցին մտրմնական արութեամբ և հոգևորական պերճութեամբ ի կեանսն յաւերժականս : Եւ որպէս ունիմ ասել , թագաւորէ՛ Արշակ Քաջ , յետ կ՛ ամի մահուանն Աղբասնդրի , ի վերայ Պարթևաց ի քաղաքին Ռալա Առաւաւտին , յերկրին Քուշանաց , թափելով զամենայն արևելայսն : Առնու և զթագաւորութիւն Ռաբելունի զկնի ամաց տասանց Անտիոքեայ թէսոսեայ : Եւ զկնի Քաջին Արշակայ , որդի նորին Արտաշէս : Օ , սա պայազատէ Արշակ որդի նորին , որ Սեծն կոչեցաւ : Սա պատերազմի ընդ Ղեմետրեայ , և (ընդ) որդոյն Ղեմետրեայ Անտիոքոսեայ . քանզի ի վերայ նորա եկն ի Ռաբելուն : Կալեալ զնա Արշակ Սեծ տարաւ ի Պարթևս հանդերձ երկաթի կապանաւք , ուստի և Սիրիպինդէսն² կոչեցաւ : Եւ տիրեալ երրորդ մասին աշխարհի , որպէս ի պատմութեանցն Հերոդոտեայ ուսանիցիս . զի յերիս բաժանեալ զբոլոր աշխարհս , զնէ անուանս նոցա՝ Աւրոպայ , Աիբէ և Ասիա , որում տիրեաց Արշակ Սեծ՝ ամս ծի : Սա զՎաղարշակ զեղբայր իւր թագաւոր կացուցանէ ամենայն աշխարհիս Հայոց ի խն ամի իւրոյ թագաւորութեանն : Եւ արդ՝ վասն զի պահանջէ հանէ յընդարձակ և ի լայն սփիւռս զբանն պատմութեանն օրէնք , դարձեալ ի սոցանէ երկոցունց բերցուք ի մի տեսակ :

¹ Պատմ. Խոր. Բ. 2.
² Ուղղագոյն՝ Սիրիպիտէս, սիւրիպիտէս, այսինքն՝ երկաթեայ կամ երկաթեղէն :

Արշակ Քաջ՝ լի .
 Արտաշէս՝ ի զի .
 Արշակ Սեծ՝ ծի .
 Արշական՝ է .
 Արշակնակ՝ լի .
 Արշէս՝ ի .
 Արշակիւր՝ խի .
 Արտաշէս՝ լի .
 Ղարեհ՝ է .
 Արշակ ժի .
 Արտաշէս՝ ի .
 Պերոզ՝ լի .
 Վաղարշ՝ ծ .
 Արտաւան՝ լի :
 Օ , որ սպան Արտաշիւր Ստահրացի : Եւ ազգային նորին Խոսրով : Հայր Տրդատայ , խնդրէ զվրէժ ազգայնոյն յԱրտաշէս բռնակալէ՝ ամս ծ : Որպէս և անուանին իսկ Պահլաւք յաւունն քաղաքին Ռալայ , և Արշակունիք՝ յԱրշակայ :
 Եւ արդ՝ այսպէս ուսար զազգաբանութիւն սոցա յԱբրահամէ գոլ : Առնու , ասէ , Աբրահամ իւր կին զՔետուր , զաղախին իւր , և ի նմանէ ծնանի զԼամրան եղբարբն : Իսկ իբրև ծնաւ աւետեացն ժառանգ՝ Իսահակ , հանեալ զաղախինն ընդ արևելս և զորդիս նորին . յորոց ծննդոց՝ Արշակ և Արշակունիք : Եւ կատարումն աւրհնութեանն գլխաւորեալ ճշմարտի ի թողունս նոցին , որպէս և ասացաք , յԱբգար , ի Տրդատ , ի մերն Առաւաւտրիչ Պրիգոր , որք ժառանգեցին զխոստացեալ աւրհնութիւնն մարմնով և հոգևով , ընդ թագաւորեալսն յաստուծոյ : Օ , ի յաւրհնութենէ անտի Աբրահամու մինչև ցմկրտութիւնն կենարարին բովանդակին ամբ սժգ , և մինչև ցլուսաւորութիւն ի սրբոյն Պրիգորէ՝ այի՛ք : Արդ՝ այսպէս պատուեալ զտունս թորգումեան ,

Կարգ ազգին Վաղարշակայ :
 Այսպէս և եղբայր նորա ասացի Վաղարշակ , թագաւորն Հայոց , ամս ի .
 Արշակ՝ ամս ծի .
 Արտաշէս՝ ամս ին .
 Տիգրան ամս լի .
 Արտաւան՝ բ .
 Արշամ՝ լի .
 Աբգար՝ լի .
 Սանատրուկ՝ է .
 Լյուանդ՝ ի .
 Արտաշէս՝ խն .
 Արտաւան՝ բ .
 Տիրան՝ ին .
 Տիգրան՝ խբ .
 Վաղարշ՝ ին .
 Խոսրով՝ խբ .
 Ի իժ ամի Խոսրովու սպանանի Արտաւան , ազգական նորա :

զազգս ապքանագեան, զզարմս յարեթեան, զսերունդս հայկական, անուանեալ յանուն միածնի իւրոյ Քրիստոնեայս, արար և որդիս հաւատոցն Աբրահամու, և ժառանգս ճշմարիտն Իսահակայ, որ զւոյն Միածնի Յիսուսի Քրիստոսի, Տեառն և Աստուծոյ: Օպայս և զայսպիսի իրի պատահումն ոչ անխորհրդաբար և ոչ առանց մեծի տեսչութեան և դրոյ և խնամոց և սիրոյ վարկանիմ պատուեալ և մեծարեալ մարդասէր փրկչին, որում փառք և մեծապէս գոհութիւն, խնամողին և մեծարողին և յարգողին զազգս հայոց մարմնաւոր և հոգեւոր փարթամութեամբ, աւրհնեալ է նա յաւիտեանս:

ժա. Սկիզբն Բագրատունեաց:

Սկսանիմք համառաւտիւք քաղել զյիշատակս Բագրատունեացն, մինչև բերեալ հասուցուք ի վերջին թագաւորն Բագրատունեաց՝ Յովաննէս, նախ՝ զասպետսն թագադիր իշխանս և ապա թագաւորեալն զինի նոցին: Արշակ, որդի Աղարշակայ, մերոյ առաջին թագաւորին Պարթևայ, թագաւորէ՝ ամն ժն: Այսպէս սա ի գիրս բազում արութիւն և կարգս ուղղութեան յարգարեալ, և զպոնտացիսն վանեալ: Աւ զբոլորատէք նիղակի իւրոյ խորագոյն հարստէ ի սիրտ վիմի միոյ մեծի, ի նշան յիշատակի կանգնէ յեզր ծովուն Պոնտոսի, զոր համբաւէին զայն նիղակ միեալ արեամբ զեռնոց: Օր և յետոյ թէպէտ և պատուեցին զարձանն, իբր զզարմանալի իմն և զհրաշալի դործ, սակայն ընկեցին ի ծովն Պոնտոսի, յաղագս միւսանգամ գոռալոյն Արտաշէսի ընդ նոսա: Իսկ այսպէս պատմէ Մովսէս վասն սոցին Բագրատունեաց. թէ՛ յաւուրս Տիգրանայ Արշակունւոյ, որդոյ Արտաշէսի, որդոյ Արշակայ, որդոյ Աղարշակայ առաջնոյ մերոյ, որ թագաւորէ Տիգրանս այս յինն և թ ամի Արշանակայ², ազգայնոյն իւրոյ, թագաւորին Պարսից: Սա յետ սպանման հաւրն ժողովէ զզաւրս Հայոց, ընդգէմ երթալ զաւրացն յունաց և ընդգէմ բախեալ ի վերջ նահանջէ: Աւ ինքն չուեալ գայ յԱնի, որ կոչի

¹ Պատմ. խորեն. Բ. 9.

² Պատմ. խորեն. Բ. 14.

կամախ, և զԱրտեմիդեայ պատկերն կանգնէ յԱրիզայ, և զոհս և երկրպագութիւն նախարարացն հրամայեաց մատուցանել. զոր ոչ առեալ յանձն ազգին Բագրատունեաց: Այլ մի ոմն ի նոցանէ անարգեալ յայտնապէս զաստուածսն և քաջապէս դաւանեալ զանուն ճշմարտին Աստուծոյ, վասն որոյ հատանի լեզուն զովելի ի վերայ յայտնի խոստովանութեանն և անարգութեան դիցն. ուրում անուն Ասուգ ճանաչուր: Իսկ այլքն յանձն առին ուտել զմիս զոհիցն, այլ ոչ զերկրպագութիւն կոոցն:

ժբ. Յաղագս Արգարու:

Որդի Արշամայ՝ Աբգար թագաւորէ ի վերայ ամենայն Հայոց ի ի ամի Արշաւրի, պարսից արքայի: Այս Աբգարիոս կոչի աւագ այր վասն առաւել հեղութեանն և խմաստութեանն: Աւ ոչ կարացեալ ուղղախաւսել յունաց և ասորոց՝ կոչէին Աբգար: Սա ի ձեռն մերոց զաւրաց առնու զվրէժ արեան և սպանման մկրտչին արդարոյ և կարապետին կենաց: Որպէս միաբանի ընդ Արետ Աբգար և սաստկապէս խորտակեն զզաւրսն Հերովդի, վասն զի անարգեաց զգուստր Արետայ արքայի, և առ զՀերովդիս, որով զորեաց զգործ դառն և առաւել դաժան: Իսկ ի ժամանակին իբրև դարձաւ Աբգար յարեւելից, որ երթեալ միաբանեաց զեզբարս ազգի իւրոյ, առաքէ զերկուս ի գլխաւոր նախարարաց իւրոց՝ զՄարիհար բղէշին և զԱմշագրամ առ Մառինոս հաղարապետ պաղեստինացոց և փիւնիկեցոց և ասորոց, և զԱնան հաւատարիմ իւր, վասն զգացուցանելոյ նմա զպատճառ երթալոյն իւրոյ յարեւելս: Իսկ առաքեալքն ի նմանէ իբրև չորհան անդ, վասն հրաշալի համբաւոյն Քրիստոսի, ելին յԱրուսաղէմ՝ տեսանել զնա: Որ և ականատես եղեալ զքանչեւի գործոց նորին, եկեալ պատմեցին Աբգարու. և նա ի համբաւոյ արանցն հաւատացեալ ասէ. «այդ սքանչելիք, զոր պատմէք, ոչ մարդոյ է, այլ Աստուծոյ ճշմարտի»: Աւ վասն ցաւոց մարմնոյն, զոր ախտացաւ յերկրին պարսից, որ ել ընդ հնարս մարդկան, գրէ թուխթ առ Քրիստոս՝ գալ և բժշկել զնա:

¹ Պատմ. խորեն. Բ. 26, 27, 29, 30.

ժգ. Թուխթ Նբգարու, զոր կարգաւ գրէ բարունն Մովսէս զբանս թղթոցն, այսպէս¹

“Աբգար Արշամայ, իշխան աշխարհի, առ Յիսուս փրկիչ և բարերար, որ երևեցար յաշխարհիդ Արուսաղէմայ, ողջոյն: Առեալ է իմ վասն քո և վասն բժշկութեանդ, որ լինի ի ձեռս քո, առանց դեղոց և արմատոց: Օ՛ր ի որպէս ասի, տաս դու կուրաց տեսանել և կաղաց դնալ, զբորոտս սրբել, և զայսս պիղծս և զղևս հանել. և որք միանգամայն չարչարեալն են ընդ յերկարհիւ անդութեամբք՝ բժշկես: Դու և զմեռեալս յարուցանես: Ալ իբրև լուսայ վասն քո զայս ամենայն, եղի ի մտի իմում զմի յերկուց. կամ թէ դու իցես աստուած իջեալ յերկնից՝ դործես զայդ. կամ որդի իցես դու աստուծոյ և զայդ առնես: Արդ՝ վասն այնուրիկ գրեցի Ես աղաչել զքեզ, զի աշխատ լիցիս, եկեսցես առ իս և բժշկեսցես զհիւանդութիւնս զոր ունիմ Ես: Կա և լուսայ, զի հրէայք տրտնջեն զքէն և կամին չարչարել զքեզ. բայց քաղաք մի փոքրիկ և զեղեցիկ է իմ. բաւական է մեզ երկոցունց:՝ Արոյ առաքեցանն տարածեալ զթուղթն, պատահեցին նմա Արուսաղէմ: Օ՛յսս վկայէ և աւետարանական բանն, թէ՛ էին ոմանք ի հեթանոսաց եկելոց առ նա: Վասն որոյ ոչ համարձակին քրք լուանն՝ ասել զՅիսուս: Իսկ ինքն Փրկիչն մեր, յայնմ ժամանակի, յորում կոչեաց զնա Աբգար, ոչ առ նմա յանձն. բայց թղթոյ արժանի արար զնա, որ ունէր աւրինակ զայս:

ժգ. Թուխթ Քրիստոսի, զոր գրեաց առ Աբգար, ի ձեռն Թումայի²

“Արանի իցէ այնմ որ հաւատայ յիս, իբրու չիցէ նորա տեսեալ զիս: Օ՛ր զրեալ է վասն իմ այսպէս. զի որք տեսանենն զիս, ոչ հաւատան յիս. և որք ոչ տեսանիցեն զիս, նորա հաւատացեն և կեցցեն: Իսկ վասն այնր, զի գրեցեր դու առ իս՝ զալ ինձ առ քեզ. արժան է ինձ կատարել աստ զամենայն ինչ, վասն որոյ առաքեցայ Ես: Ալ իբրև կատարելից զայս, ապա համբարձայց: Առաքելից քեզ մի յաշակերտաց աստի իմոց, զի զցաւս քո բժշկեսցէ, և կեանք քեզ և որոց ընդ քեզդ են՝ շնորհեսցէ:”

¹ Պատմ. խորհն. Բ. 32.
² Պատմ. խոր. Բ. 32.

Օ՛յսս թուղթ երբեր Անան, սուրհանդակ Աբգարու. ընդ որում և զկենդանադրութիւն փրկչական պատկերի:

ժե. Քարոզութիւն առաքելոյն Թադէոսի յԵրեսեայ եւ մկրտեալն զԱբգար, ընդ որում եւ զՏուբիա Բաղրատունի¹

Յետ համբառնալոյ փրկչին մերոյ, Թովմաս առաքեալ, մի յիժնիցն, առաքեաց, զԹադէոս, որ էր մի յեւթանասնից անտի, ի քաղաքն Երեսեայ՝ բժշկել զԱբգար և աւետարանել ըստ բանին Տեառն: Արոյ եկեալ եմուտ ի տուն Տուբիայ, իշխանի հրէի, զոր ասեն լինել յազգէն Բաղրատունեաց: Արոյ խաւսեալ Արշամայ ոչ ուրացաւ զհրէութիւնն ընդ այլ ազգականս իւր, այլ նոյն աւրինաւք եկաց մինչև ի հաւատալն ի Քրիստոս: Ալ ել համբաւ առաքելոյն ընդ ամենայն քաղաքն: Առեալ Աբգարու, ասէ. “Նա է, վասն որոյ գրեացն Յիսուս.՝ և իսկոյն կոչեաց զնա: Ալ եղև ի մտանել Թադէոսի, տեսիլ մեծ երևեցաւ Աբգարու յերեսն Թադէոսի: Ալ յարուցեալ ի դահոյիցն անկաւ ի վերայ երեսաց իւրոց, և երկիր եպագ նմա: Ալ զարմացան ամենայն իշխանքն որ շուրջ կային, զի ոչ գիտացին զտեսիլն: Ալ ասէ ցնա Աբգար, թէ՛ “դո՛ւ իցես արդարև աշակերտ աւրհնելոյն Յիսուսի, զոր ասաց ինձ առաքել այսր, և կարող իցես բժշկել զցաւս իմ:” Պատասխանի Ետ նմա Թադէ.՝ “Եթէ հաւատասցես ի Յիսուս Քրիստոս յորդին Աստուծոյ, տացին քեզ խնդրուածք սրտիքո՛ւ: Ասէ ցնա Աբգար. “Աս հաւատացի ի նա և ի հայր նորա. վասն որոյ կամեցայ առնուլ զզաւրս իմ և զալ կոտորել զհրէայսն, որ խաչեցինն զնա, եթէ ոչ էր արգելեալ վասն Թադաւորութեանն հռովմայեցւոց:” Ալ յայս բանէ սկիզբն արարեալ Թադէի, աւետարանեաց նմա և քաղաքի նորա, և եղեալ ձեռն ի վերայ՝ բժշկեաց զնա և զԱբգարու պատագրոս, իշխան քաղաքին: Կա և զամենայն որ էին ի քաղաքին հիւանդք և ախտաժէտք՝ բժշկեաց, և հաւատացին ամենքեան: Ալ մկրտեցաւ ինքն Աբգար և ամենայն քաղաքն: Ալ ոչ զորք բռնութեամբ ածէր ի հաւատոս, բայց աւր ըստ աւրէ յաւելեալ ի հաւատացեալսն՝ բազմանային: Իսկ

¹ Պատմ. խոր. Բ. 33.

առաքելոյն թաղէի զխոյրարար ոմն մետաքսադործ մկրտեալ և ա-
նուանեալ Ադդէ, ձեռնադրեալ ի վերայ Ադեսեայ, փոխանակ իւր
թողու առ արքայի: Աւ իւր առեալ հրովարտակ յարքայէ, զի ա-
մենեքեան լուիցեն աւետարանին Քրիստոսի, զայ առ Սանա-
րուկ քեռորդի նորին, զոր կարգեալ էր ի վերայ աշխարհիս զաւ-
րաց: Բայց Աբգար յաւժարեցաւ գրել թուղթ առ Տիրեր՝ աւ-
րինակ զայս:

ժգ. Թուղթ Աբգարու առ Տիրեր: 1

“Աբգար, արքայ Հայոց, Տեառն իմոյ Տիրերեայ կայսեր հռով-
մայեցւոց՝ խնդալ: Քրիստելով իմ, թէ ոչ ինչ ծածկի ի քումմէ
Թագաւորութենէդ, այլ իբրև զմտերիմ քո, աւելի ևս իմացու-
ցանեմ ի ձեռն գրոյս: Օ, ի հրեայք, որք ընակեալ են ի գաւառս
պաղեստինացոց, ժողովեալ խաչեցին զՔրիստոս առանց իրիք
յանցանաց, ի վերայ մեծամեծ երախտեացն զոր արար՝ նշանս և
սքանչելիս, մինչև զմեռեալս անգամ յարուցանել: Աւ գիտեմ,
զի գաւրութիւնքս այս ոչ են սոսկ մարդոյ, այլ աստուծոյ, զի ի
ժամուն յորում խաչեցին զնա, արեգակն խաւարեցաւ, երկիր
շարժեալ տատանեցաւ, և ինքն յետ երից աւուրց յարեաւ ի մե-
ռելոց և երևեցաւ բազմաց: Աւ այժմ յամենայն տեղիս անուն նո-
րա, ի ձեռն աշակերտաց նորա, սքանչելիս մեծամեծս կատարէ.
որ և առ իս ինքն իսկ եցոյց յայտնապէս: Աւ արդ՝ այսուհետև
տէրութիւնդ քո գիտէ, որ ինչ արժանն է հրամայել ի վերայ ժո-
ղովրդեանն հրէից, որք զայնն գործեցին, և գրել ընդ ամենայն
տիեզերս, զի երկրպագեսցին Քրիստոսի իբր ճշմարտի աստու-
ծոյ:”

ժէ. Պատասխանի թիւթոյն Աբգարու ի Տիրերեայ:

Տիրեր կայսր հռոմայեցոց Աբգարու, Թագաւորին Հայոց,
խնդալ: Օ, թուղթ մտերմութեան քո ընթերցան առաջի իմ,
վասն որոյ շնորհակալութիւն քեզ ի մէնջ հասցէ: Թէպէտ և ի

1 Պատմ. խոր. Բ. 33.

բազմաց լուեալ է մեր յառաջագոյն, եցոյց և Պիղատոս ստուգա-
պէս վասն նշանացն նորա և թէ յետ յարութեան նորա հաւա-
տարիմ եղև՝ թէ աստուած է: Վասն որոյ և ես կամեցայ առնել
զայդ, զոր դուդ խորհեցար: ... Այլ մեք տուաք հրաման ամե-
նայն ումեք, որում և հաճոյ թուեսցի Յիսուս, ընկալցին զնա ընդ
աստուածս, և մահ այնոցիկ սպառնացեալ, որ չարախաւս կայցեն
զքրիստոնէից: Աւ վասն ժողովրդեան հրէից, որ յանդգնեցան
խաչել զնա, զորմէ լսեմ թէ ոչ արժանի խաչի և մահու էր նա,
այլ պատուի և երկրպագութեան, յորժամ առից պարապումն ի
պատերազմէս սպանիացւոց, քննեալ հատուցից նոցա զարժանն:

ժը. Դարձեալ Աբգարու առ Տիրեր:

Աբգար արքայ Հայոց, տեառն իմում Տիրերի, կայսեր հռո-
մայեցւոց, խնդալ: Օ, թուղթ դրեալ ըստ արժանի քո տէրու-
թեանդ տեսի, և ընդ հրաման մտածութեանդ քո, ուրախացայ:
... Բայց քեզ, տեառն իմում հաճոյ (թուեսցի) առաքել (զայլ ոք)
Մարուսաղէմ փոխան Պիղատոսի, զի լուծցի նա անարգանաւք
յիշխանութենէն, յորում կարգեցերն զնա, վասն զի արար զկամս
հրէիցն և խաչեաց զՔրիստոս տարապարտուց: Ողջ լինել քեզ
ըղձամ:

ժթ. Այլուստ պատկան սորին կարգի:

Իսկ Թագաւորն Աբգար, իբրև զճշմարիտ նախանձաւոր
Փրկչին, առնու վրէժս ի դրժողաց փրկչին գրով և յորդորմամբ
զԹագաւորս հռոմայեցւոց, մինչև զկատարումն առ խնդիրն ի Տի-
տոսէ և ի Վեսպ(աս)իանոսէ, զկնի ի ամաց: Այլ իբրև տեղե-
կացաւ կայսր Տիրեր զնենգաւոր գործն Պիղատոսի Մբգարու,
առաքէ կոչէ զնա ի դուռն Թագաւորական, առնել նմա ըստ ար-
ժանոյ անաւրէնութեանն: Աւ մինչ նաւէին ի վերայ Ովկիանոսի,
ծանուցեալ զսաստիկ սպառնալիս կայսերն, անձամբ արար զվրէժ
անձին իւրոյ, ընկէց զինքն ի խորս ալեացն և հեղձամղձուկ եղեալ:

1 Պատմ. խոր. Բ. 33.

սուղեցաւ յատակս անդնդոց : Եւ այսպէս մասնաւորն ի բազմաց ա-
մենայն անյուսաբար համարձակելոց ի Տանն Աստուծոյ, խնդրե-
ցան վրէժք, առ ի լինելոյ հաւատարիմ դատաստանին Աստուծոյ :

Ի Յաղագս Սանատրկոյ :

Արդ՝ Թագաւորէ Հայոց զկնի Աբգարու քեռորդի նորին
Սանատրուկ : Քանզի իբրև կալլաւ զԹագաւորութիւնն Աբգար՝
զամս լը՛, վախճանեցաւ ճշմարիտ խոստովանութեամբ : Այլ որդի
նորին՝ Անանուն, ոչ ըստ առաքինութեան հայրենի զնայր, այլ
եբաց զգրուես մեհենիցն և խոտորեցնու ի կռամոլութիւն : Եւ
յայնմ հետէ պատառեցաւ Թագաւորութիւն Հայոց՝ յերկուս :
Անանուն Թագաւորէ Աղեւսեայ, և Սանատրուկ՝ ի Հայս : Այլ
Սանատրուկ ի քարոզութեանն Թաղէի հաւատաց, որ և հետոյ և
սա յերկիւղէ նախարարացն դարձեալ ուրացաւ, և չարչարեաց
զառաքեալն և զգուստը իւր զՍանդուխտ, մատուցեալ ի նուէր
երանելի նուիրին : Բայ սմին աւրինակի, Անանուն և զԱղեւս
նահատակեալ սրով, յանկարծուստ զոտս նորա կտրեալ, վասն զի
առաքեալ առ նա՛ առնել խոյր զլիսոյ նորա ըստ աւրինակի հաւրն :
Իսկ նորա պատասխանեալ ասէ. Թէ՛ ոչ գործեսցեն ձեռք իմ խոյր
գլխոյ, որ ոչ խոնարհեալ երկրպագէ որդոյն Աստուծոյ :¹

Եւ Սանատրուկ² ժողովէ զաւր ի ձեռն քաջացն Տաղրատու-
նեաց և Արծրունեաց, իւրոց դայեկացն, և պատերազմի ընդ որդիսն
Աբգարու, զի բովանդակ առցէ զԹագաւորութիւնն : Եւ նա մինչև
այսպէս պաշարեալ կայր ի դողման մեծի, ի վերուստ նախաժամա-
նեալ նմա վրէժն Աղեւսի արդարոյ : Այսան զի ի վերնատան ապարանի
իւրոյ տայր կանգնել սիւն կձեայ, և ի ներքոյ անցեալ Անանունս կա-
մէր պատշաճել ինչ. անկեալ սեանն ի վերայ նորայ, չարաչար սա-
տակեաց զամբարշտեալն. և այն ինչ պատշաճապէս պատշաճեաց
զգործն : Այսան զի անձնատուր եղեն բնակիչք Աղեւսեայ առ Սա-
նատրուկ, միայն զայս ուխտ խնդրեալ ի նմանէ, զի մնացեն ի դա-
ւանութեան զոր ունէին առ Քրիստոս. զոր և ուխտեալ յետոյ

¹ Պատմ. խոր. Բ. 34.

² Պատմ. խոր. Բ. 35.

ստեաց, վասն զի կոտորեաց զամենայն որդիսն Աբգարու : Իսկ
Սանատրուկ վասն այնր, ասի, կոչիլ անուն. զի ճանապարհ կա-
լեալ քեռ Աբգարու ի Հայս, կալեալ զնոսա բքոյ ի լերինս կոր-
դուաց, և ցրէր զամենեսեան : Եւ դայեակ մանկանն, քոյր Տիւ-
րատեայ Տաղրատունոյ, կին Խոսրոնեայ Արծրունոյ, առեալ
զմանուկն՝ եղ ի մէջ ստեանցն, լեալ ի ներքոյ ձեանն զերիս տիւս
և զերիս զիշերս : Եւ Սովսէս¹ ասէ, եթէ՛ շան սպիտակ լեալ
ընդ նոսա ի բնակելն ի մէջ ձեանն, աւզնական ջերմութեան
գտեալ. զոր և դայեկին կարդացեալ զմանուկն՝ Շանատուրք : Սա
Թագաւորեալ ամս լը՛ մեռանի ի դիպմանէ նետոյ որսոյ, զվրէժ
առեալ սպանման դստերն :

Իսկ զկնի մահուանն Սանատրկոյ, շփոթեալ Թագաւորու-
թեանն, անկանի յաւտարածին,² առասպելածինն համբաւեալ և
ոչ յաւրինական խառնից, ի վարար կնոջէ արշակունոյ, Արու-
անդ անուն մանկանն, սնի ի դրան Սանատրկոյ, որոյ, ասի, առ-
նուլ զԹագաւորութիւնն յաղագս առատաձիր ձեռացն : Սա մերժէ
զազգ Տաղրատունեաց, ոչ լինել Թաղաղիր ինքեան ըստ աւրինի
Թագաւորացն. և կոտորէ զորդիսն Սանատրկոյ, որպէս նա զոր-
դիսն Աբգարու : Եւ զմի ոմն յորդոցն Սանատրկոյ առեալ ստն-
տուն, փախեաւ ի սահմանս Հերայ. և ծանուցանէ Սմբատայ Տիւ-
րատեան ի Սպեր գաւառ : Իսկ նորա երթեալ վաղվաղակի առեալ
զմանուկն Արտաշէս, ի վասն հովուաց գաղտագողի սնուցանէր :
Եւ անցանէ առ Պարեհ արքայ պարսից և պատուի մեծապէս յա-
ղագս քաջութեանն. և մանուկն կարգի ընդ որդիս արքայի : Այս
որդիս Սանատրկոյ Արտաշէս սնանի առ Պարեհի : Եւ յղէ³ առ
Պարեհ Արուանդ՝ տալ ի ձեռս զմանուկն. և նա ոչ առեալ յան-
ձրն տալ : Յայնժամ առաքեալ Արուանդայ, կոտորեաց զգաղտա-
կանսն ի Տայբերդի. և զգստերսն առեալ՝ զնէ յԱնի : Եւ ինքն ի
կասկածանաց աղէտին հասելոյ Արտաշէսի, տայ ձեռս ի Տիտոս և
ի Վեսպիանոս, թողլով ի նոսա զՄիջագետս : Եւ յայնմ հետէ
բարձաւ ի շխանութիւն (Հայոց) ի Միջագետաց և Աղեւսեայ և

¹ Պատմ. խոր. Բ. 36.

² Պատմ. խոր. Բ. 37.

³ Պատմ. խոր. Բ. 38.

զրաւեցաւ ընդ տէրութեամբ հոռոմոց: Լա փոխէ Երուանդ զարքունիսն յԱրմաւրայ՝ յԵրուանդաբար¹: Յետ այսորիկ Սոլ սէս պատմէ զԹագաւորեցուցանելն Երտաշէսի ի իթ ամի Գաւրեհի: Լա ինքն Սմբատ պատուի յարքայէ, հաւատալով ի նա զամենայն վերակացութիւն աշխարհին:²

Իս. Հին անուանք Բագրատունի: ³

Ի սկզբան անդ մինչդեռ ի հրէութեան աւրէնս էին ազգն Բագրատունեաց, էր յորջորջումն անուանց նոցա՝ Բագատիա, Տուբիա, Եղենան (?), Սարեա (?), Վաղարիա, Ենանոս: Իսկ որ այժմ կոչին Բագրատունիք ի Բագարատայ՝ Բագադիայէ, և Եսուդա՝ Եշոտ, և Վաղարեայ՝ Վարազ, որպէս Շամբաթ՝ Սրմբատ փոխարկեցաւ:

Իբ. Յաղագս խառնելոյ խնամութեամբ Բագրատունեաց և Երշակունեաց:

Կամիմ աստանաւր ցուցանել զխառնիլն խնամութեամբ Բագրատունեաց և Երշակունեաց, և անդանաւր սկիզբն արկեալ տեսչութեանն Եստուծոյ, հանել զնոսա ի պատիւ և յաթոռ Թագաւորութեանն, զնախնոյն նոցա զՎաւթի մարգարէի և զաստուածահաւր խոստացեալ խոստումն: Լա վաւերական առնէ զբան ճշմարիտ ուխտին, ի Թագաւորական դնել աթոռ. որպէս ի ձեռն հաւատալոյն ի Քրիստոս, Թագադիրք և ասպետք մեծարեցան ի Թագաւորացն արշակունեաց, նա և խնամութեամբ ընդ նոսին խառնեալ պատուադրեցան: Լա իբրև կարի գովելի և ուղիղ կենաց զհետ եղեն, զՎաւթեանն ժառանգեցին աւծումն և պատիւ, նստելով յաթոռ նորա, ի վերայ բոլոր Հայոց, Թագաւորելով Եշոտ յերկրիս հայաստանեոց ի Շիրակ գաւառի, ի Շիրակաւանն աւանի, որպէս հանդերձեալ եմք գրել: Բայց նախ կարգեսցուք զխառնիլն խնամութեամբ. յետ այնորիկ ասպա զգալն կարգաւ ի հաւրէ յորդի, մինչև Եշոտ, նախնին Թագաւորաց:

¹ Պատմ. խոր. Բ. 39. Երուանդաշատ:
² Պատմ. խոր. Բ. 43-47.
³ Պատմ. խոր. Բ. 63.

Ի Թագաւորեցուցանել¹ Թէոդոսի մեծի զԵրշակ և զՎաղարշակ, զորդիսն Պապայ, յետ սպանելոյն զՊապ, ի վերայ Հայոց, Երշակ առնու կին զղուստր Բարկայ, Սիւնեաց իշխանին. իսկ Վաղարշակ փեսայանայ Սահակայ ասպետի Բագրատունոյ: Լա աստանաւր խառնեցան խնամութեամբ Երշակունիք և Բագրատունիք, որպէս և ասացաւդ: Երշակ և Վաղարշակ, որդիք Պապայ, Պապ՝ Երշակայ, Երշակ՝ Տիրանայ, Տիրան՝ Խորովայ, Խոսրով՝ Տրդատայ:

Իգ. Գործք Սմբատայ Գալի:

Ի և այս գործք քաջութեան արժանի յիշատակի ազգին Բագրատունեաց: Վասն զի ի ժամանակին, յորում ըմբռնեցաւ Երշակ Թագաւոր Հայոց ի Թագաւորէն պարսից Շապհոյ. որոյ նենգեալ յաղագս ըմբռնմանն, ընդ սուր ելանէ կամաւորաբար և մեռանի ի Խուժաստան, յԱնուշն կոչեցեալ ի դղելի: Իսկ Սեհրուժան Երծրունի, ուրացեալ և ի բաց մերկացեալ զզարդն հաւատոյն, առեալ ի Շապհոյ իշխանութիւն, բռնաբար կամէր Թագաւորել ի վերայ Հայոց. և բազում նեղութիւնս և վիշտս անցուցեալ ընդ կանայս ազատաց և ընդ որդիս նոցա սատակմամբ սրոյ, զորս հանեալ յամրական տեղաց կախէր զպարսպաց: Եւ և զմայր Պապայ, զՓառանձեմ, նախատամահ և անյիշելի մահուամբ սատակէ: Բնդ որ յոյժ վշտացեալ ի դառն անցից ազգիս, Ներսէս հայրապետն խնդրեալ ի Թէոդոսէ զՊապ Թագաւորել, փոխանակ հաւրն իւրում Երշակայ: Լա հնազանդեալ հրամանաց սրբոյն, Թագաւորն մեծ Թէոդոս տայ նմա զաւր յաւզնականութիւն և արձակէ հանդերձ հայրապետան ի Հայս: Որոց եկեալ պատահէին ուրացելոյն, և որ ընդ նմա Շերգիրն զաւրաբ պարսից ի դաշտին Յիրաւ: Յայնժամ ելեալ սուրբն Ներսէս ի գլուխ լերին Նպատ, և անդանաւր տարածէ զբազուկսն, որպէս նախնին մարգարէից ի պաղատանս առ աստուած: Լա խորտակեալ վկանդի ուրացողն և անաստուած գունդն: Յայսմ մարտի քաջ և ընտիր ասպետն Սմբատ, որդին Բագարատայ, Բագրատունի,

¹ Պատմ. խոր. Գ. 41:

մեծ քաջութիւն և հանդէս առաքինութեան կատարէր, աւգնա-
կանութեամբ աղաւթից սրբոյն և զաւրացն հոռոմոց. յորում և
կամսարականն Սպանդարատ զքաջն և զանուանին Շէրգիր հա-
րեալ, իբրև զշանթաճար յերկիր կործանէր. և անդանաւր դիա-
կամբ շատանայր վայրն ամենայն: Իսկ աստուածուրացն Մեհ-
րուժան ոչ կարաց փախչել: Որում հասեալ քաջ սպարապետն
Սմբատ և զառհաւատ չեայ յաւերժական այրմանն տայր ընկել
նմա. զամենայն փախստեայսն որ ընդ նմայն սատակէ բազկաւ և
սրով: Եւ զուրացողն ձերբակալ արարեալ ի Կողովտի՝ յոան
Սասեաց: Եւ խորհեալ սպարապետին, թէ զուցէ խնայեցէ ի
նա սուրբն Ներսէս, անդանաւր գտանէ պատրաստական կրա-
կետոյ, զի խորովէին միս: Եւ առեալ անտի զշամիրուն երկաթի
յեռանդան հրոյն արտաշիկագոյն փայլեցուցեալ և բոլորեալ ա-
նուաձև, ասէ ցնա. «Ե՛կ, զի պսակեցից զգլուխդ տիրամոռաց, զի
ինձ հաւատացեալ է ասպետական թագադրութիւն, և զու թա-
գաւորել Հայոց եկեալ ես այսր»: Եւ անդանաւր սատակի ամբա-
րիշտն սաստիկ սատակմամբ.¹ և փառաւորի անուոնն աստուծոյ:

Իբրև առ զիշխանութիւն թագաւորութեանն Պապ և խո-
տորնակ ընթացիւք անլուր լեալ խրատու սրբոյն Ներսէսի, զնայր
յանարժան և յանաւգուտ վարս, և ռիացեալ ընդ նմա, բարոյն՝
չար փոխարէնս հատուցանէ ի ձեռն զեղոյ բարձեալ զնա ի կենաց:
Եւ փոյթ ընդ փոյթ ըմբռնեալ զՊապ Թէոդոս, սատակէ սակ-
րաւ, ընկալեալ զմասնաւորն վրէժ: Եւ զինի Պապայ թագաւո-
րէ Հայոց Վարազդատ՝ զամս ի, որոյ իրազգաց եղեալ Թէոդոս,
եթէ տայ ձեռն ի Պարս, և զնա սատակէ: Եւ փոխանակ նորա, զոր-
դիսն Պապայ՝ զԱրշակ և զՎաղարշակ թագաւորեցուցանէ: Յա-
ւուրս սոցա, որպէս Պատմութեանն իւրում սկիզբն գնէ Վաղա-
րիկ պատմագիր, իբր զհնացեալ ձորձ՝ յերկուս պատառեցաւ թա-
գաւորութիւնս Հայոց: Օտրկիրն Այրարատեան մինչև ցոհ-
մանս պարսից՝ առնու թագաւորն պարսից: Եւ զմնացեալ մասն
առնու Արկաղէոս, որդի մեծին Թէոդոսի, և տայ ի ձեռս Արշա-
կայ, զաւրափար զնա եղեալ յետս ընդդէմ իշխանութիւն տուեալ
կայսերն: Իսկ թագաւորն պարսից՝ Շապուհ, տայ զիւր հասեալ

¹ Պատմ. խոր. Գ. 37—39, 41—40.

մասն ի Խոսրով ոմն Արշակունի: Օտր լուեալ նախարարացն,
որք էին առ Արշակ, դարձան առ Խոսրով ի տուես իւրեանց:

Եր. Աման Սմբատայ Քաջին՝ զրոյցք:

Ո՛վ վերծանող սիրելի, զիտեան հաւաստի, զի ի մտի եղի զրել
ծայրաքաղ աստ և անդ զանուանս Բագրատունեացն միայն՝ մի զհետ
միոյ: Յաւուրս բաժանման թագաւորացն մերոց, մղթ ոլիմպիա-
դին, ի Քրիստոսէ նժժէին ամբ, յեւթն ամին Արկաղէայ, որ-
դոյ Թէոդոսի Մեծի, և ի Շապուհոյ հիւսիս: Եւ Շապուհ
և Խոսրով, որդի Տրդատայ, ի միում վայրի թագաւորեցին²: Եւ
եկաց՝ թ ամ. իսկ սա ձգտեցաւ հիւսիս: Ի սորա հիւսիս նստի
թագաւոր Հայոց Վառձապուհ. և սուրբն Սահակ՝ հայրապետ,
որդի մեծին Ներսէսի: Եւ նտի մինչև յայս քաջ Սմբատ եւ ամբ
ձձէ: Եւ կացին ի Շապուհոյ մինչ ցայսր. Արտաշիր՝ ամս ի:
Վառձոր և Կրման՝ ժ: Յազկերտ՝ ժ³: Վառձոր՝ իս: Յազկերտ՝
ժ: Պերոզ՝ իբ: Վաղարշ՝ ի: Կաւատ՝ ամս է: Զամասպ՝ բ:
Կաւատ՝ ժէ⁴: Խոսրով հաւատացեալն՝ ամս իբ: Որմիզդ՝ ժբ:
Խոսրով՝ լէ: Ի թագաւորութեանն պարսից Խոսրովի և հոռոմոց
Սաւրկայ, ի հայրապետութեանն Հայոց Աբրահամու Ռշտու-
նեցոյ, ի թուին Հայոց իբ, ի շղի ամին ի ծննդեան Քրիստոսի,
Սմբատ քաջ Բագրատունի բազում և անհնարին մարտս յարգա-
րէր ընդդէմ թշնամեաց Խոսրովու պարսից թագաւորի. ընդ որ
յաւէտ իմն հաճոյանայր արքայ, և ընդ այլ բազում ընծայից և
զմարզպանութիւն Վրկանայ տայ նմա: Որոյ երթեալ անդ՝ գտա-
նէ⁵ ազգ մի գերեալ ի Հայոց և բնակեցուցեալ ի թուրքաստան
կողմանէ, որ Սագաստանն անուանի, մոռացեալ զլեզու և զգիր
հայերէն: Որոց տեսեալ զՍմբատ ուրախ լինէին: Եւ նա նորոգէ
դարձեալ զլեզու և զգիր հայերէն ի ձեռն Հաբելի երիցոյ և տայ
զնոյն առաջնորդ նոցա: Եւ եպիսկոպոս յետոյ ձեռնադրեալ
Մովսէսի զԱբէլ: Իսկ յետ այսորիկ հրաման ընկալեալ Սմբա-
տայ, զայ ի տեղի ծննդեան իւրոյ, և եկեալ ի Ղազին, շինէ

¹ Այս ըստ Սամուէլի Մնեցոյ:
² Չէ համաձայն խորհնացոյն. տես Գ, 8.
³ Ըստ Սամուէլի Մնեցոյ: Իսկ ըստ այլոց ուղղագոյն՝ ի ամ:
⁴ Այս եւս ըստ Սամուէլի: Իսկ ուղղագոյն՝ Լա:

596
43
553 (557)

զսուրբ Գրիգոր, զորոյ առեալ հրաման յարքայէ: Իսկ պահ-
նակ բերդին չարխաւսէ առ արքայ, յորոգայթ բերդին դու-
զայն: Եւ արքայ պատասխանէ. « զի բերդն քակեսցի, և եկեղե-
ցին շինեսցի »: զոր յառաջագոյն ի փայտէ և յաղիւսէ, սրբոյն
Վարդանայ էր շինեալ: Եւ իբրև եկն քաջն Սմբատ, ետես յա-
ռաջնորդէ որբ զեկեղեցին, զի էր վախճանեալ Մովսէս: Կարգէ
յառաջնորդութիւն Հայոց զԱբրահամ Ռշտունեաց եպիսկոպոս
ի գեղջէ Աղբաթանից: Եւ ինքն քաջն Սմբատ շինէ զեկեղեցին,
զսուրբ Գրիգորն, քարիւ և կրով¹:

Վահրամ Մեհեհեանդակ, իշխան արևելից, յաւուրս Ու-
մզդի, որոյ խոստովանող Խոսրովու: Սա հարկանէ քաջու-
թեամբ զգաւրն Թետաղաց և բռնութեամբ ունէր զերկիրն Քու-
շանաց և զմայրաքաղաք նոցին զՂալի, մինչև յայնիոյս Վեհոտ
գետոյ: Եւ լ և զՄաղթթաց զաւրան կոտորեաց և զԹաղաւորն
սպան. և զանբաւ աւարն զաւրացն իւր բաշխէր, և սակաւ ինչ
Ումզդի առաքէր: Բնդ որ զպրացեալ Ումզդի առաքէ փուշտի-
պան՝ ժողովել ի զաւրացն զաւարն: Իսկ զաւրուն սպանեալ զփուշ-
տիպանն, Թաղաւորեցուցին զՎահրամ Մեհեհեանդակ: Օ որ
լուեալ Ումզդի, փախստական լինի և ի զաւրացն մեռանի: Եւ պա-
զորդին նորին զԽոսրով Թաղաւորեցուցին. որոյ անկեալ առ Մաւ-
րիկ: Եւ նորա առաքեալ զաւր և զՄուշեղ Մամիկոնեան, սպա-
նանէ զՎահրամ, և առնու ի Խոսրովէ փոխանակ այնր զերկիրն
Հայոց մինչև զՏփլիս: Եւ յս Խոսրով առնու կին քրիստոնէ, Շիրէն ա-
նուն, և տայ նմա համարձակութիւն վասն հաւատոյ, և նա մերձ
յապարանսն վանս շինեալ՝ կարգէ ի նմա քահանայս: Եւ Մաւ-
րիկ խնդրեալ ի Խոսրովու զմարմին մեռելոյն, որ կայր ի գանձս
արքունի, եղեալ յաւազան պղնձի. զոր պարսիկն Կաւ Խոսրով
անուանէ, և Հայք՝ զՔանիէլ մարգարէ: Եւ իբրև ածին ջորիս
և հանին ընդ դուռն ասպարէզս երեք, զարձան անդրէն ջորիքն,
առաթուր հարկանելով և անդէն արձակեցան բղիտումն ջուրց:
Օ որ իմացեալ կայսեր պատարագաւք պատուեալ զնա:

¹ Սերէոս, գլ. 47—48:

Օ այսու ժամանակաւ զՍմբատ Բաղրատունի չարխաւսեալ
տարան ի դուռն արքունի. և հրամայէ արքայ արկանել կուր գա-
զանաց: Եւ աղաղակեալ Սմբատայ ի ձայն մեծ և հարեալ մուր-
ցացի զճակատ արջոյն՝ սատակեաց: Եւ կալեալ զեղջերուաց
ցլոյն՝ սատակեաց: Եւ իբրև յաւելին արձակել առիւծ մի. ընթա-
ցեալ հզաւր զաւրութեամբ արիականաւ կալեալ զականջաց առիւ-
ծուն, հեծաւ ի վերայ առիւծուն: Եւ իբրև ետես զայն բազմու-
թիւնն, զաղաղակ բարձեալ դիմեցին առ ոտս Թաղաւորին, խնդ-
րէին վասն այնպիսոյ քաջի ողորմութիւն: Յայնժամ հրաման ել
ի Թաղաւորէն՝ տանել զնա ի բաղանիս և զարդարել. և արարեալ
զնա տրիբուն զաւրացն որ յԱփրիկէ: Իսկ էր նա հասակաւ
բարձր և լայն, և զեղեցիկ տեսեամբ: Եւ լինէր, յորժամ անցա-
նէր ընդ անտառս, բուռն հարկանէր զձաղկից անտառին և կծկեալ
ոտիւքն՝ վերացուցանէր զերկվարն¹: Իսկ քաջն և արին զկնի
այսորիկ մեռաւ ի Տիգրոն, բարուք քաղաքավարութեամբ և
բերեալ եղաւ ի Վարունս, ի Կոզ զաւառի²: Իսկ զկնի նորին,
որդի նորին Վարազտիրոց առնու զիշխանութիւն Հայոց, ի
Թաղաւորէն Կաւատայ, որոյ Խոսրովայ և առաքի ի Հայս:
Որոյ եկեալ եգիտ վախճանեալ զԿոմիտաս: Եւ պա զՔրիստափոր
Աբրահամեան տանէ, կարգէ առաջնորդ Հայոց, ձեռնատուու-
թեամբ Թէոդորոսի Ռշտունոյ, զամս Է: Իսկ զկնի Քրիստա-
փորի Եզր եկաց կաթուղիկոս Հայոց, զամս Ժ, յաւուրս Հե-
րակի և պարսից Խոռենայ:

Ին. Վասն առասպելաց անաւրէն Մահմետի և նորին ստուծեան. զոր խայտառակէ
նորին աշակերտն:

Իբրև եհաս մեզ պատմել զանաւրէնն Մահմետայ դիցուք
զկնի զմոլորութեան նորա զյաճախութիւնն, զի իսպառ ատեսցես
և փախիցես ի նորին անուանէ, ո՛վ դու քրիստոսասէր անձն: Օ որ

¹ Պատմ. Սեր. գլ. 47, 48:
² Չէ այս Սմբատ բազմայաղթն սպարապետ Խոսրովու, զորմէ վերագոյն յիշե-
ցաք (Սեր. գլ. 47—48), այլ այլ ոք Բաղրատունի, համանուն նորին, ի ծառայութեան
յունաց (Սեր. 4): Սխալի հեղինակս զվախճան Բազմայաղթին ի Տիգրոն և զորդին
Վարազտիրոց՝ վերջնոյն ընծայելով:

13!

մինչև ցայսաւր, դեռ ևս անգիտութեամբ երթեալ ի հէճն¹ և ի Մաքայ, մատուցանեն նուէրս զիւաց, և կատարեն անմտաբար զխորհուրդ առաջին կռամոլ զիւսպաշտութեանն, ոչ զիտելով զինչ գործենն: Օր աւտի կարես զիտել զգործս նոցա, զոր նոքայն անգիտաբար համարին աստուածապաշտութիւն զղիւսապաշտութիւնն: Լա եղև, ասէ, ի ժամանակին յայնմիկ այր մի անուն Մահմէտ, յազգէն որ կոչի կուրէշ², յորդոց կեդարայ, յերկուտասան ցեղից Իսմայէլի: Որոյ եկեալ ՚ սուրբ լեառն Սինէական, աշակերտեցաւ միայնակեցի ումեմն, որ զիտէր լեզու իսմայէլացի և պարսիկ, անուն Քիւրայ³. որոյ առեալ զնա՝ կամելով ճշմարտութեամբ ամենայնի ի վերայ հասուցանել. սկիզբն արարեալ ի լինելութենէ արարածոց, ոճ եգեալ ընթերնոյր նմա զգիրս ծննդոց և զայլն ամենայն կարգաւ և զնոր կտակարանս և զգիրսն զոր Յիսուսի մանկութեանն կոչեն: Լա մինչդեռ ականջալուր միայն նմա էին զիրք աստուածաշունչք և ոչ հասու լեալ ստուգապէս, հասեալ նմա պատճառ՝ զնալ ի ներքսագոյն անապատն, և այնուհետև ոչ ևս դառնալ առ վարդապետն իւր: Լա ոչ միտք նորա սիրեցին զՔրիստոնէութիւն, այլ խորհուրդք նորա յուզէին զիտել թէ՛ զի՛նչ է հրէութիւն: Լա պատահեալ նմա հրէի ումեմն վաճառականի, տեղեկացաւ ի նմանէ զկարգ և զհաւատ նոցին. անգունեսց և զայն ևս: Լա սկսաւ մտացածին յինքենէ ասել հաւատ նոր, ճշմարտութեան հակառակ և ստուծիւն. և խոտեալ զամենայն պաշտամունս նման նեռինն, և զիւրն միայն աւրինադրէր: Լա թեալ ի գեղն Մաքայ, որ անդր է քան զԵփեմի Մաղինայ⁴, որ է նոցա քաղաք, քարոզեաց ըստ կամաց և ըստ ախորժակաց. ա-

¹ Հեճ, حجة, ուխտագնացութիւն, յորմէ հաճի, حاج, ուխտագնաց, որ երթեալ իցէ ի Քաաբա:

² Մուհամմէդ, որդի Սրբալուսի էր ի Կորայիշ یش قریش Տաճկաց:

³ Տաճիկ մատենագրաց ևս յայտնի է անուն վարդապետին Մահմէտի, مهدي Բահիրա, զոր քրիստոնեայ կոչեն ոմանք, միայնակեաց կամ արեղայ: Նոյն Բահիրա Սարգիս ܣܘܪܓܝܫ ևս ասի յոմանց:

⁴ Մաղինա ܡܘܠܝܢܐ քաղաք լի ի լեզու տաճկաց, և է անուն քաղաքի յԱրաբիայ, յորում ծնաւ Մահմէտ: Ոչ Եփեմի, այլ Եսցրեբ ܝܨܪܝܝܠ կոչէր անուն քաղաքիս ի հնումն:

սելով զտուն տոհմարանին, այսինքն՝ պաշտման անձից, տուն ա ստուծոյ՝ և տուն Մարահամու. և անուանեաց՝ ալ քաաբա³: Լա սաց թէ Իսմայէլ արար կին և սա է տուն նորա: Լա կարաւտացեալ տեսանել զնա Մարահամու, ասէ ցՍառայ. «արձակեա՛ զիս, զի երթեալ տեսից զորդին իմ»:⁴ Իսկ Սառայի երկուցեալ, թէ զուցէ մերձեսցի առ աղախինն, զերզումն աստուծոյ դնէ ի վերայ նորա, թէ՛ «մի՛ իջցես ի դրաստէդ ի գետին, այլ ի վերայ կալով քո, տեսցես զորդին քո և դարձցիս այսրէն»:⁵ Լա եկեալ նորա ոչ պատահէր Իսմայէլի, քանզի յորս անցեալ էր: Լա հարցանէր ցկինն, թէ՛ «նա՛ երթեալ է այրն քո»:⁶ Լա նորա թշնամանեալ անգոսնեաց զնա, ասէ. «զառանցեալ խանգարեալ ալևոր, յի՛նչ պէտս խնդրես զայրն իմ»:⁷ Լա նա ասէ. «ասացես ցայր քո՝ ոչ բարւոք են դրունք տան քո. ի բաց փոխեա՛ զրա, այլ առնելով դրունս»:⁸ Լա եկեալ Իսմայէլ յորտոյն, ոչ ասաց նմա կինն իւր, անփոյթ արարեալ զպատուէրն Մարահամու: Լալ Իսմայէլ առեալ զհոտ հաւրն, հարցանէր ցկինն, թէ՛ «ե՛կ որ այսր»:⁹ Լա նա ասէ. «ալևոր մի»:¹⁰ Հարցանէ Իսմայէլ, թէ՛ «զի՛նչ խաւսեցաւ», և պատմեալ կնոջն: Գիտաց Իսմայէլ, եթէ զկնոջն ասացեալ է. արձակէ զնա և այլ առնու կին: Սոյնպէս պատահեալ երկրորդ կնոջն և երրորդ, մինչև ցեւթներորդն: Լա նա ասէ ցՄարահամ. «բարի եկիր, հայր. էջ ի դրաստէդ, զի անձից զգլուխ քո»:¹¹ Լա նա ասէ. «ոչ հաւանիմ»:¹² Լա իբրև թախանձէր զնա կինն, իջեալ Մարահամու, ոչ ի գետինն՝ վասն երզմանն Սառայի, այլ մի ոտն ի վերայ վիմի և մի ոտն՝ հեծնելովն¹³: Լա վէմն տեղի տուեալ ոտինն, ցուցանէր զտեղին: Օ այս այսպէս ուսոյց յառասպելաց: Լա յամենայն կողմանց զերկրպագութիւն քարին այնմիկ և տանն հրամայեաց մատուցանել: Լա ի ներքս ի տանն, կալով շուրջ զքարիւն, երկրպագել հրամայէր, որ միւս վէմն է

¹ Գուն աստուծոյ بيت الله:

² ܡܘܠܝܢܐ:

³ Զայսմանէ և զայլոց առասպելաբանութեանց Տաճկաց գտցես զընդարձակագոյն տեղեկութիւնս առ եւրոպացի մատենագիրս՝ Wüstenfeld, Geschichte der Stadt Mekka, Leipzig, 1861, և Caussin de Perceval, Essai sur l'Histoire des Arabes, Paris, 1847. T. I.

և ծակ ոտիցն: Ղարձեալ՝ զարտաքին վիմոզն ուր ոտնհետն Աբրահամու, հրամայեաց շուրջ դալ, միտանի վաղվազելով ասել «լայք, լայք¹», որպէս թէ պատասխանի ումեք առնելով՝ «յայ, յայ, աւաս, աւաս»:

Ղարձեալ ի ձորն անցեալ, որում վորդն ալ համարն² կոչեն, առնեն ի նմա սպանումն անասնոց: Լա հեծեալ ի գրաստ փախչին անդառնալի մինչև ցրլուրն, մերձ ի Մաքա: Լա ի փախչելն, եթէ բաճկոն ուրուք անկանիցի և զհեծեալն իւր ջարդէ, ոչ դառնան յարուցանել: Լա յետ այնորիկ ընթանալով ի մէջ երկուց վիմաց հետի, զոր անուանեն՝ Սսփա և Լամրան³, ընթանան վիմէ ի վէմէ՝ անգամ անհանգիստ, որչափ և ուժն բաւական լինի: Լա յետ այնր ընթանան յայլ տեղի, զոր Մաքա ալհաս անուանեն. է անգամ ընթանան և զքարինս ձգեն, և ոչ յայտ է, թէ սմ զքարինս ձգեն: Լա միայն ասեն, եթէ՝ Մահմէտ այսպէս արար: Լա հրամայեաց ասելով, թէ՝ Աբրահամ դոյնպէս արար: Անդգուշու թեամբ է ասացեալն ի նմանէ. զի ասաց՝ ոչ էջ ի գրաստէն, և յետոյ ստեաց, թէ՝ ընթանայր և քարինս ձգէր: Լա ոչ սպանանեն ի տեղոջն յայն զեռունս և սողունս և գաղանս, վասն աւձիցն որք բնակեալ ի տանն, խառն ընդ մարդկանն շրջին և ոչ վնասեն ումեք, զորս մուսլիմս⁴ անուանեն, այսինքն՝ հաւատացեալս: Լա պատեալ ծածկեն զտունն է հանդերձիւ, և համբոյր երթեալ հանդերձին, ի վերայ աչաց զնեն⁵:

Արդ՝ ոչ երևի ի ձեզ մոլար խաբէութիւն շաղփաղփութեան նոցա: Քանզի բազումք ոչ գիտացեալ զայս ամենայն տեսանեն զազգս մարդկանն յամենայն պաշտամունսն պարսպ և փոյթ յաղաթս և խաւսել հանապազ աստուծով և կարծեն հաւատացեալս: Վասնորոյ կարևոր համարեցայ յայտնել զծածկեալս

¹ كلك لک، հրամայեալ, հրամանա:

² Աղաւաղեալ թուի անուն ձորոյս ի գրչաց:

³ Սսփայ, Սսփա الصفا է անուն բլրոյ միոյ ի Մաքքայ. իսկ անուն միւսոյն ոչ եմբան, այլ Մարվայ, المرور:

⁴ Մուսլիմ բառս է հաւատացեալ. իսկ զի զաւսն այսպէս անուանելն, մեզ չէ ծանալթ:

⁵ Զծիսից և զարարողութեանց Տաճկաց յաւուրս հէճին, տես D'Ohsson, Tableau général, III, p. 55—177.

խաբէութեան նոցա: Տունն զոր կոչեն Աբրահամու, ոչ երբէք երթեալ անդ Աբրահամ և ոչ Իսմայէլ, որպէս և աստուածայինքն վկայեն պատմութիւնք: Լա է նա տուն կոոց և աւձից պաշտման. զի տոհմարան զոլ ի միջոցի տանն ուր մնուցանեն զաւսն մինչև ցայսաւր ժամանակի, որպէս և ասացաք: Իսկ զկուռսն բարձեալ ասպատակին եգիպտացոց որք ի ժամանակին Տիւրիանովի: Քանզի անդրիք պղնձիք էին ընդ այլ դիւն, զոր կանգնեցին յԱղէքսանդրիայ: Յայնժամ տաճկացն գտեալ զայլ կուռս, այսինքն՝ զկուռս Ղիմասկոսի Ռիմանայ՝ յանապատի ուրեմն. զոր ի գալ քրիստոնէութեանս երկուցեալ քրմաց նորա, թէ՝ գուցէ ի ձեռն քրիստոնէից անկեալ փշրեսցի, առեալ փախստական զնացին յանապատ անդ: Օայն վերջոյ դտեալ կապաշտացն Տաճկաց, տարեալ ի Մաքա հանդերձ քրմով նորին, ի տունն յայն, յայտնի տեղի առաջին կոոցն կամեցան կանգնել: Իսկ աւձապաշտ քրմացն ոչ հաւանեալ զկուռս աւտարաց քրմաց յիւրեանց տանն կացուցանել, հաւանեցուցեալ զամբոխն՝ զտունն աւձիցն միայն բաւական լինել. որպէս թէ՝ ոչ ախորժեցին աւձքն զաւտար քուրմսն յիւրեանց բնակարանի: Լա այսպէս բազբաղեալ, արտաքոյ դրանն կացուցին զնա ի վերայ վիմին, ի միոյ ոտան վերայ կալով, և զմիւսն ի վեր ունելով. իբր թէ՝ այնպէս է պատկեր Ռամանայ, իբրև զԱփեստեայ պատկերն: Լա թէ՝ նա ինքն է Ռամանն՝ Ափեստոս ի Ղամասկացոցն անուանեալ: Լա նոցա երկաթով փորեալ և կապարով պնդեալ, ի մի ոտինն կացուցին զնա ի վերայ վիմին: Օոր ի ժամանակս Ռէհողոսի, յոչ զգուշանալ պաշտաւնէիցն, զի արտաքոյ կայր շինի, գողացեալ եղև ի վաճառականաց եթէնպացոց յաղագս ոսկոյն. վասն որոյ և պատերազմ եղև ի մէջ երկոցունց: Պատմեն յԱգիպտոս աւանդութեամբ մինչև ցայսաւր: Լա ոտնահետ² է ի վերայ վիմին, զոր ասաց Մահմէտ Աբրահամու լինել. որ և միտանի շուրջ գոլով Տաճկաց, զմիտանոյն Ռամանայ բերելով զձև, և դիւրի նորա երկիր պագանեն և ձայն տան և ոչ գիտեն: Եւ և ոչ զայն իմանան,

¹ Ռամին, Ռեման ի Ս. Գիրոս, տես Chwolson, Die Ssabier, II, 287—288.

² Ռտնահետն Աբրահամու մաքամ Իբրահիմ արաբսէն ի տաճկաց:

Թէ՛ սու՛մ զանասունս կոտորեն ի ձորն, և կամ յու՛մմէ՛ փախչին: Այլ մեք քննեալ հասու եղաք, թէ՛ Մահմետի մեկուսացեալ ի բազմաց մարդկութենէն ի ձորն, արար զո՛հ ամենայն դիւացն: Յոր դիմեալ դեքն ի կերպարանս մարդկան տեսլական երևեցան. յորոց զարհուրեալ Մահմէտ՝ փախեաւ: զնոյն և աւանդեաց: Իսկ որ մէջ վիմացն ընթանան, վէմք նստկի նոցա պաշտաւնք լեալ էին, քան զիսուսն առաջինս, որպէս զայն վէմ որ ի ներքսի տանն է: Լա դեքն յերկուց վիմացն զՄահմետի պաշտաւնն ինքեանց ստիպեն: Վասնորոյ այսր անդր ընթանայր ստիպով մոլեղնեալ, զնոյն և աւրինադրեաց: Գարձեալ՝ փութով ի պաշտաւն տանն ելեալ, և շուն ինչկատաղի գհետ ելեալ մուտ յառնուլ իսկ Մահմետի քար ձգեալ՝ զերծանի. զոր վարկեալ յաւտարդ (?) և խափանիչ նորա պաշտամանն լինել, զնոյն և աւանդեաց: Իսկ որ զԱբրահամ, ասեն, է անգամ երթեալ անդ, յոյժ ստեն: Լա որ զտողունս և զգեուունս և զգազանս ոչ սպանեն, պատիւ և պաշտաւն աւճիցն առնեն: Որպէս և մողպետքն ի թղթին Յազկերտի ի Հայս, զոյն աւրինադրեցին, թէ՛ աւճք և մողեզք և այլ ճճիք մի՛ սպանցին. վասն զի աստուածք էին և պաշտամունք առ նոսա՛: Օայս ամենայն երանելի այրն, որ յոյժ տեղեակ էր և եկն ի կրէտէս կղզի, հաւատաց՝ յայտնեաց և ծանոց:

Իգ. Արդ՝ պատմեսցուք վասն մահուանն նորա, արգարես արժանի ծաղու:

Քանզի իբրև մեռաւ Մահմէտ, պատեալ եղին զնա ի պարտիդի իւրում. ոչ թաղեալ, վասն զի խոստացաւ՝ յերիր աւուր յառնել, նման Քրիստոսի: Լա ի քուն լինել պահապանացն մտեալ շանց կերան զերեսս մեռելոյն: Լա յայնմ հետէ աւրինաւորեցաւ յաշակերտաց նորա՝ ի նոյն ամսոջ սատակել զշունս. որ մինչև ցայսաւր կալեալ զոյն սովորութիւն, սատակեն զշունս ի նոյն ամսեան: Այլ առաւել է, թէ՛ զկրաւնից և զկարգաց և զգատաստանաց նորին ասացից, լի յիմարութեամբ: Լա եդ ի բերան

¹ Այլազգ ասէ Եղիշէ ի Պատմ. իւրում, բ. շնջրիք եւ աղուէսք եւ նապասակք մի մեղքին: Աւճք եւ մողէզք, գորտք եւ որ այլ եւս խառնափնդոր բազմաճճիք են, մի կայցեն. այլ վաղ թուով համարով ի մէջ բերցեն ըստ արքունի չափոյն:

աշակերտելոցն կարծել, թէ՛ որպէս վասն Քրիստոսի գուշակեցին մարգարէքն, սոյնպէս և զՄահմետայ գուշակեցին, նշանակելով զկոչումն մարգարէութեանն, Յիսուս՝ իշով, և սա՛ ուղտով, զԱսայեայ տեսիլն առեալ իւրեանց վկայութիւն. «հեծեալ մի ասէ, տեսի իշոյ և հեծեալ մի ուղտոյ՛», Օայս ասէր ի քաղաքին իւրում Մադինա, մինչդեռ նստէր ի բազմամբոխ հրապարակին: Լա մինչդեռ խաւսէրն, աներևոյթ եղև յաջաց տեսութենէ ժամս հարուստ: Լա կալաւ փիշութիւն մեծ զամենեւին: Լա ապա մինչդեռ խաւսէինն, եկաց ի մէջ նոցա, և ետ ողջոյն և ասէ: «Խաղաղութիւն ընդ ձեզ և ողորմութիւն և շնորհ՛», Ապա զարհուրեալ հիացան և ասեն. «ուստի՛ դաս, կամ զի՛նչ է ողջոյնդ այդ, կամ յորոնց աստուածոց բերեր զայդպիսի բան ողորմութեան և շնորհաց»: Լստ պատասխանի. «ահա մինչդեռ խաւսէի ընդ ձեզ, յափշտակեցայ ի հրեշտակէ և գտայ ի Մաքայի ի տան հարց մերոց՝ Աբրահամու և Իսմայէլի. զոր շինեալ զնա տուն աստուծոյ և մեզ ի ժառանգութիւն. որպէս երբեմն զԱրուսաղէմ հրէիցն շինեալ և մարգարէիցն առ ի բնակութիւն որդոցն Իսրայէլի: Օի լուեալ զյափշտակելն Աբրահամայ Արուսաղէմէ ի Բաբելոն առ Դանիէլ. սոյնպէս զինքն համարեալ ասէր առ նոսա: Որ ոչ երբէք ճամարտութեամբ էին բանքըն: Ծածկէր առաջի նոցա, թէ՛ էր նորա տեսեալ զՄաքայ, և պատմէր առաջի նոցա զաւրինակ տեղոյն, զվայրացն և զշինուածոցն, և զամենայն նշանս սահմանացն ետ նոցա դիւթութեամբ, որպէս և տեղեկացեալն էր ի մանկութենէ: Վասնորոյ զարմացեալք ամենեքեան ասէին զնա մարգարէ գու: Լա իբրև լուսազայս ի բերանոյ նոցին, համարձակեցաւ քարոզել և ասել. «վկայեցէք թէ՛ չիք աստուած, բայց միայն ինքն, և ոչ գոյ նորա ընկեր, և Մահմէտ ծառայ նորա և առաքեալ՛», Օայս այսպէս իմաստասիրեաց, զմի աստուածն ասելով ըստ հրէականին: Իսկ ասելովն, թէ՛ չիք նորա ընկեր, այսու բաժանէր զՈրդի և զՀօգի ի հաւրէ:

¹ Տես զոյսմանէ ի Պատմ. զեւոնդեայ, յեր. 123—124.

² السلام عليكم ورحمة الله وبركاته:

³ لا إله إلا الله و محمد رسول الله

Լա այսպէս ուսուցանէ նոցա, թէ՛ զոր հարքն մեր պաշտեցին և մարգարէքն, զայն աստուած քարոզեմ ձեզ: Լա այսու հաւանեցուցանէ զժողովուրդն: Լա դարձեալ որոշէ զնոսա ի հրէականացն, որ մարդ միայն և որդի Յովսեփու ասացին զՔրիստոս, և յինքեանց խաչեալ: Եւ և սա կոչէ զՅիսուս՝ Բան աստուծոյ և հոգի առաքեալ ի Սարիամ յաստուծոյ, և առեալ ի նմանէ մարմին մարդկապէս: Լա դնէ վկայութիւն բանիւ աստուծոյ և ասէ. թէ՛ «այսպէս ասաց աստուած, թէ՛ առաքեցաք ի նա զհոգին մեր, որ եղև ի կերպարանս մարդոյ»: Լա ասէ, թէ՛ հրէայք զնա ոչ խաչեցին, այլ նմանեցոյց նոցա: Լա ոչ համարեցաւ նոցա կարող զո՛ր խաչել զԲան աստուած և խաչել ի նոցանէ: Լա ոչ ընդ մահուամբ անկեալ, այլ կայ կենդանի, և դալոց է յաշխարհ յետին ժամանակս: Լա գովէ զքրիստոնեայս և ընդունի զաւետարանն և զմարգարէս: Լա նըզովէ զՀրէայսն, թէ ուրացան զՔրիստոս և ապստամբեցան ի նմանէ, և սպանին զմարգարէսն: Եւ զՍահմաս առնէ զաւրինագրութիւն իւր յաւրինացն հին և յաւետարանէն, բայց որոշէ մտացական կամաք զոր ինչ ախորժէ, իբր յիւրմե եղեալ և ոչ առեալ յումեքէ, զոր և աւրինագրէ ժողովրդեան իւրոյ: Լա առնէր առաջի ժողովրդեանն առ աջաւք նշանս, որպէս և առաջիկայ հանդերձեալ նեռնն, զոր զգուշացուցանէ Տէրն մեր Քրիստոս: Սա կարապետ նեռինն հորդէ ճանապարհ նմին, զի ի ժամանակի անդ կոչէ զծառս յանտառէ յանուանէ: Լա նորա մեկնեալ ի միջոյ, գայ ձեմեւոյ, կայ առաջի: Լա դարձեալ հրամայէ երթալ ի տեղի իւր: Լա շարժել լերանց կարծեցուցանէր մարդկան: Լա ի վեր ունեւոյ զձեռս, ի հինգ մատանց աղբեր բղխեցուցանէր առ աջաւք: Լա դեղ մահու, ասեն, գործեալ նմա: Խորովեալ ուլ մի և եղեալ առաջի նորա, կամեցաւ ուտել: Լա խաւսեցեալ ուլն ի լսելիս բաղմաց, թէ՛ «մի՛ ճաշակեր յինէն, զի դեղ մահու գործեալ է յիս վասն քո»: Լա հանգեալ ի կարաւանի, աւազակաց ի վերայ անկեալ կամեւոյ յափշտակել զնա . . . և՛ զնոսա: Իսկ նոցա ժողովեալ ի մի վայր, բնակէին ի ցամաքային դաշտի և շուրջ զինքեամբ ծովացեալ, արգելան աւազա-

1. Գահաս երեւին քանի մի բառք:

կքըն յեղր ծովու, մնալով զերիս աւուրս, գնացին ունայն: Լա սորա տեսանէին զինքեանս ի ցամաքի, ուր ոչ զոյր խոնաւութիւն: Օայս զհաւրեղայր նորա ասեն արարեալ, և սա ի նմանէ ուսեալ, նոյնպէս արար: Եւ և բազումք իսկ յիւրոց անտի ոչ հաւատան առասպելայաւդ բաջաղանաց նորա: Լա ասեն դարձեալ, եթէ զլուսինն ի չորս բաժանեալ ցուցանէր մարդկան, որիշս ի միմեանց, և դարձեալ ի մի հաւաքեալ կարակնաձև: Իսկ վասն զքարինսն ձգելոյ, զոր յառաջն ասացաք, յաւդեն այսպէս. թէ՛ յորժամ եհան զԱղամ ի դրախտէն աստուած, յայսմ աշխարհի բնակեցոյց զնա: Լա նորա տեսեալ զաստանայ յայսմ տեղուջ ուր զքարինսն ձգեմք, ծանեաւ, թէ՛ սա էր որ զմեզ եհան ի կենացն, առեալ քարինս արկ ի վերայ նորա, վասն որոյ և մեք այսպէս առնեմք:

Իսկ յորժամ պատմեաց նոցա զոր ինչ պատմեաց, և զինքն պատգամաւոր քարոզեաց, յայնժամ նոքա խնդրեցին իւրեանց աւրէնս դնել: Լա նա խոստացաւ նոցա՝ առ վաղիւն հարցանել զաստուած, թէ՛ զի՛նչ հրամայեացէ: Լա արձակէ յիւրմէ: Լա ինքն ետ ածել երինջ մի առաջնածին յայն ժողովետոյ, և զորթն արդելու ի տան: Լա զոր ինչ կամէր ինքեան, դրեալ կապէ յեղջիւր երնջուն, և հանեալ յանապատ: Իսկ ի ժամու ժողովմանն, հրամայէ արձակել զերինջն: Լա ինքն հանդերձ սիւնհողոսաւն սպասեալ մնայր գալստեանն, իբրև ի վերուստ այցելութեան ինչ: Լա յերևման երնջուն զաղաղակ բարձեալ, գոհութիւն առաքէր ի վեր: Լա հանեալ զգիրն ահիւ և շքով ընթեռնոյր, իբր յերկնից եկեալ աւրինին: Օայս ամենայն յայտնեալ մեզ աշակերտ նորին և խայտառակեալ զպատրանս աղանդաւոր առասպելացն, եկեալ մկրտեցաւ ի Արէտէս կղզոյ յաղմանէ նախախնամող կամացն աստուծոյ: Լա մեք զառասպել և զզաղիր պատրանս նորա գրեցաք առ ի ծանուցումն և ի զգուշութիւն երկեղածաց Քրիստոսի, զի փախուցեալ աստեցուք զատելին աստուծոյ:

Իւ. Ղան Մահմետայ, կրկին:

Իբրև լուան զմահն Հերակլի արքային յունաց, համարձակեցան Իսմայէլացիքն ելանել յԱսորիս և ի Հրէաստան: Վասն

զի Ասորիս և Հրէաստան էին ընդ ձեռամբ Հերակլի: Եւ դըր-
 գոեցին զԽամայէլացիսն առաջնորդք ջրհատանոյն և ասեն. թէ՛
 «մեզ խոստացաւ աստուած տալ զերկիր. և վասն մեզաց մերոց
 տարագիր արար զմեզ: Եւ դուք նոյնպէս եղբարք մեր էք և որ-
 դիք Աբրահամու յԽամայէլէ: Եւ էք, և կատարէ աստուած
 զխոստումնն:» Եւ դրդեալ ելին ի հրէաստան և յԱսորիս: Եւ
 սատակեցին զզաւրս հոռոմոց և արկին ընդ հարկաւ իւրեանց:
 Աւմար առաջին առ զաթոռ սուլտանին, առաջին իշխան եկաց
 յԽամայէլացոցն: Վաղըրթն՝ թ ամ: Եւ մրան՝ ժք ամ: Մահմէտ՝
 թ ամ: Բուբաբըր, աներ Մահմէտի՝ ք ամ: Աւմար որ եղև սուլ-
 տան՝ ամ Ժ: Սա սկսաւ ելանել և առ զաշխարհս: Ի Վաղըրթայ
 մինչև յելանելն էին ամբ լը, որպէս և Ղևոնտ պատմագիրն
 զսոյն վկայէ¹. և ասէ, թէ՛ յԼը ամի իշխանութեան ելին յԱսորիս
 և ի հրէաստան. և ի միւս ամն ելին ի Պարսս և ի Հայս, ընկե-
 ցին զսուլտանն պարսից զՅազկերտ Շահբարեան, և մտին յաշ-
 խարհն Հայոց ընդ կողմն պարսից: Եւ առնուին զերէին զաւանս
 Մարաց և զգաւառն Պողթն և զՆախջաւան. սպանմամբ սատա-
 կէին և գերեալ անցուցանէին ընդ գետն Երասխ՝ ընդ հունն ջու-
 ղայ. և գունդ բաժանեալ ի գաւառն Արտազ անցեալ: Արոց ընդ
 առաջ ել Թէօդորոս Աշտուկեան, սատակէր զառաջաւորս զաւ-
 րուն: Իսկ յառաջին ամին Մաւեայ ելանէ զաւրն Տաճկաց ի
 Հայս, և հարկեցան Հայք ամին չ զահեկան, և առեալ պատանդ
 զՎրիգոր Մամիկոնեան և զՍմբատ Բաղրատունին տարան առ
 Մաւի: Եւ հետ ք ամի անկաւ գուրթ յաստուծոյ ի սիրտ Մաւ-
 եայ, և արձակեալ զնոսա՝ զՎրիգոր կացոյց իշխան Հայոց, զԷ-
 նողն սուրբ կաթողիկէին Արճոյ: Եւ դադարեալ յաւուրս նորա
 խաղաղացան Հայք ի հարկս տալոյ և ի հինէ: Եւ ասէ զՎրիգորէ
 Ղևոնդ երէց, եթէ՛ «էր այր երկեղած յաստուծոյ, եղբայրասէր
 և աւտարասէր և դարմանիչ աղքատաց և կատարեալ ի հաւատս
 աստուածպաշտութեան»: Ի սորա աւուրս նահատակեալ սուրբն
 Պաւլոս ի Վիլին: Օ սա սպանին զաւրքն Խաղրաց: Վրիգոր՝ ամս
 Ժ: Եւ դարձեալ յաւուրս Աբղլմեւքի զաւրավար նորին Մահ-

¹ Պատմ. Ղևոնդեայ, Փարիզ. 1857. եր. 19, 24, 33, 35.

մէտ սաստիկ սատակումն անողորմապէս անցոյց ընդ երկիրս Հա-
 յոց: Սա արձակեաց զԾովն Պեղամայ և աւար առ զգաղթեալն ի
 նմա: Եւ յս Մահմէտ անիծեալ ետ հրաման զաւրացն, որ աւե-
 րեցին զԲագուան և սպանին զսուրբս, որպէս պատմէ Ղևոնդի
 գրեալն¹: Եւ սա հասեալ Մահակ կաթողիկոս ի Խառան վախճա-
 նէր, և զգիրն աղաչանաց գրէր: Արոյ զղջացեալ դառնայր, և
 ապրէր Հայք: Իսկ զինի Աբղլմեւքի եկաց որդի նորին Վլիթ:
 Եւ Սմբատ զաւրավարն Հայոց երթեալ ի Յոյնսն խնդրեալ զաւ-
 րս յաւգնականութիւն, և եկեալ ի գաւառն Վանանդ: Օ այն
 լուեալ Մահմէտ զաւրավարն, հասեալ ի վերայ կոտորէր սա-
 տկապէս. և ինքն դառնայ ի Վիլին: Եւ իբև տեղեկացաւ եթէ
 իշխանքն Հայոց բերին զզաւրսն Հոռոմոց, հրամայէ Վլիթ
 Մահմէտի՝ բնաջինջ առնել զիշխանսն Հայոց: Եւ Մահմէտ
 հրաման ետ կասմոյ² ամիրայի որ ի Նախջաւան առ ինքն կոչել
 զազատսն Հայոց՝ բառնալ ի միջոյ: Եւնդ չոգան իշխանքն պարզ-
 մտութեամբ՝ Սմբատ որդի Աշտոյ ի Բագրատունոյ, Վրիգոր և
 կորիւն ի տոհմէ Արծրունեաց, Վարազ Շապուհ և եղբայր
 իւր ի տոհմէ Ամատունեաց, զորս այրեցին յեկեղեցիսն: Եւ այս
 ամենայն գործք չարք Մահմէտի հասին յականջս Վլիթի: Եւ
 նորա կոչեալ առ ինքն առաքէ յերկիրս Հայոց զԱբղլազիգ ոմն,
 այր բարի և խաղաղարար, փոխանակ նորա: Սա եկն և շինեաց
 կրկին զպարիսպն Վիլնայ և ամրացոյց: Իսկ Մահմէտ գրգռեալ
 զսիրտ թագաւորին Խամայէլացոց, խնդրեալ ի նմանէ բժն արս,
 գնաց յառնուլ զերկիրն Ղէնաց, և դառնայր սև երեսաւք: Վա-
 սրն զի կոտորեաց խաբանաւք զզաւրսն Ղեմբակուր իշխանն Ղէ-
 նաց, իբր թէ տալոց է նմա զլն աղջկուս և զարգարեալս ցու-
 ցանէր դէմ յանդիման յայնկոյս գետոյն: Եւ հրաւիրեալ յայն-
 կոյս գետոյն նաւաւք, հանեալ զվառեալսն ի սայլիցն, ի սուր սու-
 սերի կոտորէր զզաւրսն ամենայն. որք էին արք խն, որ սպանան
 և գետակուր եղեն: Օ այս պատմէ Ղևոնդ երէց³: Եւ յս Մահ-

¹ Պատմ. Ղևոնդ. 50—51, 55.
² Ի բնագրին էր՝ կամս. իսկ մեր այսպէս ուղղեցաք ըստ Ղևոնդեայ, եր. 56.
³ Պատմ. Ղևոնդ. 60—64.

մէտ զաւրաւար էր, և ոչ էր սա առաջինն, որ զայս ամենայն զործեաց, զի մի՛ մոլորիցիս:

Յայտնութիւն եւ երեւումն աղանդաւոր եւ սուտ մարգարէին Մահմետի: նա եւ նե-
սինն ստուգապէս, ի թուին զե ի Քրիստոսէ՝ որք¹:

Ելալով և մեծաւ ողբով և ցնորալի տաղտկութեամբ, թէպէտ և ոչ ըստ ախորժակի, սակայն ճառեցից զխաւարաբեր չարին այ-
նորիկ զսկիզբն ուստի սկսան, և զգեցոյց քուրճ սևութեան լու-
սատարփեան հաւտին Քրիստոսի: Եւ խաւար թանձրամած դար-
ձեալ տիրեաց տեղաց, զոր երբեմն մերժեցին փախուցին ի մէնջ
խաչակրաւն սրբոցն գնդից վարդապետութիւնք, և ըստ աւրինա-
կի և ապացուցի Տեառն եղին զարիւնս և զանձինս գրաւական
փրկութեան մերոյ: Եստանաւր մոլեգնաբար դարձեալ յարձա-
կեցան ի մեզ դէք, ասպնջական և վայր հանդստեան գտեալ
զճնունդս հազարեան, և նոքաւք ներգործեալ զկամս խոտորնակ²
... անաւրէն և անձնահաճոյ ստութեանն Մահմետի: զոր սեր-
մանեաց զտերմ՝ կերինթեայ, զընկալեալն ի Բիւիրայէ, արիանոս
կրաւնաւորէ:

Սա յառաջագոյն երթեալ սովին աղանդով քարոզել և ուսու-
ցանել նոցա զստութիւնն զայն: Իսկ նոքա ոչ ընկալեալ զնա հա-
լածական արարին: Եւ կրկնեալ դարձեալ երկրորդէ առ նոսս
զերթն: Եւ յերորդումն՝ կախ(արդ)անաւք հաւանեցուցեալ
զնոսս, մնայ առ նոսս՝ ամս թ և ամիսս ժն և աւուրս իք: Եւ յի-
ղու, ու սիրելի, տեղեկացեալ յայսմանէ գիտասցես և ոչ շփո-
թեսցիս մտաւք, յորժամ տեսանիցես զգիր համարոյ պատմագրաց
մերոց, այլ և այլ թուեալ զերևմանն նորա ժամանակ և զսկիզբն
թուականին Տաճկաց: Եւ յս ք ինչ են պատճառ շփոթման. մի,
զի լուսնական տարով վարին նոքա և թուեն զամս, և մի, զի
ոմանք զեւն ի Հայս դնեն սկիզբն երևման նորա, և ոմանք՝ զճնունդ
նորին, և ոմանք՝ զառաջին երթալն ի Մաքայ, և ոմանք՝ զեր-

¹ Եւ յս զլուսի եղեալ էր ի գրչագրի առանձինն եւ որոշ ի պամութենէն Մեկ-
ւոյն, զոր մեք իբրեւ շարունակութիւն սորա դնեմք:
² Պակասին բ տողք:

կրորդն, և ոմանք ի դառնալոյն նորա անտի թուեն: Եւ իւրա-
քանչիւր ոք յիւրումն ուղիղ են և ոչ ստեն: Եւ թէ այսպէս և
թէ՛ այն, աւանգ զքրիստոնեայք յերևման խաբեբայ աստուածու-
լացին:

Եւ առջին ելանէ զաւր յիւսմայելացոց, ունելով գլուխ և առաջ
նորդ զՔաղըրթ ոմն, ի կողմանս պաղեստինացոց և Վամասկոսի
անթիւ բազմութեամբ: Սորա գտեալ զՄահմետ խաբեբայ, որ էր
գլուխ վաճառականաց Լիզիպոսացոց, և աւրինացն նորա հաւա-
նեալ, հրամանաւ նորա շրջէր: Իսկ նա խրատեալ զՔաղըրթ՝
արդելու զսուրն և դնել հարկս ի վերայ քրիստոնէից՝ ուսմաց և
շինականաց, անշուշտ հրամանաւ և երդմամբ՝ մի՛ ինչ աւելի
պահանջել բաց յայսմանէ, զի տայցեն խարած ամենայն երգ՝
դրամս ք, և երիս մող խորբալ և ձիատաւարակ մի և պարան և
ձեռնարար մի: Եւ զքահանայս, զվանորայս, զտեղիս ուխտից,
զազատս և զհեծեալս թողուլ ազատ: Եւ զամենայն ինչ զոր և
աւրէնս եղ, դիւր և լայն ճանապարհաւ եղ: Եւ յուսացոյց ի
սուտ յոյս զժողովուրդս և զհաւանողս իւր, կեալ աստ պղծու-
թեան հանդստիւ, զրկել և սպանանել և կեղեքել զկեանս քրիս-
տոնէից, և անդ երթալ ժառանգորդ իննել դրախտին մարմնապէս
հանդստեամբ և յոգնաժողով զուզութեամբ: Հակառակ Քրիս-
տոսի քարոզեալ, որ ասէ թէ՛ ի յարութեանն ոչ արք կանայս
առնեն և ոչ կանայք արանց լինին, այլ զբարս մաքուրս և սրբա-
րարս զգեցեալ են հաւասար հրեշտակաց: Եւ ի հնոյն և ի նո-
րոյս գողաբար ի բաց զերծեալ զախորժակս մտաց մարմնասիրաց,
այնպէս քարոզէր և կախարդէր զմիտս տկարաց և թխմարաց յի-
մարաց:

Բայց հասեալ Քաղըրթի ի Վամասկոս Միջագետաց, մինչև
յքաղաքն Եմիթ և արձակէ երիս գլխաւորս, մի, ի կողմանս հո-
ռոմոց՝ Յաղու, որոյ խրատիչ ասեն զՅովել ոմն, որք կոտորեցին
ի հռոմոց հն: Իսկ ի պարսից կողմն՝ զԵթման ամիրայն և զՄա-
ւի: Նոքա հարին զՄրդատ և զՄուշեղ սպարապետն իւրով
սպայիւն, և տիրեցին բոլոր աշխարհիս Հայոց, Պարսից, Մա-
րաց, Պարթևաց և Պաղեստինացոց: Քաղըրթ՝ ամս ք: Եւ մրան՝
ամս ժք: Մահմետ՝ ամս ի: Բուբաքը, աներն Մահմետի՝ ամս ք:

ամիսս զէ: Աւմարն՝ ամս Ճ: ամիսս զէ: Աւթման, փետայ Մազմետի՝ ամս ժա, ամիսս ժա: Ալի, փետայն Մազմետի՝ ամս զէ: ամիսս թ: Մաւի՝ ամս ժթ, ամիսս զէ: Իզիտն, Մաւէ որդի՝ ամս զէ, ամիսս ը: Մաւիա՝ ամիսս զէ: Աւդլայ Մրուանի՝ ամիսս զէ: Աւդալա՝ ամս ը՝ ամիսս է: Աւդլմեղբ Մրուանեան՝ ամս ա (ի?), ամիսս թ: աւուրս զէ: Ալիթն՝ թ, ամիսս է, աւուրս՝ իթ: Սուլէյման՝ ամս թ, ամիսս է, աւուրս իթ: Աւմար, Աւդլազդի որդի՝ ամս թ, ամիսս է, աւուրս ժգ: Իզիտն, Աւդլմեղբայ որդի՝ ամս զէ, և աւր մի: Հուշամն, Աւդլմեղբայ որդի՝ ամս ժթ, ամիսս ը, աւուրս թ: Ալիթն, Իզտի որդի՝ ամ մի, ամիսս թ: աւուրս իթ: Իզիտն, Ալթին որդի՝ ամիսս թ: Բրահիմ, Ալթին որդի՝ ամիսս թ: Մրուան, Մազմետայ որդին՝ ամս է, ամիսս թ: Ապլապաս, Մազմետայ որդին՝ ամս զէ, ամիսս ը, աւուրս թ: Մանսուր, Բուջարայ որդին ամս իա, ամիսս ժա, աւուրս ը: Մազդի, Մազմետայ որդի՝ ամս Ճ, ամիսս մի, աւուրս է: Հադի, Մուսէի որդի՝ ամս ժա, ամիսս մի, աւուրս ժա: Հարոն Ռաշիտն՝ ամս ժգ (իգ?), ամիսս թ, աւուրս ժգ: Մազմետ, Հարոն Ռաշիտին որդի՝ ամս զէ, աւուրս իե: Մայմուն, Աւդլմեղբին որդի՝ ամս ի, ամիսս է, աւուրս իե: Մութասամ, Մազմետայ որդի՝ ամս ը, ամիսս ը, աւուրս թ: Հարուն, Մութասամի որդի՝ ամս է, ամիսս թ, աւուրս թ: Մութաւաք ջաւհար, Մութասամի որդի՝ ամս ժգ, ամիսս թ, աւուրս թ: Մութասիւր Մազմետ Մութաւաքայի որդի՝ ամիսս զէ, աւուրս թ: Մութասային Ահմատ՝ ամս թ: Օուբայիր՝ ամս զէ, ամիսս զէ: Մուհթադի Մազմետ՝ ամիսս ժա: Սա էր վերջին յազգէն Մազմետի, սուլտան: Օ որոյ առեալ զիշխանութիւն որդին Սըբտքնայ՝ Մազմետ սուլտանն, և այլ ոչ ևս հասին ի նոյն պատիւն իշխանական: Այլ ի նոցանէ առին ազգն թուրքաց՝ Սարչուկիքն, զոր յիւրումն տեղւոջ գրեցուք ստոյգ գտակաւ: Եւ իբրև անկան ի սուլտանական ճոխութենէն ազգն Մազմետի յայնմ հետէ խալիֆայք անուանեցան մինչև ցայսաւր: Եւ առին զսուլտանական աթոռն և զանուան Սիւլթանքն, որպէս ասացաք: Որ լինի թիւ ամացն Մազմետի մինչև ցայս վերջինս Մուհթադի՝ ամբ բձնոյ, և իշխանք լի:

Այս ի վարդանայ Պատմութենէն (Վենետ. 1862, էր. 91—92, 94—97).

Իսկ յազգս Վրաց թագաւորացն սկզբանց, որ կայ ի գիւրքս նոցա, եթէ թորգոմ ութ որդւովք եկն յԱյրարատ գաւառ զկնի ջրոյն մեծի. և երեք յորդուոց նորա նախագահք եղեն՝ Հասո և Քարթլոս և Կոկասոսն, և տիրեցին աշխարհաց, և իւրեանց անուամբն կոչեցին Հայս և Քարթլ և Կովկաս. և տիրեցին ի ծովէն Պոնտոսի մինչև ցծովն Կասբից՝ մինչև ցՄիհրան, և ցԱրբակ թոռն իւր, որ էառ կին ի Պարթևաց՝ Մազակոուխտ անուն ի Պարտաւայ. որ և ամուլ զոլով հաւատաց ի Քրիստոս, և ետ նմա զաւակ՝ զՎախտանգ, որ և Գուրգասարն՝ կոչեցաւ, որ է Գայլազուլիս ի Պարսից բառն. զի ունէր ի վերայ սաղաւարտին պատկեր գայլոյ յառաջի կոյսն, և յետի կոյսն՝ առիւծու: Սա էառ իւր ի կնուութիւն զդուստր Լեոնի կայսեր. և ի սմանէ սերեցան թագաւորք մինչև ցՌևտաս, զոր կուրացոյց Աբաս. յետ որոյ թագաւորեաց Բագարատ, որդի Գուրգեսայ, որդուց Աշոտոյ Ողորմածին, ի վերայ Ափսազաց. այս ըստ Մխիթարայ երկուցու ասիցն:

Իւր ի Խորասան ոմն յիսմայելացուցն Մազմետ անուն, որ անցեալ ընդ Ջահան գետ յերկիրն թետալացուց, ածէ բազում գերիս ի Խորասան՝ որ ասի արևելք, բնակեցուցանէ առանձինն, և ածեալ նոցա և բազմացեալ՝ դնեն զոմն ամիրա, և ապա տան նմա թագ՝ ի մեռանելն Մազմետին. նա յաջողակ եղեալ տիրեաց Պարսից և նստաւ սուլտան, որում անուն էր Գոզլա-բաք²:

¹ Նորագոյն պատմիչք վրաց զմականունն Վախտանգայ՝ Գուրգասան, այսինքն՝ գայլառիւծ, ասեն լինել զի ունէր ի վերայ սաղաւարտին պատկեր գայլոյ յառաջի կոյսն, և յետի կոյսն՝ առիւծու: Բայց չէ այնպէս զի ասլան **اسلان** կամ լաւ եւս **ارسلان** է բառ թուրքաց, որք յայնմ դարու չեւ էին մտեալ ի Պարսս կամ ի Հայս, ուստի եւ լեզու նոցա տակաւին անյայտ ազգաց: Գուրգասարն Վարդանայ է **گورگوسار** որ ըստ պարսից թերեւս՝ գայլազուլիս, իսկ ուղղագոյն գայլանման նշանակէ, եւ ի հնագոյն վիպասանութիւնս նոցա վարեալ իբրև անուն հռչակաւոր փեհլիվանի միոյ Տուրանացոյ:

² Հասարակապէս թողրիւ **بغرل** անուանեալ:

Այս ըստ Վահրամայ, որդւոյ Տիգրանայ, վիպագրի. իսկ պատուական երէցն Մխիթար Անեցիին, որոյ յիշատակն ի գիրն կենաց, այսպէս ասէ. «Յորով աշխատ եղէ գտանել զորպէսն սուլտանացն՝ որ ի թուրքաց, և գտի շնորհօքն Աստուծոյ այսպէս. Մահմուտն՝ զոր ասացաք, Աբքթանայ՝ որդի, յաննշանից մեծացեալ՝ որպէս Արտաշիրն Սասանեան, և եբարձ զիշխանութիւնն Մահմետի ազգին ի Մահմատ Մուհթարէ, երեսներորդ երրորդ ի Մահմետայ, յերկերիւր քառասուն և վեցերորդ (?)² ամի իշխանութեան նոցա, և զօրացաւ նա ի Բահլ քաղաքի ի յերկրին Քուշանաց, և ել համբաւ զնմանէ ուժգին, մինչև խալիֆայն երկուցեալ՝ առաքէ նմա ընծայս և ալամ, և լաղապ՝ Ամինադէլ³, և սուլտան կոչէ զնա: Աւ առեալ նորա զպատիւն ևս մեծանայ. և ելանէ ի Հնդկիս՝ ի համբաւ կոոցն Մաթանայ⁴, զոր կործանէ, և առեալ աւար դառնայ, զՄահմատ որդի իւր թողլով անդէն, և գայ ի Գուրգան. և առնու ի տեառնէն Գուրգանայ չորեքհարիւր հազար դահեկան, և սլեհս տամբ միով, ի չորեքհարիւր և քսան թուին իւրեանց, և անցանէ գայ յԱնէ. և տէրն Ռէոյ Մաջա-դաւլա Ռաստոմ, երեք աւուրբ յառաջ առեալ զՄեթիկան՝ ել ընդ առաջ նորա, և գայ ի Սրաւ անհնարին ուժով, և ընդ նմա երկերիւր և յիսուն փիղ: Աւ տեսեալ զնա, ասէ. Շահ, նամազ կարդացեալ ես. և նա ասէ. Այո՛. և դարձեալ ասաց. Ճատրկուց խաղացեալ ես.— Այո՛: Ապա ասէ. թագաւոր ի թագաւորի տուն մտէ՝ թէ ոչ. և նա լռեաց: Աւ առժամայն կապեալ զնա յղարկէ ի խորասան, և զամենայն ինչս նորա առեալ տիրեալ Ռէոյ, և գայ ի Տապարաստան և ի Տաւաբի, և ի Սարիտայ ի ձեռս Մասիսուտի որդւոյ իւրոյ զՌէ, և զՂազուին և զՔոհաստան բովանդակ. թողլով զնա յՌէ, գայ ի Սրաւ և առ-

¹ Է Սերեքթեգին անուն:

² Մահմետ Մուհթարի, 869—870. շիթէ աստ հեղինակս զանուանս իշխանաց, զժամանակն և զանցս իրացն:

³ Ալամ Եմ, դրօշ, նշան պատուոյ: Լաղապ Լեբ, պատուանուն: Ամինադէլ

Սեյն Եմ, վերատեսուչ կամ խնամիչ արդարութեան:

⁴ Մաթանս այս թուի լինել անուն Սոմնաթ կոոց ի Պատան քաղաքի Գուշերաթայ ի Հնդկիս, զոր կործանեալ Մահմուտայ և զանհամար գանձս նորա կողովտեալ յամին 1026:

նու հարիւր հազար դենարի, և անցանէ ի Կաշաուուրն ի չորեքհարիւր քսան և մի թուին իւրեանց: Իսկ Մասիսուտն առնու զՀամիան և զԱսպահան, և դառնայ յՌէ. և իսկոյն լսէ թէ սպանին զՀահայան քո յԱսպահան: Աւ դարձեալ անդրէն սատակէ չորս հազար այր և դառնայ յՌէ. և նոյն ժամայն բերեն նմա զքոյժ մահու հօրն, և թէ սուլտանացաւ Մահմատ եղբայր քո. և յարուցեալ գնայ, և կալեալ զեղբայրն կուրացուցանէ, և առնու զիշխանութիւնն և զթոռն: Աւ քանզի հայր նորա ի գնալն յօղնականութիւն ազգին՝ որոց գլխաւորն կոչուր խտրղան-Պօղըրդան, ի ճանապարհին պատահէ բանակաց ինչ բազմութեան թուրքաց, և ի դառնալն նոյն ճանապարհաւ՝ մեծաւ յաղթութեամբ առեալ զամիրայն նոցա զԱփաղու բերէ ի խորասան և դնէ ի կապանս. և ազգ նորա եկեալ խնդրեցին ի հօրէն, և ապա յորդւոյն, և ոչ ետուն: Իսկ նոցա բարկացեալ անցին ընդ Տահահան ամենայն բանակօքն իւրեանց, և զանձինս ի մահ եղեալ կուրեցան, և յաղթեցին և առին զԿաշաուուրն և կոտորեցին զզօրս սուլտանին ի Կաղանդան մօտ ի Սրմն. և փախստական եղեալ սուլտանն՝ գնայ ի Ղաղինն և անտի ի Հնդկիս: Աւ ի ճանապարհին սպանաւ սուլտանն, և զկոյր եղբայր նորա թագաւորեցուցին ի Ղազուին, որոյ յերկարեալ ի նմին ծնանի որդիս. և մի ի միջէ առեալ ունին զՂազուին մինչև ցայսօր:

Իսկ յառաջագէմն ի թուրքացն՝ որում անուն էր Մուստափաղոյ Սարչուքեայ որդի, ունէր հինգ եղբօրորդիս. որոց առնանքն՝ Աբուսայիմ, Գաութ, Չաղրբեկ, Աբուտայիփ, Տօղրիլ-Բէկն, որ էառ զիշխանութիւն սուլտանութեանն, և հնգետասան ամ ընդարձակեալ զաշխարհն՝ բաժանեաց զամենայն երկիրն խորասանայ. և եկեալ յՌէ գտանէ երկուս շտեմարանս զանձուց լի ոսկով. և առնու ընդ ձեռամբ, և յղէ առ խալիֆայն և խնդրէ օրհնութիւն. և նա մեծարէ զնա արամբք պատուակաւ և տայ նմա ալամ և ընծայք, և կարգայ զանուն նորա ի մամբարն, և դնէ նմա մականուն Ռուքնադովլա¹. և յայնմ օրէ քա-

¹ Մամբար: ركن الدولة, տեղի բարձրագոյն, բեմ: Ռուքնա դովլա արհման իշխանութեան, կամ բախտի:

որոգեցաւ աշխարհակալ: Եւ փոխէ զնա Արփասլան հօրեղբօր-
որդի Տուղրիլին¹, որ ելից զամենայն աշխարհ արեամբ. և ունէր
որդիս ութ, որ և հասանէր յաթոռ Թագաւորութեանն Մէլիք
շահն, բարի և խաղաղարար. և զինի Մահմուտ սուլտանն: Եւ
յետ նորա աւագ եղբայրն Բաքարուխն՝ որ կոտորեաց զնա, և առ
զաթոռն ամս հինգ: Եւ յառնէ ի վերայ նորա Գուղուշն որդի
Ալփասլանին, զոր վիանդեալ Բակիրուխն եհար զզօր նորա, և
սպան զԳուղուշն: Եւ Մահմուտ սուլտանն Մահմուդի որդին
եհար զԲակիրուխն տղայ հասակաւ, և առ զսուլտանութիւնն
ամս երեքտասան, և զինի նորա Մահմուդն որդի նորին. ընդ որ
պատերազմեալ Սանջար սուլտանն կոտորէ զնա, և առնու զԱ-
բաղայ իշխանութիւնն, և զնէ զնա ի Բարաղայ. և զինի նորա
Գաւութ որդի նորա եկաց սուլտան՝ զոր սպանին Մահմուդն²: Եւ
ապա եկաց Տօղրիլն, և զինի Մասխուտն, և ապա որդին՝ Ասլան,
և զինի ուժոյն Տուղրիլն՝ որ կայր մինչ ի պատմադիրս. որում
պատիւ ի տեառնէ Աստուծոյ:

Նոյն այր ասէ և յազազս Թագաւորին Յովանիսի, եթէ
եղբայր նորա Աշոտ՝ ի յոտս Թալանայ՝ կեղծաւորեալ որպէս հի-
ւանդ մերձ ի մահ, կոչէ զԹագաւորն առ ինքն, փորելով ի սնա-
րիցն կուսէ որոգայթս. և այնու ըմբռնեալ՝ տայ ի ձեռս մեծ իշ-
խանին Ապիրատն կոչեցելոյ սպանանել զնա. և նա յօժար կամօք
յինքն առեալ տանի զնէ յաթոռ իւր յԱնի, ասելով. «Չիմրդ
ձգեցից զձեռս իմ յօժեալ Տեառն, և խելագար մի եղից ի տեղոջ
սորա: Չսմանէ ասէն յաննշանից մեծացեալ, և վասն խելացի և
առատ ձեռացն՝ մինչ լինել տէր երկոտասան հազար հեծելոց. որ
և շինեաց զսուրբ ուխտն կեչառուս, որպէս Վարհամ իշխանն՝
զՄարմաշէն»:

¹ Տողրուլ բնդ, 1038—1064: Ալի ասլան, 1064—1072: Մալեքշահ, 1072—
1092: Յետ որոյ չորեքին որդիք նորա՝ Բարբիարուք, 1092—1104, Մահմուտ, Սանջար,
+1157 եւ Մուհամէդ, 1105—1118: Գաւութ, 1131: Մասուդ, 1132: Տօղրուլ, 1134
—1152: Մասուդ, 1152: Արսլան, 1160—1175: Տողրուլ, 1175—1195:

² Մահմուդ, ասլան, որ եւ Հաշիմի ասլան, յորմէ եւ Assassins առ եւրո-
պացիս, իսմայէլացի մոլեռանդ աղանդաւորք: Չարարս նոցա տես ի Journ. Asiat.
1849, Janvier; Hammer, I; Pauthier, Marco-Polo, 97—106.

ՅԱՒԵԼՈՒՆՅՈՒԹ

ՈՐ ԻՆՉ ՅԱՂԱՅՈՒ ՄԱՆՄԵՏԻ ԵՆ ԲՆՆԵ ՍՈՒ ՄԱՅՆՆԱԳԻՐՍ ՄԵՐ:

ա. Վարդան վարդապետ, վենետիկ, 1862, եր. 64—68

Եւ էր թիւս մեր վաթսուց և եւթն:—Եւ զի յաջողեաց նոցա
խրատն Մահմետի՝ խնդրեն ի նմանէ օրէնս և նա զտեղի մեհե-
նից օձիցն, զոր պաշտէին՝ կոչեաց Ալփաուբա, որ է Գուռն
Աստուծոյ: Եւ կոչեաց զբնակութիւն քաղաքին իւրոյ Տուն Աբ-
րահամու: Եւ ի զօրանալ քրիստոնէութեան զկուռս Գամաս-
կոսի՝ զՌեմանայ, որ նա ինքն է Հեփեստոս կաղ՝ տարեալ ընկե-
ցին յանապատ, զոր գտեալ Տաճիկք տարան ի մեհեանս օձիցն,
և քուրմք օձիցն ոչ կամեցան անդ դնել. այլ հանեալ արտաքոյ՝
արարին տեղի միոյ ոտից ի վերայ վիմի և անդ եղին, զոր գու-
ղացան եթովպացի վաճառականք վասն ոսկւոյն, զոր ձուլեցին
Իսմայէլացիքն: Եւ եղև պատերազմ սաստիկ ի մէջ երկուց
ազգացն, մինչև մոռացան: Չայնմանէ՝ ասաց, թէ Աբրա-
համու ոտնահետն է, յորժամ եկն ի տեսանել զորդին իւր
զԻսմայէլ: Եւ քանզի յորս էր Իսմայէլ՝ հարցանէց զկինն ու-
րա, թէ «Ո՛ւր է այր քո», և նա ասէ. «Գնա՛ աղձատեալ ալե-
ւոր»: Եւ ասէ Աբրահամ. «Յորժամ գայ ի տուն՝ ասա ցայր քո
—փոխեա զղուռն տան քո»: Իսկ յորժամ եկն Իսմայէլ և էառ
զհոտ հօրն՝ եհարց զկինն և նա ասաց զոր լուաւն: Եւ իմացեալ
Իսմայէլի՝ եհան զկինն և այլ էառ մինչև ցեօթնեբորդ կինն, որ
մաղթեաց զԱբրահամ իջանել յիշէն և օճցէ զոտսն: Եւ իջոյց՝
ասէ, զմի ոտն, և եղ ի վերայ վիմին և տեղի ետ վէմն ոտիցն, և
զմի ոտն ոչ իջոյց ի դրաստէն, զի երդումն տուեալ էր Սաույի,
թէ՛ մի՛ իջաներ՝ երկուցեալ թէ լինի ընդ Հագարու: Չայս առա-
սպելեաց Մահմետ և հրամայեաց յամենայն կողմանց առնել անդ
երկրպագութիւն, և զվիմնն ասաց շուրջ գալ միտտանի և ասել—
լօյք լօյք, և որպէս թէ պատասխանի ումեք առնել—այ այ,

աւաս աւաս : Եւ անցեալ ի ձորն՝ անասուն սպանանեն, և ելեալ ի գրաստ փախչին մինչև ի բլուրն Մաքա : Եւ թէ ի փախչելն հանդերձ անկանի կամ զուլամբի — ոչ ոք իշխէ յետ հայել : Եւ ի մէջ երկուց վիմացն ընթանալով, զոր կոչեն Սափայ և Երմայ՝ վիմէ ի վէժ երթան եօթն անգամ անհանգիստ, և քարինս ձգեն և Մահմետ՝ ասեն, այսպէս արար և ուսոյց :

Եւ միտանի վազելն վասն ոտնահետին է, և ի ձորն անասուն կոտորելն և փախչելն՝ ասեն, թէ զոչ արար ամենայն դիւաց Մահմետ, զի տեսիլս ցուցցեն նմա, և երևեալ նմա դեք՝ փախեալ : Եւ յերկու վիմամիջին շրջելն և քար ձգելն լեալ են վէժն նոցա պաշտելիք նախ քան զկուռսն, — և ի պաշտելն Մահմետի ըստ սովորութեան՝ շուն կատաղի ել ընդդէմ նորա և նա ձգեաց նմա քարինս, և զնոյն հրամայեաց առնել : Եւ օձք և սուղունք, զի ոչ սպանանին՝ զի պաշտելիք լեալ են նոցա : Եւ շուն կոտորելն այն է որ ասեն, թէ ի մեռանելն Մահմետի չկամեցան թաղել՝ ակն ունելով, թէ յառնէ երեքօրեայ նման Տեառն մերոյ՝ և շունք կերան զերեսսն, և յորժամ իմացան՝ կոտորեցին զշունսն : Եւ յամէն տարի ի նոյն ամսեանն հրամայեցին զնոյն առնել : Եւ ուսոյց ասել՝ « մի է Լստուած և ոչ ոք է նմա ընկեր, և Մահմետ ծառայ նորա » : Եւ որ ասեն Հրէի միոյ բանիւ, թէ մարգարէքն խօսեցան որպէս վասն Քրիստոսի և վասն Մահմետայ՝ զայն ասեն, որ Լսայի տեսանէր երկու հեծեալս իշոյ և ուղտու : Յաւուր միում յանկարծակի դիւթութեամբ անյայտ եղև Մահմետ և յետ սակաւու երևեալ ասէ. « Խաղաղութիւն ընդ ձեզ և ողորմութիւն Լստուծոյ և շնորհք » : Եւ նոցա զարմացեալ ասեն. « Ուստի՞ գաս և զի՞նչ է նոր ողջոյնդ և զի՞ր Լստուծոյ շնորհք բերեր մեզ », և նա ասէ. « Իշառ զիս Լստուած ի Մաքա ի տուն հօր իմոյ և ձեր՝ Լբրահամու, և պատմեաց զկամս իւր, և ի վաղիւն առաքելոյ է մեզ զօրէնս » : Եւ առեալ երինջ մի ծնեալ ի տեղի ժողովոյն, մեկնեաց յորթոյն և գրեաց զոր ինչ կամէր, և յեղջիւրս նորա կապէր, և ի ձեռն հաւատարմաց առաքեաց յանապատ, և ի վաղիւն հրամայեաց արձակել : Եւ ինքն հաւաքեալ զամբօխն՝ մնայր, և եկն կողմ բջիւղով և քրտալով, և հերձեալ զամբօխն՝ խնդրէր զորթն : Եւ հրամայեաց ունել զնա, և առեալ

զթուղթն՝ համբուրեաց և ասաց՝ Լստուծոյ եկեալ. վասն որոյ մինչև ցայսօր գրեալ են ի սկիզբն կուրանին՝ Սուրաթ ալբակարայ, որ է « կովու օրէնք ¹ » : Եւ հրամայէ հինգ անգամ կատարել աղօթքս լուացմամբ : Եւ փոխանակ փողոցն Խարայելի ի բարձուէ կանչել վկայ առեալ, թէ « Ել ի վերայ լերինդ Սիոնի՝ աւետարանիչդ » : Եւ Սուրին ² կոչեն զձայնողն, որ է « հաւատադիր », և զմատն յականջն ածել, ասեն թէ որ կամաւ և որ ակամայ լսէ ականջովն : Եւ զՔրիստոս Բան Լստուծոյ և Հոգի կոչեաց : Եւ սքանչելիք զոր ասեն թէ առնէր — զուսինն բերեալ ի վայր՝ ասեն, չորս կտոր առնէր և դարձեալ բոլորեալ՝ յերկինս առաքէր : Բայց նախ Քաղթ ի իշխան Խամայելի, և սպա գտեալ զՄահմետ՝ հաւանի նմա յամենայն բանս :

Եւ յորժամ զօրացան նոքա, երկուցեալ Լորուսաղէմացոց՝ զխաչն տէրունի և զամենայն սպասս եկեղեցեացն հանեալ ի նաւ՝ տարան ի կոստանդնուպօլիս և ինքեանք հնազանդեցան Խամայելի, զի կայսրն այլ ոչ կարաց զօր գումարել ի վերայ նոցա : Եւ նոքա բաժանեալ յերկու մասունս, մին յաբիպոս և մին ի Յոյնս և միւսն ի Հայս. և եղև ամենեցուն յաղթել : Եւ որք ելին ի Հայս ընդ Լստրեստան, հասեալ ի Գուլին՝ առին զնա և սպանին որոց ոչ գոյր թիւ, և գերեցին երեսուն հինգ հազար անձինս ի ժամանակս իշխանութեան Թէոդորոսի Ռշտունայ, որ զկնի Գաւթի : Եւ բիւր մի ի նոցանէ հարին զՊոսկոպոս զօրագլուխն Յունաց, որ նստէր ի սահմանս Հայոց վեց բիւրիւ :

Յորում աւուր մեռաւ Լոր և յաջորդեաց զաթոռն Կերսէս եպիսկոպոս Տայոց զկնի տասն ամին Լորի. բայց յափշտակութիւն եղեալ վասն անհնարին կոտորելոցն՝ խորհեցաւ փախչել իբր ոչ բաւական մեծի աստիճանին : Եւ աղաչեցեալ ի բազմաց՝ դադարէ, և հաւաքեալ զբազմութիւն դիականցն՝ թաղէր, և ի նմին տեղոջ շինէր զհրդեհեալ վկայարան սրբոյն Սարգսի : Եւ ինչ

¹ سورت القوس, պատճեն կամ յազգաս կովու, խորագիր երկրորդ պատճենի կամ գլխոյ կուրանին : ծան. Միսիթ.
² Ուղղագոյն مؤذن, մուզին կամ մուկզզին, որ է ձայնող ի բարձանց աշտարակի կամ մինարէի :

տաճար սրբութեան և ի վերայ վերապին, և արկանէ հիմն տաճարի մեծի յանուն սրբոյն Գրիգորի յառապարի, և զնէ ի ներքոյ սեանցն չորից զհասարակ նշխարս սրբոյն Գրիգորի Լուսաւորչի. և զգլուխն ի գրորցի եղեալ պահէ ի պէտս բժշկութեան ախտաժետաց: Լնդ զնեն և զնշխարս սրբոյն Յիզաբուզտայ և զՊաւթի վկային: Եւ զսուրբ Գրիգորի նշխարն ասեն բերեալ ի Հայս Գրիգորոյ Մամիկոնոյ ի գնալն նորա դեսպան ի Կոստանդնուպօլիս՝ տուեալ ցնա կին ոմն յաւագաց, որ ունէր առ իւր: Եւ նորա գաղտ հանեալ ի ծով և անցեալ գայ բերէ անդիտելի քաղաքին զգանձն անանց մեծութեան: Եւ զծնօտն տայ Լորանից ի խնդրոյ Զուանշիրի և քեռ իւրոյ, որ էր կին Գրիգորի:

Յայնմ ժամանակի կայսրն Կոստանդին դաւեալ ի մօրուէն Մարտինեայ՝ սպանանի, կացուցեալ զորդի իւր Հերակլակ. և Վաղենտին զօրավարն սպանեալ զՄարտին և զՀերակլակ, թագաւորեցուցանէ զԿոստանդ որդի Կոստանդեայ: Եւ զի ապստամբեալ էր Վարագտիրոց՝ աղաչէ վասն նորա հայրապետն Ներսէս, և զնէ զնա կուրապաղատ Հայոց, որ և յառնուլ զնշխանութիւն՝ մեռաւ և թաղեցաւ ի Պարօնս առ հօր իւրում քաջին Սմբատայ: Եւ զնեն զՍմբատ ի պատիւ հօրն. և թէոզորոս Ռշտունի էր զօրավար:

Բայց Մահմետ կալեալ քսան ամ զնշխանութիւնն՝ սատակի: Եւ զկնի նորա առին զնշխանութիւն Ռամար (Օթման?) և Լամր և Լբուբաքր:

Եւ սպանին զՅազկերտ՝ թոռն Խոսրովու, և բարձին զԹագաւորութիւն պարսից, որ և տեւաց ամս չորս հարիւր ութսուն և մի. և զկնի նոցա առ զնշխանութիւն Մաւի: Եւ Լ Կոստանդիանոս՝ թոռն Հերակլեայ, ընկենու զթէոզորոս յնշխանութենէ և հրամայէ զօրավարին Կիլիկիոյ ելանել ընդդէմ Մաւեայ: Եւ Վարդ որդի թէոզորոսի նենգ գործեաց զօրացն Յունաց՝ կտրելով զխելս կամրջացն ի վերայ Լափրատու ի փախչելն Յունաց:

Եւ կացոյց Մաւի իշխան Հայոց զԳրիգոր Մամիկոնեան. և եղ հարկս Հայոց հինգ հարիւր դահեկան:

բ. Մամուէլ Լնեցի, զրչագիր.

Յայսոսիկ աւուրս յայտնութիւն սուտ մարգարէին Սառակի նոսաց, աղանդելոյն ի Կերինթոսէ և յարիանոսաց, որոյ անուն Մահմետ անուանիւր, յազգէ Իսմայէլի, որդւոյ Հագարու, որ աշակերտեցաւ ի միայնակեցէ միոյ որոյ անուն Բիսրայ կոչուր, արիանոս աղանդով, ի յանապատին Սինայ, զոր զետեղեալ բազմացան ի հալածել Սաուայի զԼգար զաղախինն յերեսաց իւր: Եւր՝ յաւուրս Կոստանդի որդւոյ Հերակլեայ, առաւ Պուին ի Տաճկաց, ասէ պատմագիրն. և սպանին յաւուր յայտնութեանն ի սուրբ վկայարանի սրբոյն Սարգսի բժան հագար, և արեամբ կոտորելոցն ծածկեցաւ սուրբ սեղանն և աւաղանն. և զայլն գերեցին աւելի քան զլէս: Եւ պա ժողովեաց հայրապետն Ներսէս զգիակունս անկելոցն ի պատերազմին ի նմին վկայարանի, զոր նորոգապէս շինեաց ի վերայ նոցա: Եւ ստանաւր նստի գլուխ ազգին Իսմայէլի նախ՝ Քաղարթ անուն, զոր և գիրն աստուածային պատմէ, թէ՛ քաղարթաշուրթն ժողովուրդն յագեցուցեն զսուր իւրեանց յարենէ: Սա կեցեալ ամս ը վախճանի: Յետ որոյ Լամրան՝ ամս ժբ: Բայց հասեալ Քրդըրթ ի Պամասկոս Միջագետաց և մինչև ի քաղաքն Լամիթ, խանձեալ բազում աւարաւ: Եւ պա երիս սպայս, մի ի Հոմարձակէ, Յազ անուն, և խրատու Յովել, որք կոտորեցին ի հոռոմոց հագար: Եւ ի պարսից կողմն արձակէ զԼաման ամիրա և զՄաւիէ զաւրավարն: Նոքա հարին զՄիրզատ ի սաւ, և զՄուշեղ սպարապետն Հայոց իւրով սպայիւն, և տիրեցին բոլոր աշխարհիս Հայոց, Պարսից և Եսորոց: Եւ զիպտացւոց, Մարաց և Պարթևաց և Պաղեստինացւոց: Բայց պատճառ ելոցն նոցա այս է: Եւ ի իշխան ոմն կողմանցն Պամասկոսի Սարգիս անուն. նա բազում ինչ յափշտակէր յիսմայելացւոց վաճառականացն, զոր երիցս աղերսիւ խնդրեալ Քրդըրթի, և նորա ոչ թողացուցեալ: Եւ պա ժողովեալ զիւրոյ ազգին զայր և զձի և երիցս ասպատակեալ, առին զիւրեանցն և զնոցայն: Եւ յոր

1 Ըստ ստուգարանութեան ոմանց, անունս Սառակինոս ելեալ է ի شرفی բառէն Տաճկաց, որ է՝ արեւելեան, որպէս և ի شرفی բառէն, որ է՝ արեւմտեան, ծագեալ է անուն Տաճկացն յՍփրիկէ:

ժամ դաւրացաւ ի վերայ Հայոց (?), ապա սկսաւ շրջել զհաւատս նոցա. և նոքա ոչ հաւանէին: Իսկ իշխանին Իսմայէլի գտեալ խորհրդակից զոմն՝ Մահմետ անուն, գլուխ վաճառականացն եգիպտացի, որ տեղեակ էր նուազ աւրինացն Մովսիսի: Բայց հաստատեալ էր աղանդոմն Մարիսի և Կերինթոսի, այն որ մարմնաւորապէս ասաց զարքայութիւնն ի վերայ երկրի, կերակուր պորտոյ և ամուսնութիւն յետ յարութեանն: Ուսոյց և աւրէնս հակառակ հնոյ և նորոյ աւրինադրութեանց իմանալ զանարժանս և խաւսելով զանողղայս. յոյժ ձաղանաւք խայտառակեաց զուխտադրութիւն Մարահամու, որպէս և գրեալ է՝ Թլփատեսցի ձեր ամենայն արու յաւուր թ' երորդի: Իսկ սա ոչ միայն զարս, այլ և զկանայս անգամ, որով գարշելի այպանեաց զնշանակ ուխտի Տեառն: Այլ և ջրով լոկով ողողանիլ հանապազ փոխանակ մկրտութեան աւազանին, և այլ ևս յորով անարժան և մոլեկան աւանդութիւնս և ծիծաղելիս: Օսա ստացեալ աւրէնսդիր պատգամաբեր և զաւրալար՝ ամն ի. և կոտորեցին զՎրացոյն, զՎրացոյն և զՏարաւն: Այլ Մահմետս այս արգել զսուրն, և բանիւ խրատու նորա հնազանդեցուցին ինքեանց զմեծ մասն տիեզերաց: Այլ անմոռաց երգմամբ կնքեաց մուրհակ Հայոց աշխարհիս՝ համարձակ ունել զբրիտանիութիւնն, և վաճառեաց նոցա զհաւատս նոցա, յամենայն տանէ առեալ՝ զզրամ և զմոգ խորբալ և ձիատաւարակ մի և պարան մի մազէ և ձեռնարար մի: Իսկ ի քահանայից և յազատաց և ի հեծելոց ոչ հրամայեաց առնուլ զհարկն: Այլ ի տիրելն աշխարհաց կոչեցան ամիրիմուսնիք: Որ յետ ի ամին Մուահմէդայ տիրեցին Մուսուլման, Աբման և Ամր՝ ամն լը:

Գ. Կիրակոս Ղանձակեցի, Մոսկվա, 1858, եր. 32—34:

Իսկ իբրև լցաւ ի ծննդեանն Քրիստոսի ամբ ո՛ժը, և Հայոց թուականին կէ, յայտնեցաւ ոմն սուտ մարգարէ հեթանոսաց, աղանդեալ ի Կերինթոսէ և Մարիանոսաց, Մահմետ անուն, խմայէլացի ազգաւ, յորդուցն Հագարու: Սա մինչդեռ վաճառակաւ նութեան աղագաւ երթայր Արփայտոս, հանդիպեցաւ միայնակե-

ցի միոջ, որում անուն էր Սերգիս Բիսիրայ՝ Մարիանոս աղանդով, յանապատին Սինայ: Սա ուսոյց Մահմետի զուտ աստուածածանութիւնն, գովեաց նմա զհին օրէնսն՝ զուսեալն ի Մովսիսէ, և ասաց. եթէ լուիցես բանից իմոց, լինիս առաջնորդ և օրէնսդիր ի վերայ ազգին քո: Այլ գնացեալ Մահմետի զճանապարհս իւր՝ յանկարծակի եմուտ ի նա ոգի պիղծ, և անկեալ փրփրեցաւ: Այլ ընկերաց նորա տեսեալ զայն կացին առ նմա մինչև սակաւ մի ուշաբերեցաւ. և ապա յարուցին զնա. հարցեալ զպատճառս այնպիսի մոլեգնութեանն, ասէր ի հրեշտակէ սրբոյ լինել զայն, և յղել զնա պատգամաւոր յազգն իւր. և երթեալ ի քաղաք իւր՝ սկսաւ քարոզել, զոր ուսոյց նմա սուտ քրիստոնեայն: Այն նմա հօրեղբարք զխաւորք. նոքա հալածեցին զնա, սպառնացեալք մահու չափ, եթէ այլ այնպիսի բանս ինչ լսիցեն ի նմանէ. և նա երթեալ ի տուն իւր՝ նստէր տրտում: Այլ մտեալ Այլի, որ էր նորա հօրեղբորորդի և փեսայ, և հարցեալ զպատճառս տրտմութեան, և նա ասացեալ՝ Թէ վասն զի զՍտուած քարոզեցի նոցա, սպառնացան մահու ինձ. և ասէ Այլի. եկ երթիցուք և դարձեալ քարոզեսցուք. եթէ ընդդէմ դառնան մեզ, սպանցուք զնոսա սրով. զի այր զօրաւոր էր Այլի, և արք զօրաւորք՝ որ ընդ նմա: Այլ իբրև սկսան քարոզել եղև խռովութիւն յոյժ և պատերազմ. և պարտեցաւ կողմն Մահմետի. և փախեալ գնացին ի փոքր Մաղիամ, ուր էին ժողովեալ Հրեայք երկոտասան հազար, զոր հալածեալ էր Կոստանդնի կայսեր. և առեալ զնոսա Մահմետի, չողաւ ի վերայ այնոցիկ՝ որ հալածեցին զնա. և կոտորեաց զնոսա: Իբրև տեսին Հրեայքն զյաջողուած գործոյն, կացուցին զնա իւրեանց առաջնորդ. յարեցան ի նոսա և այլ Մաղիանացիք, և Քաղըրթ առաջնորդ. և եղեն բանակ մեծ, չողան ի վերայ Պաղեստինի, հարին զզօրսն Հուռոմոց, որք յափշտակէին զինչս վաճառականաց նոցա. և իբրև տեսին զյաղթութիւնն, չողան ի վերայ տէրութեանն պարսից, սպանին զԱղկերտ թագաւոր պարսից, և դադարեաց թագաւորութիւնն պարսից: Օսայու ժամանակաւ խաւարեցաւ կէս արեգականն. Արեգ՝ աշնան ամիս, մինչև ի Քաղոց՝ ամարան ամիս: Այս արձակեցին զօրս ընդ երիս կողմանս մի ի Հուռոմ՝ Յազ անուն և խրատատու Յովէլ, որք կոտու-

րեցին ի Հոռոմոց ղեօթանասուն հազար : Եւ ի պարսից կողմն արձակեցին զՕթման ամիրայ և զՄաւրիէ զօրավար , նորա հարին զՄիրզատ քսան հազարաւ , և զՄուշեղ սպարապետն Հալոց իւրով սպայիւն , և տիրեցին բոլոր աշխարհիս Հայոց , Պարսից և Մսորուոց , Լազիպտացուոց , Մարաց և Պարթևաց , և սկսան շրջել զհաւատս նոցա , և նորա ոչ հաւանեցան : Իսկ Մադիւ անաղիքն և հաւանեալքն նոցա խնդրեցին օրէնս ի Մահմետէ , և նա ետ նոցա օրէնս՝ յոյժ խայտառականօք . ասաց մարմնաւոր լինել զարքայութիւնն ի վերայ երկրի , կերակուր պորտոյ , և ամուսնութիւն յետ արքայութեանն . և կանանց կոյս մնացելոց հանապաղ խառնակութիւն . ուսոյց և օրէնս հակառակ հնոց և նորոց օրինադրութեանց , իմանալ զանարժանս , և խօսող զանուղղայս խայտառակաց , մեծապէս ձաղանօք զուխտադրութիւնն Մստուծոյ՝ որ առ Մբրահամ , զի գրեալ է . Թլփատեսցի ձեր ամենայն արու ութօրեայ : Իսկ սա օրինադրեաց , յորժամ կամեսցի թլփատել , յորում հասակի և իցէ , ոչ միայն զարս , այլ և զկանայս անդամ , և փոխանակ լուսաւոր միրտութեանն՝ զոր ասաց տէր մեր Յիսուս Քրիստոս , եթէ որ ոչ ծնցի ի ջրոյ և ի հոգւոյ , ոչ մտանիցէ յարքայութիւն Մստուծոյ . սա ասաց հանապաղ դործել զչարիս և ջրով լոկով ողորանիլ և սրբիլ , և այլ բազում անարժանս և մոլեկան աւանդութիւնս և ծիծաղելիս : Սա եղև օրէնսդիր պատգամաբեր ամս հինգ , և կոտորեցին զՏղմուսիս , զՄիլիտիս և զՏարօն : Եւ Մահմետ արգել զսուրն , և բանիւ խրատու նորա հնազանդեցուցին զմեծ մասն տիեզերաց , և անմոռաց երգմամբ կնքեաց մուրհակ Հայոց աշխարհիս համարձակութեամբ ունել զբրիտոնէութիւն , և վաճառեաց նոցա զհաւատս նոցա՝ յամենայն տանէ առեալ չորս դրամ և երեք մոթ խորբալ՝ որ է ցորեան , և ձիոյ տօպրակ մի և պարան մի մաղէ և ձեթ նարար մի : Իսկ ի քահանայից և յազատաց և ի հեծելոց ոչ հրամայեաց առնուլ զհարկն , և ի տիրելն աշխարհաց՝ կոչեցան Մմիրմուսնիք : Եւ յետ ի ամին Մահմետի կալան զիշխանութիւնն Իսմայէլի , Մպուբաբբ , Օթման և Մմր՝ ամս երեսուն և ութ :

դ . Մովսէս կաղանկատուացի , Փարիզ , 1860 . Պ . եր . 5—9 .

Օրը ընկալաք ի հոգեզուարձ վարդապետաց մակերևումն ապառնեաց՝ արտածել ուսցուք , յիշելով զնահապետական բանն առ Իսմայէլ մարգարէացեալ . « Եթէ ձեռք դորա յամենեսին , և եղիցի յազդ մեծ » :

Ընդ նաւազիլ թագաւորութեանն պարսից Սասանական ազգին ի վեր երևեցաւ այր մի Մահմետ անուն , ի սուտ մարգարէիցն , զոր ի Փրիչէն լուար , դիւահոգուով , վայրագ աղեղ նաւոր , որ յանապատս կայր : Եւ ի միում աւուր կերպարանեալ սատանայ ի ձև էրէնոյ վայրեոյ դիպեցուցանէ զնա Մրիոսի կեղծիւն միայնակեցի ումեմն՝ անուն՝ Բախիրա . և չարն չիք եղեալ ի տեղուջն . առ որ լիալիժ աղեղն ի Մահմետէ գեղապարիւր : Իսկ նորա սաստիկ ձայնեալ ասէ . « Մի մեղանչեր՝ որդեակ , զի իբրև զքեզ մարդ եմ » . ասէ առ նա Մահմետն . « Օ՛ի մարդ ես , վասն է՛ր կաս ի քարանձաւ » : Յայնժամ կոչեցեալ առ ինքն զնա՝ սկսաւ ուսուցանել ի Հին և ի Նոր կտակարանաց ըստ Մրիոսի , որ արարած զՈրդին Մստուծոյ ասաց : Եւ նա , զոր ինչ ի նմանէ լինէր ուսեալ ի պիղծ վարդապետէն , հրամայէր նմա զնոյն խուժադուժ Տաճկացն պատմել . և բողոքէր առ նա զի մի՛ որ գիտասցէ զնորա տեղին : Իսկ անիմաստ հեթանոսամիտ և մարդահատոյ ազգն այն՝ ի զարմանս եղեալ սակա հրաշարանութեանն , ասենց Մահմետ . « Ուստի՛ է քեզ զայդ գիտել » . և Մահմետն հայթայթեալ զանձանօթն իւր ազգ՝ ասէ . — « Հրեշտակ խօսի ընդ իս՝ որպէս ընդ մի որ յաստուածախօս առաջին մարգարէիցն » : — Եւ նոցա զաղտնի լրտեսս կացուցեալ առ ի գիտել , թէ ով պատմէ նմա զայն , կամ ուստի գիտէ նա զայն ամենայն : Իսկ զայս իմացեալ Մահմետի զգաւածանսն , ծածկաբար զչար վարդապետն իւր սպանեալ ընդաւաղեաց . և ի նմին տեղուջ նստեալ ինքն ասէ յլրտեսս . « Յայսմ տեղուջ հրեշտակ ինձ երևեալ՝ մեծամեծ սքանչելիս պատմէ » : Եւ նոցա տեսեալ զնա միայն՝ եկին պատմեցին վրիպական մոլորամիտ ազգի Տաճկաց . և նոցա մեծախուժք արարեալ ժողով՝ զիմեցին յանջրդի դիւական յանապատն և մեծագոյն պատուով զգիւանշուցն այն Մահմետն ածին յիւրեանց

մէջն: Եւ փրկչական բանն անդանօր կատարիւր, յառնել սուտ մարգարէի, զոր դիւսպատիր Մահմէտն սկսաւ առնել մարգարէութիւն և ասէ. «Եթէ դուք անսայք իմոյ մարգարէութեանս և քարոզութեանս և առնէք զայնս՝ մեծ իշխանութիւն ազգիս մերոյ հասանէ, որպէս Հռոմոց զիրն ասէ, թէ մեզ իշխանութիւն վասն հաւատոյս մերոյ տուաւ յԱստուծոյ: Եւ զոր իւրեանց աւտորուշանաց և զոհից էին տեղիք՝ Գմբէթ Եբրահամու անուանեաց և տեղի աստուածակօխ, և անդ հրամայեաց կոտորած առնել, և զօրն զայն Եբրահամու անուանեաց: Հրաման ետ չորեք կուսի ի զոհանոցն աղօթել, քար արձան տայր կանգնել և համբուրել յանուն Եբրահամու: Եւ առ նա երանելի մարգարէն առնէր զմարգարէութիւնն, «Եթէ՝ թողցէ այր զկին իւր, և լինիցի առն այլում. եթէ դառնայցէ առ այր իւր, ոչ ապաքէն պղծելով պղծեսցի կինն այն»: Օպս իսկ կատարեաց Մահմէտն, զի Տալբ ոմն Տաճիկ ունէր կին գեղեցիկ. վասն որոյ յղեաց պատգամ առ նա, եթէ Եստուած հրամայեաց թողուլ զկին քո: Իսկ Տալբն այն ածեալ զկինն իւր ի մէջ հրապարակին՝ երդմամբ կացուցեալ վկայս, եհան արձակեաց յիւրմէ, և Մահմէտ առ ինքն առեալ զկինն՝ ելից զբախտոց ախտին իւրոյ զտուփանս: Եւ յետ այնորիկ դարձեալ ասէ յՏալբն. «Եստուած հրամայեաց առնուլ զկին քո առ քեզ»: Եւ սոս օրէնք տաղակի յազդ նոցա եմուտ. եթէ զկին թողեալ ի կնութենէ, ապա առ այլում եդեալ ի քուն, առ ինքն առնու: Եւ այնպէս է անօրէն նոցա օրէնսդրութիւն, որ մինչ յահմէտ անունն Եստուծոյ երդնուն՝ ստեն, և մինչ յառականս կանանց երդնուն, անսուտ պահեն: Եւ այլ ինչ բազում աղտեղութիւն աւանդեաց ազգին այնմիկ, որք են կարապետք և զօրք նեւինն և լինելոց են երկրպագութեանս և մարտակիցք նորա լինին: Եւ նոսա ասէ օրհնեալն Պողոս՝ «մարգարապականեալք մեզօք, անպիտանք ի հաւատոս, որոց անմտութիւնն յայտնի լիցի յառուր մեծի դատաստանին աստուծոյ»: Եւ այլում՝ «լալով իսկ ասեմ զթշնամեաց խաչին Քրիստոսի, որոց կատարածն կորուստ է»:

Ի լնուլ վաթսուն և հինգ թուին Հայոց՝ երևեցաւ մոլարն Մահմէտ ի Մեդին շահաստանի. և իբրև եղև եօթանասուն

թիւն եկն ի Գմբէթն Եբրահամու, և անտի ել յայն շահաստան, որ այժմ կոչի յիւր անուն՝ Մահմետայ, յամնեանն սափար: Եղև անդ ամ մի, և զողջոյն ամն ի շահաստանէն ասպատակ արար. և յամնեանն շահր ռարիլ ալալ² սկսեալ թափեաց զԳմբէթն Եբրահամու, ի ռամազան³ ամսոյ ժԹ. այն ութերորդ ամէր նորա իշխանութեանն: Եւ ալ⁴ ամսոյ ժե կռուեցաւ ընդ Նեփ պարսկի. յաղկաթ⁵ ամսոյն ի հասարակել տունջեան և զիշերոյ եկն ի Մաքայ և անտի դարձեալ յիւր շահաստանն, մինչդեռ վեց օր կայր ի Գուղչեջայ⁶ ամսոյ ի նմին ամի. եթող ամիւրայ ի Մաքայ զՄէդ՝ Եբուսիդայ որդին: Եւ դարձան նորա ընկերքն ի Մաքա: Եբուսէքը՝ Եբուսափայ որդին, աւագ էր յընկերացն. և այն ինն տարի էր Մահմետայ իշխանութեանն: Ի տասներորդ ամին մեռաւ յառուր երկուշաբթի յամնեանն շահարի աղաւաղի⁷ յերկուցն, կալեալ զիշխանութիւնն ամն տասն: Եւ երեքտասան ամ զմոլորականն իւր քարոզութեան գաղտնի հաստատեաց հաւատ: Քառասուն ամ ունէր մինչ երևեցաւ, և ի վաթսուն և յերրորդ ամին մեռաւ:

Երկրորդ իշխանութեանն Տաճկաց զկնի Մահմետայ նստաւ Եբուսէքը Եբի կահփեան, և կալաւ ամն ինն: Օմար Իխատաբեան եօթն ամ, զնա սպանին: Ութման իբն Քան ամն տասն և մեկ, ապա արգելին զիշխանութիւնն Ութմանայ. և Ութման ետ իշխանութիւն Եբղլաչի պատիւ՝ քրքմել զհերս և զմորուս: Մաւիկ ամն ինն: Եղիդ իբն Մաւիկ ամն ութ: Եբղլմալիք իբն Մրուան ամն տասն և մեկ. ի սորա առուրս էր Հաջէջ իբն Ու-

1 Սափար, صفر, երկրորդ ամիս Տաճկաց:
 2 ربيع الاول (շահր, լուսնական ամիս), ربيع الاول, ռարի ալալվալ, այսինքն՝ առաջին Ռարի, որ է երրորդ ամիս Տաճկաց:
 3 Ռամազան, رمضان, իններորդ ամիս Տաճկաց:
 4 Շալալ, شوال, տասներորդ ամիս:
 5 Ուլ յաղկատ, այլ Գուլբադէ կամ Զուլբադէ, ذوالقعدة, մետասաներորդ ամիս:
 6 Զուլչեջայ, ذوالحجة, այսինքն՝ ամիս ուխտագնացութեան, երկուսասներորդ ամիս Տաճկաց:
 7 Տես ծան. 2.

տուհի: Վլիթ՝ Աբղլմեղիքայ որդին, ամս ինն: Սուլէյման իբն Աբղլմեղիք ամս տասն և չորս: Օմար, Աբղլաղիզայ որդի՝ ամս տասն: Աղիդ իբն Աբղլմեղիք ամս վեց: Հէշմ իբն Աբղլմեղիք ամս քսան: Վլիթ իբն Աղիդ ամ մի. զնա սպանին և շփոթուին եղև Տաճկաց: Մրուան, Մահմետայ որդի՝ ամս չորս սա սպան զԿուրիշիկս գլխաւորս Տաճկաց արս վաթսուն՝ զսպանողս Վլիթայ-ամիրային՝ առաջի իւր ակնարկեալ սպանողացն: Լա եկն Աբլ Աբաս ի Մարաց օգնականութեամբ և զօրօք Աբու Մսլիմայ Խորասանայ իշխանին և սպան զՄրուան և կալաւ զիշխանութիւնն ամս եօթն: Լա Աբլ Աբաս Աբղալլահ Մահմադայ որդի՝ Աղայի որդի, Աբղլլահի որդի, Աբբասայ որդի, Աբղլ Սուտաղիբայ որդի, որք այժմ ազգաւ կոչին Հեշամիկք. և սպան նա գաղտուկ զԱբու Մսլիմ, յորժամ եհաս յիշխանութիւնն. և յետ նորա սպանմանն և ինքն վախճանեցաւ: Աբու Զափր, որ կոչեցաւ Աբղալլահ, նորին եղբայր, ամս քսան և երկու. սա մեռաւ ի Գամբէթն Աբրահամու: Մահդի, որ կոչի Մահմատ, որդի Աբղալլահի ամս ինն: Սուսէ ամ մի: Հարուն՝ Մահդիայ որդին, զոր Մահիունն կոչեն, ամս քսան և հինգ. սա նեղութիւն անջափ հասոյց աշխարհի և վասն այնր բազում գաւառք Հայոց փախեան ի Հոռոմն: Մահմետ՝ որդի Հարունայ, ամս երեք: Հարուն՝ մինչ կենդանի էր, բաժանեաց զիշխանութիւնն երկուց որդուց իւրոց՝ Մահմետայ և Մայմունայ. և ըստ երիցութեանն ունիլ Մահմետայ զիշխանութիւնն ի Ռաղղատ և ի Խորասան. և Մայմունն ընդ հակառակս նմա եղեալ պատերազմաւ՝ մեռանի Մահմատ. և Աբղալլահ, որ և Մայմունն կոչէր, իշխեաց ամենայնի ամս . . . : Իբրահիմ, ամս տասն: Հարուն՝ քսան և երրորդ նստաւ ի Մահմետայ Ամիր Սուլիմն. և հայ թուականն էր երկու հարիւր եւթանասուն ամ:

Է. Թուլմա Արծրունի. Կ. Պոլիս, 1852. եր. 108—115.

Ընդ ժամանակս Հայրակղի Կայսեր հոռոմոց էր հասեալ ի վախճան թագաւորութիւնն պարսից: Լա յայնմ ժամանակի երթեալ ժողովէին ի քաղաքն Ադեսացւոց արք երկուտասան հազար

յամենայն ցեղիցն Խարայէլի, զի տեսին եթէ մեկնեցաւ զօրն պարսից, և թողին ի բաց զքաղաքն. նոքա երթեալ մտին անդ, փակեցին զբրոււնսն և ամրացան ի նմա. և սկսան ապստամբել ի հռովմայեցւոց տէրութենէն:

Իսկ թագաւորն Հայրակղէս հրաման ետ պաշարել զնոսա. զոր Թէոդորոս եղբայր թագաւորին և բազմութիւն զօրացն կամեցան սատակել զնոսա: Իսկ թագաւորն հրաման ետ երթալ զնալ ի սահմանաց իւրոց. և նոցա կալեալ զճանապարհն անապատի՝ զնացին ի Տաճկաստան առ որդիսն Խամայէլի ի քաղաքն որ կոչի Մահիամ. զոր աւերեացն Խարայէլ յեւանելն իւրում Աղգիպոստէ, և ընդ պատերազմելն ընդ Ռաղղայ արքայի Սովաբայ: Լա քանզի իշխանութիւնն պարսից յոյժ լքեալ էր, և աներկիւղ շինեցին զքաղաքն Մահիամ, և բնակեցան ի նմա:

Յղէին պատգամս առ որդիսն Խամայէլի, և ցուցանէին զմտերիմ հարազատութիւն. և թէ որդիք Աբրահամու եմք, մեք և դուք եղբարք. պարտ է ձեզ զալ յօգնականութիւն մեզ, և առցուք զերկիր ժառանգութեան մերոյ: Իսկ նոքա թէպէտ և հաւանէին՝ այլ էր և հակառակութիւն մեծ ի մէջ նոցա. քանզի որոշեալ էին պաշտամամբ կոոց, ըստ իւրաբանչիւր կամաց:

Յայնմ ժամանակի էին եղբարք բռնակալք ոմանք ի կողմանս ապառաժ Արաբիոյ ի տեղուջն Փառան, որ այժմ կոչի Մաբայ: Արք պատերազմողք զօրագլուխք, պաշտօնատարք մեհենին ամօլնացւոց պատկերին, որ կոչի Սամամ և Քաբար: Ինչպ եղև միում ի նոցանէ մեռանիլ որում կոչէին Աբղլայ. և որդի նորա մնացեալ մատաղ հասակաւ որում Մահմէտ կոչէին. զոր առեալ անուցանէր հօր եղբայր իւր Ապուտալը, մինչև ցարբունս հասակի, և ի չափ ինչ հասեալ բնակեցաւ առ ումեմն մեծատան ի նոցունց ազգականից, հարկանէր նմա սպասաւորութիւնս միամիտս, արածէր ուղտս, և լինէր հրամանատար տանն նորա: Լա իբրև անցին աւուրք ինչ, վախճանեցաւ տանուտէր տանն: Տեսեալ կնոջն զՄահմէտ այր հաւատարիմ և ուշմազոյն յամենայն իրս աշխարհականս, եղև նմա կին. և ետ ի ձեռն նորա զամենայն հոգս տան և ընչից. և եղև այր թանգար արուեստիւ և հմուտ վաճառականութեան. հարկանէր ճանապարհս հեռաւորս ի գործ վա.

և ի ձեռս նոցա էր բազում ժամանակս. և եթէ վասն չարութեան գործոց նոցա տաղտկացաւ Աստուած և ետ ի ձեռս ձեր, բաւական լիցի ձեզ այդչափ որչափ կալէքդ, և արդ մեք զաւակ Աբրահամու եմք. և զիտէք դուք զխոստումնն որ առ Իսմայէլ հայրն մեր. տուք ի մեզ զերկիրդ մեր խաղաղութեամբ. ապա թէ ոչ առցուք պատերազմաւ ոչ միայն զայդ, այլ և զայլ ևս բազումս: Եւ նորա կամեցեալ ցուցանել թագաւորին, ի սոյն աւուրս վախճանեցաւ Հայրակղէս. իսկ որդի նորա Արստանդին, ոչ ունէր յանձին ըստ կամաց նորա պատասխանի. այլ հրամայէր միայն զգուշանալ, և ոչ ելանել պատերազմաւ ընդ դէմ նոցա, մինչև տեսցէ զելս իրացն. և բանակն Իսմայէլի հզօրագոյնս ստիպէր ի պատերազմ. և նոքա կամեցեալ անձնապահ լինել աշխարհին, զնային ընդ դէմ նոցա. թողեալ զերկիւարս իւրեանց, ի հետիոտս ելին ընդ դէմ նոցա: Իսկ նոքա քանզի ի հանդստեանն էին զիւմեցին ի վերայ նոցա, և նոցա պարտասեալք ի ծանրութենէ զինուցն, և ի ջերմութենէ տապոյ արեգականն, և ի սաստիութենէ աւազոյն, որ ոչ ունէր զկայ օտից և ի հեռեակազնացութենէն, և ամենեքումք թշուառացեալ անկան ի ձեռս թշնամեացն, որք դատեցին ի սուրս իւրեանց. և եկեալ ի տեղի բանակի նոցա, առին աւար բազում. և սկսան աներկիւղ տարածանել ի վերայ երկրին. քանզի ոչ կասկածէին ի պատերազմէ իմեքէ:

Յայնժամ տեսեալ Արուստղէմացոցն զանհնարին զիպուածսն անօգնականութեանն, առին զԱստուածային Սուրբ Նշանն Տէրունական հանդերձ այլ սպասիւք Ակեղեցեացն, փախուցին ի քաղաքն թագաւորական ի Արստանդին. և Իսմայէլ տիրեաց ամենայն հրէաստանի:

Իսկ արեղայն արիոսեան զոր յառաջագոյն ասացաք վարդապետ Մահմէտի, տեսեալ զյաջողութիւն իրացն, յարուցեալ եկն առ Մահմէտ ցուցանել նմա զգուշ երախտեաց, իբրև յիւրմէ վարդապետէ ուսեալ եհաս այնպիսի իրաց:

Իսկ նա քանզի ի հրեշտակէ ասէր ունել պատգամ և ոչ ի մարդոյ, յոյժ դժուարեալ ընդ իրսն սպան զնա ի գաղտնիս:

Ի սոյն ժամանակս էր այլ ոմն ի կողմանս պարսից միայնացեալ կրօնաւորութեամբ, էր և նորա աշակերտ մի որում անուռն էր

Սաղման. որ ի ժամ մահու միայնակեցին, պատուիրէր նմա և աւեր. որդեակ, ի վախճանելս իմում մի կայցես յայսմ աշխարհի, զի մի կորուսցես զկարգ քո ի մէջ անհաւատից. այլ երթիցես ի կողմանս եգիպտոսի, բնակել ի մէջ բազմութեան եղբարց, զի շահեսցիս զոգիդ քո: Եւ վախճանեալ միայնակեցին, կամեցաւ կատարել զպատուէր նորա Սաղման: Դէպ եղև նմա ճանապարհաւ դալ ի քաղաքն Մադիամ. էր և ծանօթ զիտութեան գրոց թէպէտ և ոչ կատարելագէտս: Օսա տեսեալ Մահմէտի կոչեաց և յարեցոյց առ ինքն, հրամայեալ նմա գրել զիրս օրինաց ազգին իւրոյ, ձեռամբ Աբութուաբայ Իսմայէլացոյ. քանզի ինքն ոչ զիտէր զիր և ոչ զպրութիւն: Իսկ Սաղման յանձն առ գրել նմա, և գրէր զիրս յօղուածոյս. էր ինչ որ ի ստոյգ յիշողութենէ, և էր ինչ որ կարծողական բանք. այլ և ինքն Մահմէտ մոլեկան հոգով շարժեցեալ տայր գրել զանուղղայս զոր մեք ի բազմաց զսակաւս յիշեսցուք: Քանզի ասէր զինքն մսիթարիչն՝ զոր խոստացաւ Տէր Քրիստոս առաքել աշակերտացն իւրոց. և զինքն համեմատ Փրկչին ասաց լինել, և ուղեկից ճանապարհի նորա յասելն Ասայեայ մարգարէի հեծեալ մի իշոյ, և հեծեալ մի ուղտու. զայս ամենայն յինքն յարակցէր: Եւ փոխանակ սուրբ մկրտութեանն, հանապազ ողողանիլ ջրով. և զայն բաւական համարել ի սրբութիւն: Եւ զերկնային պարգեւացն որ ի հանդերձեալսն խոստացաւ Տէր, զանպատում և զհրեշտակային նորութեանն, նա ասաց լինել անդ կերակուրք և ըմպելիք ուժգին. զոր և կամեսցի ուտել անյագաբար՝ պատրաստ գտանիցէ, և կանանց կուսից մնացելոց, հանապազ անյագաբար խառնակումն: Եւ երկայնագոյնս է զամենայն բանս պղծութեան նորա շարագրել. զի յոյժ բազում է և ընդդիմակ աստուծոյ: Եւ զայս ամենայն հաստատեալ եղ ազգի իւրում կոչելով Աուրանս: Եւ արդ՝ ե՛կ ասացից քեզ սրպիսի ողբովք ողբայ զնոսա հին մատենագիրն, ասելով. վայ քեզ, եղուկ դու ազգ Տաճկաց, արանց և կանանց և ամենայն ծովեզերեայ քաղաքաց. փոխանակ անաւրէնութեան լեզուիդ և պղծութիւն կարգաց, որով բացեալ զբերանդ պղծութեան զանաւրէնս բարբառէիր: Հասեալ կայիք յանդիման մեծագաւրին աստուծոյ: Եւ զլեզուդ պղծութեամբ զոր սրէիր ի վերայ մեծա

զաւր թագաւորին, արդ նոր և զարմանալի վերաւք դատեսցէ ըզ-
քեզ քան զամենայն տիեզերս: Այլ և սաստիկ հարուածովք սա-
տակեսցէ զքեզ: Աւ առ հառարակ ամենայն տիեզերք ծխեալ տե-
սանիցեն և ի քէն ամենեին հուրն ոչ պակասեսցէ յաւիտեան,
իբրև զհնոց խեցագործաց պրեսցիս, և քեզ ոչ եղիցի հանգիստ:

Աւ նորա զայս ամենայն չարիս կատարեալ ևս բազմագոյնս
քան զայս հաստատեալ եղ ազգի իւրու՛մ օրէնս բազում և այլ չա-
րագործութեամբք, և կեցեալ ամն քսան ի սմին, մեռաւ, և ինքն
կացուցանէ ի գլխաւորութիւն տաճկաց զԱպուբաբբ, և կեցեալ
ամն երկուս մեռանի: Յետ այսորիկ կայ ի գլխաւորութիւն տաճ-
կաց Ամր, որդի Հատապայ ամն քսան և ամիսս վեց: Սա հալա-
ծեաց զյոյնս, և զուճարեալ զօր բազում զնաց ի վերայ լքեալ
թագաւորութեանն պարսից յերկիրն պարթևաց, ի վերայ Յազ-
կերտի անուանեալ արքային պարսից, և փախեաւ Յազկերտ յե-
րեսաց նոցա, և ոչ կարաց ճողոպրել. քանզի հասին զհետ նորա
մերձ ի սահմանս քուշանաց, և կոտորեցին զամենայն զօրս նորա,
և փախուցեալ նա անկաւ ի զօրն թեսաղաց, որ էին եկեալ նմա
յօզնականութիւն, որ և սպանին զնա հրամանաւ Իսմայէլի, կա-
լեալ զթագաւորութիւնն ամն քսան: Աւ յայնմ հետէ բարձաւ
տէրութիւնն պարսից և ազգին Սասանայ որ տևեաց ամն, շրբ.

Քաղուածք ի պատմութենէ Համզայի Իսպահանեցոյ յաղագս յաջորդաց Մահմետի:
Տես, Hamsae Ispahanensis annalium Libri X, T. II, translatio latina, Gottwaldt,
Lipsiae, 1848, p. 126—127.

Աբուբեբբ թագաւորեաց	ամն՝ ք, ամիսս՝ 4, աւուրս՝ ք
Աւմար	ամն՝ Ժ, ամիսս՝ 7, աւուրս՝ Ժք
Աւթման	ամն՝ Ժա, ամիսս՝ Ժա, աւուրս՝ իք
Այի, որդի Աբութալէբի,	ամն՝ 7, ամիսս՝ Թ
Սոպլիա	ամն՝ ԺԹ, ամիսս՝ 7, աւուրս՝ իե
Լզիտ	ամն՝ 7, ամիսս՝ ք
Սոպլիա, որդի Լզտի,	ամն՝ ,, ամիսս՝ 7, աւուրս՝ իք

Աբդալլահ, որդի Օրբէյրի,	ամն՝ Թ, ամիսս՝ Ժա, աւուրս՝ 7
Աբդուլմելք	ամն՝ Ժք, ամիսս՝ 7, աւուրս՝ ե
Վալիդ, Աբդուլմելքի որդի,	ամն՝ Թ, ամիսս՝ 5, աւուրս՝ իԹ
Սոլէյման,	ամն՝ ք, ամիսս՝ 5, աւուրս՝ իԹ
Աւմար, Աբդալլահի որդի,	ամն՝ ք, ամիսս՝ ե, աւուրս՝ իք
Լզիտ, Աբդուլմելքայ որդի,	ամն՝ 7, ,, աւր՝ մի
Հիշամ, Աբդուլմելքայ որդի,	ամն՝ ԺԹ, ամիսս՝ ք, աւուրս՝ ի
Վալիդ, Լզտի որդի,	ամ՝ մի, ամիսս՝ ք, աւուրս՝ իա
Լզիտ, Վալիդի որդի,	,, ,, , ամիսս՝ ք, աւուրս՝ Թ
Իբրահիմ, Վալիդի որդի,	,, ,, , ամիսս՝ ք, աւուրս՝ Ժա
Սերուան, Սոհամմեդի որդի,	ամն՝ ե, ամիս՝ ա,
Ասաֆախ	ամն՝ 7, ամիսս՝ ք, աւուրս՝ ք
Աւմանուր	ամն՝ իա, ամիսս՝ Ժա, աւուրս՝ ք
Աւմահդի	ամն՝ Ժ, ամիս՝ ա, աւուրս՝ Ժք կամ՝ ե
Ահմադի	ամն՝ ա, ամիս՝ ա, աւուրս՝ Ժե
Առաշիդ	ամն՝ իք, ամիսս՝ ք, աւուրս՝ ի5
Ալամին	ամն՝ 7, ամիսս՝ ե, աւուրս՝ ք
Աւմանուն	ամն՝ ի, ամիսս՝ ե, աւուրս՝ իք
Աւմութասէմ	ամն՝ ք, ամիսս՝ ք, աւուրս՝ ք
Ալվաթեք	ամն՝ ե, ամիսս՝ Թ, աւուրս՝ 7
Աւմութաւաքէլ	ամն՝ Ժ7, ամիսս՝ Թ, աւուրս՝ Թ
Աւմանթասիր	,, ,, , ամիսս՝ 7, աւր՝ մի
Աւմութազ	ամն՝ 7, ամիսս՝ 7, աւուրս՝ իե
Աւմահմեդի	,, ,, , ամիսս՝ Ժա, աւուրս՝ ի

ՅԸՆԿ

Ա. ՍԵՔԻՆՍԻ ՊԵՏՄՈՒԹԻՒՆ Ի ՀԵՐՍԿԼՆ

	Էրես
Յառաջաբան	ա
Դպրութիւն Ա.	1
Դպրութիւն Բ.	11
Դպրութիւն Գ.	22—153

ՅԱՒԵԼՈՒՆԾՔ

ա. Ի Պատմութենէ թումայի Արժրունց	154
բ. Ի Պատմութենէ Ստեփանոսի Տարօնեցոյ	167
գ. Ի Պատմութենէ Վարդանայ	180
դ. Ի Պատմութենէ Յովհաննու Կաթողիկոսի	185
Ծանօթութիւնք	197
Վրիպակք	203

Բ. Սխիթարայ Անեցոյ Պատմութիւն 1—52

ՅԱՒԵԼՈՒՆԾՔ

ա. Ի Պատմութենէ Վարդանայ	53
բ. Ի Պատմութենէ Սամուէլի Անեցոյ	57
գ. Ի Պատմութենէ Կիրակոսի	58
դ. Ի Պատմութենէ Կաղանկատուացոյ	61
ե. Ի Պատմութենէ թումայի Արժրունց	64—71

ՀՀ Ազգային գրադարան



NL0345283

ՀՀ Ազգային գրադարան



NL0345282

